

DRAFT

ATURAN DOHOT PARATURAN HKBP 2002
DUNG AMANDEMEN PATOLUHON



HURIA KRISTEN BATAK PROTESTAN

2018

DAFTAR ISI

Bagian Parjolo		
PAMONAI		01
Bagian Paduahon		
ATURAN		
Ponggol I	: Hatontuon Umum	02
Ponggol II	: Goar, Inganan dohot Hajongjongan	03
Ponggol III	: Ojahan	04
Ponggol IV	: Panindangion	04
Ponggol V	: Partangiangan tu Debata	04
Ponggol VI	: Oikoumene	07
Ponggol VII	: Sangkap dohot Tujuan	07
Ponggol VIII	: Ulaon	07
Ponggol IX	: Organisasi	08
Ponggol X	: Haruason	08
Ponggol XI	: Parhalado	09
Ponggol XII	: Parartaon	09
Ponggol XIII	: Anggaran	10
Ponggol XIV	: Panutup	10
Bagian Patoluhon		
PARATURAN		
Ponggol I	: Huria	11
Ponggol II	: Resort	27
Ponggol III	: Distrik	30
Ponggol IV	: Pusat	37
Ponggol V	: Angka Komisi di HKBP	45
Ponggol VI	: Tohonan	49
Ponggol VII	: Rapot di HKBP	54
Ponggol VIII	: Panutup dohot Paralihan	73
Lampiran	: Bagan Organisasi HKBP	75

PAMONAI

Huria Kristen Batak Protestan (HKBP) i ma pardomuan ni angka halak na porsea tu Debata Ama, Anak dohot Tondi Porbadia, na dijou sian portibi on, na dipapungu jala na diparbadia i gabe huria jala na disuru tu portibi on laho mamaritahon Barita na Uli ni Debata di bagasan Jesus Kristus, jala asa gabe pasupas tu portibi on. Bangso ni Debata do HKBP, Daging ni Kristus dohot Parsaoran ni Tondi Porbadia di portibi on, bagian ni Huria na Sasada i, jala na badia.

Na jongjong do HKBP di Tano Batak mamungka 7 Oktober 1861 sian parbue ni pamaritahonon di Barita Na Uli na niulahon ni angka missionaris ni Rheinische Missionsgesellschaft (RMG). Di bagasan pardalanan ni sejarah, mamungka di ari 10 -11 Juli 1940 manjung baringinna laos mangerbang tu sandok Tano Batak, Indonesia dohot portibi on. Alani i jongjong do HKBP di sude inganan hombar tu hataonna. HKBP tarjou jala mangula patulushon: parsaoran, panindangion, pangajarion, dohot parasirohaon di bagasan pangoloionna tu Jesus Kristus songon Ulu ni Huria i songon hapataran ni Pamatang ni Kristus. Hombar do i tu Ekklesiologi ni HKBP na Kristosentris. Dalam laho patulushon pangoloionna i, sude do ruas *gabe malim na raja*. Sian i dipabangkit HKBP do angka Parhalado, Uluan sian tirket Pusat sahat tu Huria marsadasada, na marrumangkon PANGGONGGOMION MARTIRKET NA FAIT (*kepinimpinan yang pyramidal*). Sude angka sihobasan di huria, ditotophon marhite sian rim ni tahi dohot dos ni roha

Dipatomutomu do Aturan dohot Paraturan HKBP on na niuhal sian Buku na Badia (Padan na Robi dohot Padan na Imbaru) dohot Konfessi HKBP, bahen dasor ni hatontuan laho pauliuli ngolu parhuriaon, na manghamham parsaoran, parhahamarangion, panindangion, panghobasion, hajuarabagason dohot pembangunan hombar tu parhusoran ni partingkian laho pasauthon visi, misi dohot prinsip na di toru on:

Visi

HKBP gabe pasupas tu portibi on.

Misi

1. Marhadaulaton tu Debata Sitolusada: Ama, Anak, dohot Tondi Porbadia jala marsaor dohot angka dongan sahaporseaon.
2. Manogunogu ruas ni huria asa tutu situtu gabe anak ni Debata dohot warga ni negara na burju.
3. Mamaritahon Barita na Uli tu na so mananda Kristus dope dohot tu naung mandao sian huria.
4. Manangianghon dohot pasahathon soara panurirangon tu masyarakat dohot Negara.
5. Manondangi dohot manirai budaya Batak, Indonesia dohot Global marhitehite Barita na Uli.
6. Pahisarhon harkat dohot martabat ni angka na metmet dohot na tarduru marhite panogunogun, panghobasion, hahipason dohot patauhon ekonomi masyarakat.
7. Mangaradoti kerjasama oikoumene di angka huria dohot mambangun dialog lintas agama.
8. Mangaradoti hajuarabagason (pangula, organisasi, administrasi, parhepengon dohot parartaon) na ias, atur, patar jala na boi suhaton, dohot patupahon ulaon pauliulihon gareja.

Prinsip

Marsihohot do HKBP maniop angka prinsip na di toru on laho patulushon misi, mangeahi visi na di ginjang i, i ma :

- a. Pangalaho na inklusif, dialogis dohot na unkap.
- b. Holong dohot pangalaho so marhite kekerasan.
- c. Hapataran dohot akuntabilitas.
- d. Hatigoran, pardamean dohot hahotan ni angka na tinompa.

ATURAN PONGGOL PARJOLO HATONTUON UMUM

Bindu 1 Pangonaan di Hata

1. **Aturan** i ma angka buhu ni hatontuan Aturan na gabe dasor panghobasion di HKBP.
2. **Paraturan** i ma angka hatontuan na dipahembang sian Aturan HKBP.
3. **Aturan dohot Paraturan HKBP** na dipajempek gabe AP-HKBP, i ma angka buhu ni hatontuan na gabe dasor dohot angka hatontuan naung dipahembang di HKBP.
4. **Ruas**, i ma halak naung tardidi di bagasan Goar ni Debata Ama, Anak dohot Tondi Parbadia jala tarsurat goarna di Buku Bolon ni Huria.
5. **Huria** i ma parsaoan ni manang piga ruas ni HKBP di sada inganan na tontu, niuluhon ni Uluan ni Huria marsadasada.
6. **Rapot Huria** i ma rapot partimbo di tirket huria na mambahen haputusan laho patulushon ulaon panjouon ni huria dohot mangulahon haputusan ni Sinode Godang, Majelis Pekerja Sinode, Sinode Distrik dohot Rapot Resort hombar tu haporluan ni huria.
7. **Parhalado** i ma ruas ni huria na tarjou jala tarpillit mamelehon diri laho manghobasi ulaon ditongatonga ni huria.
8. **Tohonan**, i ma ulaon panghobasion huria na diampehon tu sasahalak Parhobas marhitehite pamasumasuon hombar tu Agenda HKBP.
9. **Ulaon panjouon ni huria** i ma parsaoan, panindangion, pangajarion dohot parasirohaon.
10. **Uluan ni Huria** i ma na manguluhon Huria marsadasada.
11. **Dewan Koinonia** i ma organ na sumangkapi dohot na patupahon angka panghobasion na padasiphon parsaoan na saroha, na sapingkiran dohot na sapanghilalaan di huria, na manghamham Seksi Sikola Minggu, Bajarbajar, Naposobulung, Parompuan, Ama dohot Natuatua.
12. **Dewan Marturia** i ma organ na mamingkiri dohot patupahon ulaon marbarita na uli di tongatonga ni huria dohot masyarakat na manghamham Seksi Sending dohot Seksi Musik.
13. **Dewan Didaskalia** i ma organ panghobasi di tirket Huria na mamingkiri dohot patupahon ulaon pangajarion (pendidikan dohot pa-tang-hon) na manghamham Seksi Pendidikan dohot Pahehehon manang Pelatihan/Pemberdayaan.
14. **Dewan Diakonia** i ma organ na mamingkiri dohot patupahon ulaon asi ni roha; pahinsathon hahipason dohot pandaraman (ekonomi) ruas ni Huria, songon i nang patupahon panghataion dohot parsaoan tu masyarakat na humaliang dohot tu pamarenta, na manghamham Seksi Diakoni Sosial, Seksi Kesehatan dohot Seksi Kemasyarakatan.
15. **Seksi** i ma unit panghobasi di toru ni Dewan di tirket Huria.
16. **Resort** i ma hadomuan ni Huria marsadasada laho padasiphon dohot pahembanghon parsaoan, panindangion, pangajarion, panghobasion di tongatonga ni angka huria.
17. **Rapot Resort** i ma rapot partimbo di tirket Resort na mambahen haputusan laho mangulahon na tinontuhon ni Sinode Godang, Majelis Pekerja Sinode dohot Sinode Distrik.
18. **Uluan Resort** i ma na manguluhon Huria Sabungan huhut mangkoordinasi dohot manjamothon angka ulaon panghobasion di sude huria na masuk tu Resort i.
19. **Distrik** i ma hadomuan ni manang piga Resort laho padasiphon, pahembanghon parsaoan, panindangion, pangajarion dohot panghobasion di tongatonga ni Distrik i.
20. **Sinode Distrik** i ma rapot partimbo di tirket Distrik na mambahen haputusan laho mangulahon na tinontuhon ni Sinode Godang dohot Majelis Pekerja Sinode hombar tu haporluan ni Distrik.
21. **Praeses** i ma Uluan ni Distrik niurupan ni Sekretaris Distrik dohot angka Asisten Bidang.

22. **Majelis Pekerja Sinode Distrik (MPSD)** i ma rapot na manghobasi Distrik laho patulushon haputusan ni Sinode Godang, Rapot Majelis Pekerja Sinode, dohot Sinode Distrik, rap dohot Praeses, Sekretaris Distrik dohot angka Asisten Bidang.
23. **Bidang** i ma organ na manguluhon panghobasion pasauthon ulaon panjouon ni Huria di tirket Distrik. Pangadonghonon ni bidang dohot uluanna dipahombar ma tu haporluan dohot haboion ni Distrik i. Angka bidang na adong i ma: Bidang Koinonia, Bidang Marturia, Bidang Didaskalia dohot Bidang Diakonia.
24. **Sinode Godang** i ma rapot Hatopan partimbo di HKBP na manotophon nasa hatontuan bona na mardomu tu ulaon panjouon ni Huria.
25. **Majelis Pekerja Sinode (MPS)** i ma rapot na mangula laho mamingkiri dalan pasauthon haputusan ni Sinode Godang na niuluhon ni Ephorus.
26. **Ephorus** i ma Uluan ni sandok HKBP.
27. **Sekretaris Jenderal** i ma na mangurupi Ephorus laho manguluhon panghobasion hatopan di bidang administrasi umum dohot keuangan.
28. **Departemen** i ma organ panghobasi di tirket Hatopan hombar tu Ulaon Panjouon ni Debata tu Huria i: parsauran, panindangion, pangajarion dohot parasinirohaon.
29. **Badan Audit HKBP** i ma organ na mamareso dohot mangevaluasi parhepengon, parartaon dohot pardalan ni sude rencana kerja ni sude organ dohot unit panghobasi di HKBP.
30. **Badan Pemulihan Aset HKBP** i ma organ na patupahon pangulaon na mardomu tu pangaramotion dohot padimundimunhon arta ni HKBP, sian tirket Pusat sahat tu Huria.
31. **Badan Usaha HKBP** i ma organ na mangusahahon sumber dana na porlu pangkeon ni HKBP laho patulushon panghobasionna.
32. **Badan Penyelenggara Pendidikan HKBP** i ma organ Pusat HKBP na manjalo ulaon sian Ephorus HKBP laho manghobasi Pendidikan HKBP na berbasis mutu hombar tu Kebijakan Dasar Pendidikan HKBP na tinotophon ni Rapat MPS.
33. **Yayasan** i ma organ sosial na pinajongjong ni HKBP manang angka ruas ni HKBP marojahan tu Aturan dohot Paraturan HKBP dohot Paraturan ni Pamarenta di tirket Hatopan, Distrik, Resort manang Huria.
34. **Komisi** i ma organ na pinajongjong hombar tu haporluan ni HKBP di tirket Hatopan, Distrik, Resort manang Huria.
35. **Biro** i ma organ panghobasi di toru ni Sekretariat Jenderal.

PONGGOL PADUAHON GOAR, INGANAN, DOHOT PARJONGJONGNA

Bindu 2

Goar, Inanan, dohot Parjongjongna

1. Goar i ma Huria Kristen Batak Protestan na pinajempek gabe HKBP.
2. Huria Kristen Batak Protestan, i ma pardomuan ni halak Kristen sian sude marga dohot houn ni bangso Indonesia, dohot nasa bangso di sandok portibi on na tardidi tu bagasan Goar ni Debata Ama, Anak dohot Tondi Parbadia. Sada hapataran ni Pamatang ni Kristus do HKBP, na manghamham na porsea na marpanindangion di sandok portibi on.
3. Na jongjong do HKBP di Indonesia dohot di sandok portibi on jala markantor pusat di Pearaja Tarutung.
4. HKBP ojak di ari 7 Oktober 1861, na jongjong sian hadirionna marhitehite pangulaon ni Tondi Porbadia. Laos dijanghon jala diokui Pamarenta do HKBP marhite Bisolot No. 48 tanggal 11 Juni 1931 na tarsurat di Staatsblad taon 1932 No. 360 dohot haputusan ni Direktur Jenderal Bimas Kristen Protestan Departemen Agama No. 33 tahun 1988 tanggal 6 Februari 1988.

PONGGOL PATOLUHON OJAHAN

Bindu 3 Ojahan

Ojahan ni HKBP, i ma Hata Ni Debata na gabe Daging na marpamusatan tu Jesus Kristus, na hinatindahon ni Buku na Badia: i ma Padan na Robi dohot Padan na Imbaru, mual ni hasintongan dohot hangoluan tu sandok portibi on.

Di bagasan pangoloion tu Debata Ama, Anak dohot Tondi Porbadia, dijanghon HKBP do Pancasila dohot Undang-undang Dasar 1945 gabe ondolan marmasyarakat, marbangso dohot marnegara.

PONGGOL PAOPATHON PANINDANGION

Bindu 4 Panindangion

Ia Panindangion Haporseaon ni HKBP i ma udut ni angka panindangion haporseaon naung adong hian, isarana *Apostolicum, Niceanum, Athanasianum*. Marhite parjamitaon, panindangion, surat tongosan, ende huria, tangiang, liturgi dohot buku parsiajaran, tangkas do tarida tongtong pangokuon na Kristus do Ulu ni huria i jala Tuhan ni angka tuan. Di bagasan pangoloion di Hata Ni Debata na gabe mual ni parjamitaon dohot haporseaon, marpanindangion do huria i di angka rapot huria, di pangulaonna, di ngoluna siganup ari siala hapataran ni Debata Sitolusada, i ma Debata Ama, Anak dohot Tondi Parbadia. Nasa rapot ni huria, tohonan, parmahanion dohot panghobasion di huria nang Aturan ni Huria marondolan tu Panindangion Haporseaon ni Huria do.

PONGGOL PALIMAHON PARTANGIANGON TU DEBATA

Bindu 5 Ulaon dohot Hatiha ni HKBP Martangiang tu Debata

1. Parmingguon

- 1.1. Dipatupa HKBP do parmingguan ganup ari Minggu, di angka ari pesta huria dohot angka ari na marhadohoan na asing maringanan di bagas gareja, di jabu, di parsikolaan, di kantor manang di angka inganan na asing hombar tu ringkotna.
- 1.2. Sipatupaon do parmingguan i mamangke liturgi songon na diaturhon di Agenda HKBP hombar tu parjoor ni angka minggu di taon parhuriaon naung diaturhon di Almanak HKBP, mamangke Buku Ende HKBP manang buku ende na asing na hombar tu Konfessi HKBP, jala mamangke turpuk jamita manang sijahaon sian Bibel naung diaturhon di Almanak HKBP. Ganup partohonan na manghobasi parmingguan i ingkon mamangke pahean tohonan/parhobas na jinalona be.
- 1.3. Angka parhobas ni HKBP do na manghobasi parmingguan i, manang parhobas ni huria na asing na sapoda/sa-dogma dohot HKBP.
- 1.4. Sipatupaon do parmingguan i tu angka dakdanak, bajarbajar, naposobulung, na magodang dohot natuatua.
- 1.5. Sipatupaon do parmingguan i di Hata Batak, Hata Indonesia manang di angka hata na asing na niantusan jala hinangoluhon ni ruas ni huria.

- 1.6. Dipatupa do parmingguan i mardongan tata ruang dohot dekorasina hombar tu liturgi dohot Agenda HKBP.
- 1.7. Sihobashonon ni huria do parmingguan pangapulion tu ruas ni huria na mararsak ni roha ala ni hamatean manang parungkilon.

2. Partangiangan Ganup Ari Marsasahalak, Ripe dohot Wijk/Lunggu

- 2.1. Patupaon ni ganup ruas ni huria, marsasahalak manang keluarga do partangiangan siganup ari marhite na marende, martangiang dohot manjaha Hata Ni Debata na diturpukhon di Almanak. Nasa ruas ni HKBP ingkon do manjaha Bibel, atur jala jojor sian Buku 1 Musa sahat tu Pangungkapon.
- 2.2. Patupaon ni Huria do partangiangan dohot Patanakhon Hata Ni Debata (PHD) di angka lunggu, atur jala jojor ganup minggu. Parhalado Huria do na manotophon turpuk ni Hata Ni Debata sipatanahon i hombar tu Almanak ni HKBP.

3. Parpunguan Parheheon Partondion

Na boi do patupaon ni Huria punguan paheheon partondion na nidohotan ni ruas ni huria dohot masyarakat di inganan na tinontuhon ni Huria.

4. Sakramen

Siradotan ni Huria do Sakramen na pinatikhon ni Tuhan Jesus Kristus i ma Pandidion na Badia dohot Parpadanan na Badia hombar tu Konfessi ni HKBP.

4.1. Pandidion na Badia

Pamasaon ni Huria do Pandidion na Badia tu angka posoposo dohot tu angka na magodang, na so tardidi hian dope andorang posoposo hombar tu parturena di Agenda HKBP. Sipatupaon do Pandidion na hinipu tu na marsahit posi, saboiboina niulahon ni Sintua; molo so i sahalak ruas ni huria na ringgas marminggu manang natoras ni posoposo i.

4.2. Parpadanan na Badia

Ingkon sipatupaon ni Huria marsadasada do Parpadanan na Badia hombar tu parturena di Agenda HKBP.

4.3. Na mangulahon Sakramen

Pandita do na patupahon ulaon Sakramen, jala holan mangurupi marhobas do angka partohonan na asing.

5. Pangajarion di Hata Ni Debata

Sipatupaon ni Huria do pangajarion dohot Patanakhon Hata Ni Debata tu sude ruas ni huria: dakdanak, bajarbajar, naposobulung dohot na tuatua asa lam ganda pangantusion, panganguluhonon dohot pangulahonon di Hata Ni Debata na tau pahothon nasida di ngolu hakristenon i.

6. Manghatindangkon Haporseaon

Sipatupaon ni Huria do parguruan tu angka na naeng manghatindangkon haporseaonna. Pandita do na manangkasi hatauonnasida niadopan ni Parhalado Partohonan dohot natorasna be di na laho paujunghon parguruon i. Di adopan ni Huria i do nasida jongjong manghatindanghon haporseaon di bagasan parmingguan mangihuthon parturena songon na di Agenda HKBP.

7. Parbagason

Sipasupasuon ni Huria do baoa dohot parompuan na naeng marbagas di tongatonga ni huria mangihuthon parturena songon na di Agenda HKBP, dung jolo adong panangkasion, pangantusion dohot hatauon taringot tu ruhut pardongansaripeon na niuluhon ni Parhalado Partohonan.

8. **Angka Ari Pesta Parhuriaon dohot Ari na Marhadohoan**

Sipatupaon ni huria do parpunguan manang parmingguan laho manghalashon angka pesta parhuriaon dohot ari na marhadohoan naung dipamasuk tu Agenda dohot Almanak HKBP:

- 8.1. Parpunguan Bodari Parningotan di Hatutubu ni Tuhan Jesus Kristus 24 Desember.
- 8.2. Pesta Parjolo dohot Paduahon Parningotan di Hatutubu ni Tuhan Jesus Kristus 25 dohot 26 Desember.
- 8.3. Partangiangan Natal Keluarga.
- 8.4. Partangiangan Parningotan Panaonon (Passion) ni Tuhan Jesus Kristus.
- 8.5. Parningotan di Hamamate ni Tuhan Jesus Kristus.
- 8.6. Partangiangan Buhabuha Ijuk Haheheon ni Tuhan Jesus Kristus.
- 8.7. Pesta Parjolo dohot Paduahon Parningotan di Haheheon ni Tuhan Jesus Kristus.
- 8.8. Pesta Parningotan di Hananaek ni Tuhan Jesus Kristus.
- 8.9. Pesta Parjolo dohot Paduahon Parningotan di Hasasaor ni Tondi Parbadia.
- 8.10. Pesta Sending.
- 8.11. Pesta Parningotan HKBP Manjujung Baringinna 10-11 Juli.
- 8.12. Pesta Parningotan Ari Hatutubu ni HKBP 7 Oktober.
- 8.13. Pesta Parningotan Ari Reformasi 31 Oktober.
- 8.14. Partangiangan Ujung Taon 31 Desember.
- 8.15. Partangiangan Keluarga di Parsirangan ni Taon.
- 8.16. Pesta Taon Baru 1 Januari.
- 8.17. Partangiangan Manuan Boni.
- 8.18. Pesta Gotilon.

Na boi do patupaon ni angka huria parpunguan di angka ari na marhadohoan hcmbar tu ringkotna.

9. **Pangebation**

Patupaon ni Huria do pangebation manang panopoton na atur tu ruas ni huria, lumobi tu na marsahit, na pogos, na marsitaonon, na mangadopi parungkilon na dokdok, na hona bala dohot na so mandohoti parminguan di gareja.

10. **Sermon dohot Pangaradeon Laho Marhobas**

- 10.1. Patupaon ni Huria do Sermon na atur ganup minggu tu sude Parhalado Partohonan laho patanakhon Hata Ni Debata dohot patupa pangaradeon tu parmingguan.
- 10.2. Patupaon ni Huria do sermon na atur ganup minggu tu Guru Sikola Minggu dohot Pendamping Bajarbajar laho patanakhon Hata Ni Debata dohot patupa pangaradeon tu pangajarion tu angka dakdanak dohot bajarbajar. Saboiboina, Pandita do na manguluhon Sermon Guru Singkola Minggu dohot Sermon Pendamping bajarbajar i.
- 10.3. Nasa Pangula Partohonan dohot Pangula na so Partohonan na maranggap di parmingguan dohot pesta parhuriaon manang angka partangiangan na asing, ingkon do mangarade dohot pasomalsomalhon diri, pahibul roha dohot martangiang huhut mangaradoti hahipasonna asa boi patulushon ulaon na pinasahat tu ibana sadenggandengganna.

Bindu 6 Hajuarabagason

Laho patulushon ulaon panghobasion di HKBP, dipasahat Debata do tu HKBP angka sinamot dohot arta na arga jala na ringkot tu ulaon panghobasion Huria songon Pamatang ni Kristus na tarida, i ma parbue ni haporseaon dohot holong ni roha ni ruas ni huria i, marhite Pelean Minggu, Pelean Bulanan, Pelean Taon, Hamauliateon, Pelean Patumonaan, Pelean Parsampuluan dohot angka pelean na asing na marojahan tu haporseaon, holong dohot lidang ni roha. Dipatupa Huria

do angka usaho mangalului dana na hombar tu Konfesi HKBP dohot perundang-undangan laho patukhon na ringkot tu misi ni HKBP. Na boi do jaloon ni huria pangurupion na so marpangea jala na so maralo tu perundang-undangan sian lembaga-lembaga oikoumenis, pamarenta manang angka badan na asing.

Ia rumang ni arta na arga i, i ma torop ni ruas, tano dohot angka suansuanan, bagas joro dohot angka haporluanna, bagas inganan dohot angka haporluanna, tano dohot angka sopo (bangunan) na porlu pangkeon tu panghobasion dohot angka surat ni tano nang angka surat-surat arta na arga na gabe tanda parnampunaon nang angka barita na tarsurat taringot tu pardalan ni huria i. Na boi do marhusor arta ni HKBP hombar tu ringkotna molo dung jolo ditotophon di Rapot Majelis Pekerja Sinode silaporhonon ni Ephorus tu Sinode Godang.

Diparhatopot Huria do, pasupasus ni Debata do sude angka pelean dohot parbue ni usaho manang pangurupion ni pihak na asing i. Siala ni i, ingkon radotan do i sadenggandengganna di bagasan hatigoran, hataraturon, haungkapon dohot pelaporan na marpanahatan (pertanggungjawaban) di adopan ni TUHAN i dohot huriaNa i. Dalan mangaradoti hajuarabagason i, dipabangkit HKBP do angka juarabagas sian tirket Pusat sahat tu tirket Huria marsadasada.

PONGGOL PAONOMHON OIKOUMENE

Bindu 7

Hasadaon ni HKBP dohot Halak Kristen

Parsidohot do HKBP papatarhon hasadaon ni angka huria sisada haporseaon dohot HKBP nang sude halak Kristen di portibi on hombar tu tangiang ni Tuhan Jesus: "Asa sada nasida saluhutna, songon Ho ale Amang di bagasan Ahu, jala Ahu di bagasan Ho, songon i ma nang nasida di bagasan Hita, asa porsea portibi on, Ho marsuru Ahu" (Johannes 17:21). Suang songon i nang poda ni Apostel Paulus na mandok: "Sada do Tuhan, sada do haporseaon, sada do nang pandidion. Sada do Debata, Ama ni sasude. sigomgomi saluhut, sitorusi saluhut jala siingani saluhut", (Epesus 4:5-6).

PONGGOL PAPITUHON SANGKAP DOHOT TUJUAN

Bindu 8

Sangkap dohot Tujuan ni HKBP

1. Mamaritahon dohot manghangoluhon Hata Ni Debata.
2. Mangaramoti hapolinon di pamaritahonon dohot pamodahonon di Hata Ni Debata.
3. Paturehon dirina asa gabe hasangapon di Goar ni Debata Ama, Anak dohot Tondi Parbadia.
4. Pahothon dohot patoguhon pardalan dohot parjongjong ni HKBP.

PONGGOL PAUALUHON ULAON

Bindu 9

Ulaon ni HKBP

Ulaon ni HKBP, i ma pahembanghon Harajaon ni Debata marhite ulaon parsaoaran, panindangion, pangajarion dohot parasinirohaon.

PONGGOL PASIAHON ORGANISASI

Bindu 10

Huria, Resort, Distrik, Pusat

1. Huria i ma punguan ni manang piga halak na porsea, naung tardidi, jala rade pasauthon Harajaon ni Debata dohot na manghangoluhon haluaon na sian Jesus Kristus.
2. Huria do hataridaan ni panghobasion di HKBP.
3. Huria na marhasadaon di Resort; Resort na marhasadaon di Distrik; jala Distrik marhasadaon di Pusat ni HKBP.

Bindu 11

Organ Panghobasi

Laho patulushon ulaon panghobasion di HKBP dipatupa do angka organ panghobasi, i ma Sekretariat Jenderal, Bendahara Pusat, Departemen, Biro dohot angka Unit na di toruna, angka Badan HKBP, Yayasan dohot angka Komisi HKBP.

PONGGOL PASAMPULUHON HARUASON

Bindu 12

Ruas ni HKBP

1. Ia ruas ni HKBP i ma halak naung tardidi tu bagasan Goar ni Debata Ama, Anak, dohot Tondi Parbadia.
2. Sude ruas ni HKBP ingkon umboto jala manghangoluhon Hata Ni Debata marhite na ringgas marsiajar di tonga ni bagasna, di parguruan na pinatupa ni HKBP dohot parguruan na asing na so maralo tu poda ni HKBP, manghatindanghon haporseaon, manghangoluhon Panindangion Haporseaon ni HKBP, unduk tu Aturan dohot Paraturan dohot Ruhut Parmahanion dohot Paminsangon ni HKBP.
3. Horong ni ruas ni huria hombar tu umur i ma: dakdanak, bajarbajar, naposobulung dohot na tuatua.

Bindu 13

Hak ni Ruas

1. Na marhak do ganup ruas ni huria taruli di ulaon: Pandidion na Badia, Manghatindangkon Haporseaon, Ulaon na Badia, Pamasumasuon Pardongansaripeon jala manjalo Parmahanion, Pangapulion tu na marsahit, na marsitaonon, Panogunoguon Ruma Tangga siala na hona uhum negara dohot na hona Ruhut Parmahanion dohot Paminsangon; tangiang pangondianon dohot ragam ni pasupasu marhitehite panghobasion di huria.
2. Manjalo Surat Hatorangan Parhuriaonna hombar tu ringkotna.
3. Di angka inganan na so adong dope jongjong HKBP, masuk ma nasida tu Huria na sapoda (masiangkuan) dohot HKBP.

Bindu 14

Kewajiban ni Ruas

Kewajiban ni ruas ni huria do manarohon nasa na ringkot di huria marhite na mamelehon diri hombar tu talenta na nilehon ni Debata dohot pasahathon ragam ni pelean sian las dohot ias ni roha.

Bindu 15
Hadoson ni Hak dohot Kewajiban
ni Ruas Baoa dohot Ruas Parompuan

Dos do *hak dohot kewajiban* ni ruas baoa dohot parompuan di HKBP, laos songon i do nang di haruason di angka organ panghobasi.

Bindu 16
Mansohot sian Haruason

Mansohot do haruason ni ruas ni HKBP molo ndang olo be unduk tu Hata Ni Debata, Konfessi, Aturan dohot Paraturan, Ruhut Parmahanion dohot Paminsangon HKBP, songon i molo dung monding.

PONGGOL PASAMPULUSADAHON
PARHALADO

Bindu 17
Parhalado

1. Laho pasauthon ulaon parsauran, panindangion, pangajarion dohot panghobasion ala ni Kristus, dipabangkit do Parhalado na jinou ni Debata marhite Huria i jala na olo mamelehon dirina huhut na unduk tu Hata Ni Debata, Konfessi, Aturan dohot Paraturan HKBP nang Ruhut Parmahanion dohot Paminsangon HKBP.
2. Parhalado, i ma :
 - 2.1. Parhalado partohonan i ma angka partohonan na pinabangkit ni HKBP hombar tu Poda Tohonan na niaturhon di Agenda HKBP dohot na pinabangkit ni huria na niokuan ni HKBP.
 - 2.2. Parhalado na so partohonan i ma ruas ni huria na olo mamelehon dirina hombar tu silehonlehon na pinasahat ni Debata tu ibana.
 - 2.3. Tarbagi do parhalado hombar tu haboion ni tingkina, i ma Parhalado na Gok Tingki, Parhalado na so Gok Tingki dohot na ungap rohana.

Bindu 18
Na Manguluhon HKBP

1. Uluan ni Huria do na manguluhon Huria Pagaran marsadasada, jala Uluan ni Resort do na manguluhon Huria Sabungan.
2. Uluan ni Resort do na manguluhon Resort.
3. Praeses do na manguluhon Distrik.
4. Ephorus do na manguluhon sandok HKBP.

PONGGOL PASAMPULUDUAHON
PARARTAON

Bindu 19
Parnampunaon

HKBP Hatopan (Pusat) do nampuna sude arta na adong di HKBP, na niramotan ni Kantor Pusat HKBP dohot na di huria marsadasada.

Bindu 20 **Rumang ni Arta**

Ia arta ni Huria, i ma nasa arta na marrumang tano, bangunan, hepeng, surat na mararga dohot ugasan na boi morot dohot na so boi morot di sandok HKBP.

Bindu 21 **Pangaramotion**

1. Pangaramotion di arta ni Huria i dipasahat do tu angka huria marsadasada, Resort, Distrik, Lembaga, angka Badan HKBP, Yayasan, dohot Sekretariat Jenderal.
2. Di ginjang ni pangaramotion na di ayat 1, adong pangaramotion marhite Badan Audit HKBP.

PONGGOL PASAMPULUTOLUHON

Bindu 22 **Anggaran**

1. Anggaran Pusat ni HKBP ditotophon marojahan tu program kerja na pinutushon ni Rapot Majelis Pekerja Sinode.
2. Anggaran ni Distrik ditotophon marojahan tu program kerja na diputushon ni Sinode Distrik.
3. Anggaran ni Resort ditotophon marojahan tu program kerja na diputushon ni Rapot Resort.
4. Anggaran ni Huria ditotophon marojahan tu program kerja na diputushon ni Rapot Huria.
5. Anggaran Pusat rap dituhuk sandok Distrik secara adil jala proporsional.
6. Anggaran ni Distrik rap dituhuk sandok Resort secara adil jala proporsional.
7. Anggaran ni Resort rap dituhuk sandok Huria secara adil jala proporsional.
8. Anggaran ni Huria rap dituhuk sandok Ruas ni Huria secara adil dan proporsional.
9. Pelean Dua dohot pelean na marboho sian angka huria ditongoshon ganup bulan langsung tu nomor rekening Pusat.
10. Nomor Rekening Pusat tinotophon ni Rapot Majelis Pekerja Sinode. Fotokopi ni bukti transfer ditongoshon tu Praeses.
11. Anggaran Pusat, Distrik, Resort dohot Huria diulahon marojahan tu prinsip na patar, atur jala na marhitudan na mangihuthon prinsip-prinsip ni akuntansi na denggan hombar tu Peraturan Pelaksanaan Keuangan Umum (PPKU) dohot Pedoman Akuntansi HKBP.
12. Laporan parhepengon Pusat, Distrik, Resort dohot Huria disusun marrumanghon *neraca*.
13. Laporan parhepengon Pusat na marrumang *neraca* singkat ditongoshon tu Distrik, Resort dohot Huria.
14. Laporan parhepengon ni Distrik ditongoshon tu Pusat, Resort dohot Huria.
15. Laporan parhepengon ni Resort ditongoshon tu Distrik, Pusat dohot Huria.
16. Laporan parhepengon ni Huria ditongoshon tu Resort, Distrik dohot Pusat.

PONGGOL PASAMPULUOPATHON **PANUTUP**

Bindu 23 **Hasadaon ni Aturan dohot Paraturan**

Nasa hatontuan na adong di Aturan on, sipatorangon do i marhite angka hatorangan na umbuk di bagasan Paraturan. Ala ni i, sisada hasadaon do Aturan dohot Paraturan laho mangatur ulaon panghobasion ni HKBP.

PARATURAN PONGGOL PARJOLO

HURIA Bindu 1 Huria

1. Pangantusion

Huria marsadasada i ma pars Moran ni manang piga ruas ni HKBP di sada inganan na tontu, na niuluhon ni Uluan ni Huria marsadasada. Rajuman do gabe sada Huria angka huria na mamungka dohot na manjae.

1.1. Huria na Mamungka

Di inganan na so adong dope HKBP, na boi do pajongjongon di si HKBP molo adong manang piga ruas ni HKBP di inganan i. Siatat ni huria na mamungka:

- 1.1.1. Adong surat pangidoan tu huria na jumonok, manang na ringkot mangihuthon panimbangion ni Parhalado Partohonan.
- 1.1.2. Adong inganan Parmingguan.
- 1.1.3. Adong Parhalado Partohonan.
- 1.1.4. Adong tangkas na manguluhonsa hombar tu Aturan dohot Paraturan HKBP.
- 1.1.5. Adong surat pangokuon na unduk tu Aturan dohot Paraturan HKBP na tinandatanganan ni sude ruas naung manghatindanghon haporseaon.
- 1.1.6. Na umotikna adong 25 ripe manang 50 halak ruas naung manghatindanghon haporseaon.
- 1.1.7. Saleleng so digohi siarat na di ginjang i, rajuman ma i songon sada parmingguan.
- 1.1.8. Dung digohi siarat na di ginjang i, Praeses ma mangarasmihon gabe Huria marhite Surat Ketetapan na pinaruar ni Ephorus HKBP.

1.2. Huria na manjae

Huria na manjae i ma Huria na imbaru pinajongjong ni manang na piga ruas di inganan na tontu, pinajae ni Huria haborhatanna dung manggohi angka siarat na di toru on:

- 1.2.1. Adong alasan na tangkas pajongjong huria i.
- 1.2.2. Na umotikna adong 50 ripe.
- 1.2.3. Adong Parhalado Partohonan na tau manghobasi dohot manguluhon Huria i.
- 1.2.4. Adong bagas parpunguan manang gareja sipangkeon ni ruas ni huria i tu angka parpunguan huria.
- 1.2.5. Adong Surat Pangokuan na unduk tu Aturan dohot Paraturan HKBP na tinandatanganan ni sude ruas naung manghatindanghon haporseaon.
- 1.2.6. Adong panolopion sian Huria haborhatanna marhite Rapot Parhalado Partohonan.
- 1.2.7. Dung digohi siarat na di ginjang i, Praeses ma mangaresmihonsa marhite Surat Ketetapan na pinaruar ni Ephorus HKBP.

2. Huria na di Luar Negeri

Na boi do angka ruas ni HKBP na adong di luar negeri pajongjong sada parmingguan manang huria hombar tu hatauonna.

Bindu 2 Haruason, Hak dohot Kewajiban ni Ruas

1. Ia ruas ni HKBP i ma:

- 1.1. Halak naung tardidi jala halak naung manghangoluhon pangoloion tu Debata Ama, Anak dohot Tondi Parbadia.

- 1.2. Na unduk tu Konfessi, Aturan dohot Paraturan, Ruhut Parmahanion dohot Paminsangon HKBP dohot angka ruhut hakristenon di HKBP.
- 1.3. Sipatupaon ni Huria do Buku Bolon panuratan ni angka goar ruas ni huria.
2. Hak ni Ruas
 - 2.1. Manjalo pangajarion, pamodaion dohot paminsangon sian Hata Ni Debata, asa manghirim di bagabagaNa di bagasan haporseaon, marhite partangiangan, parmingguon dohot pangajarion.
 - 2.2. Mangido dohot manjalo Pandidion na Badia tu angka ianakhonna, panogunogunon di bagasan hakristenon, Manghatindanghon Haporseaon, manjalo Parpadanan na Badia, Pamasumasuon Parbagason, dohot Agenda Na Monding.
 - 2.3. Partohap di nasa parsaulian di Huria.
3. Kewajiban ni Ruas
 - 3.1. Gabe sitindangi ni Kristus di tongatonga ni parsauran na masitangiangan, masiurupan dohot masihaholongan, marhite angka silehonlehon (talenta) na adong di dirina be.
 - 3.2. Mangalehon dirina, gogona dohot pingkiranna tu ulaon panghobasion di huria.
 - 3.3. Pasahathon pelean minggu tingki marminggu, pelean bulanan manang taon songon tanda ruas ni huria dohot ragam ni angka pelean manang hamauliateon sian las ni roha (2 Korint 9:7).
4. Mansohot sian Haruason
 - 4.1. Pinda Huria tu na so HKBP.
 - 4.2. Laho tu ugamo na asing.
 - 4.3. Bali sian Huria mangihuthon Ruhut Parmahanion dohot Paminsangon HKBP.
 - 4.4. Monding.

Bindu 3 Sihobasan ni Huria

1. Pahembanghon dohot pahinsathon ngolu partondion dohot pardagingon ni ruas.
2. Pabangkithon angka Parhalado Partohonan dohot Parhalado na so Partohonan.
3. Pasauthon Konfessi, Ruhut Parmahanion dohot Paminsangon, Aturan dohot Paraturan, dohot Haputusan ni rapot di HKBP.
4. Paborhathon utusan tu angka ulaon ni HKBP dohot ulaon Oikoumene.
5. Paradehon partapahan dohot bangunan gereja dohot bangunan na asing dohot nasa na ringkot di Huria.
6. Manarison na ringkot tu Huria, Resort, Distrik dohot Pusat.
7. Pahembanghon dohot pahinsathon parsauran na denggan dohot dongan sahaporseaon dohot masyarakat dohot lingkungan na humaliangsa.
8. Manghobasi ulaon Huria marhite Parhalado.

Bindu 4 Parhalado ni Huria

1. Pangantusion

Parhalado i ma ruas ni huria na tarjou jala tarpillit mamelehon diri laho manghobasi ulaon di tongatonga ni huria.
2. Ragamna
 - 2.1. Parhalado Partohonan na Gok Tingki i ma Pandita, Guru Huria, Bibelvrouw, Diakones, Evangelis; na mamelehon sude tingkina dohot gogona mangula di Huria, jala na manjalo balanja na gok sian Huria i.

- 2.2. Parhalado Partohonan na so Gok Tingki ima Sintua; na mamelehon dirina mangula di Huria i marhite na pabahirhon tingkina dohot gogona, jala na so manjalo balanjo sian Huria i.
- 2.3. Parhalado na so Partohonan i ma angka pangurus ni Dewan, Seksi, Guru Sekolah Minggu, Pendamping Bajarbajar, Badan, Yayasan, Dirigent Koor dohot Panitia na pinabangkit ni Huria.
3. Uluan ni Huria
 - 3.1. Uluan ni Huria i ma na manguluhon Huria pagaran marsadasada, na manjalo Surat Ketetapan sian Ephorus HKBP manang parhalado partohonan na pinillit ni rapat Parhalado partohonan di Huria i na manjalo Surat Ketetapan sian Praeses.
 - 3.2. Ulaon ni Uluan ni Huria
 - a. Manguluhon Huria marsadasada laho sumangkapi dohot pasauthon angka ulaon panghobasion hombar panjouon tu huria.
 - b. Manguluhon Parhalado na Gok Tingki di Huria i hombar tu parsagi ni ulaonna be.
 - c. Manguluhon Rapot ni Huria, Rapot Parhalado, Rapot Parhalado Partohonan dohot Rapot Pamilliton ni angka Pangurus ni Dewan dohot Panitia Pembangunan.
 - d. Patulushon na pinutushon ni Sinode Godang, Rapot Majelis Pekerja Sinode, Sinode Distrik, Rapot Majelis Pekerja Sinode Distrik, Rapot Resort, Rapot Parhalado Resort, Rapot Huria dohot Rapot Parhalado Partohonan.
 - e. Mangaramoti, manogunogu dohot pahinsathon hinadenggan ni hinauli ni panghobasion di parartaon dohot administrasi ni Huria i.
 - f. Manjalo laporan panahatan (pertanggungjawaban) pangulaon ni ganup dewan dohot parartaon.
 - g. Pasahathon laporan taringot tu pangulaon, statistik dohot parhepengon ni huria tu Uluan Resort dohot tu Rapot Huria.
 - 3.3. Siarat gabe Uluan ni Huria
 - a. Partohonan na Gok Tingki na tinotophon ni Ephorus HKBP marhite Surat Keputusan.
 - b. Molo so adong dope Uluan ni Huria na tinotophon ni Ephorus HKBP, Rapot Parhalado Partohonan niuluhon ni Uluan Resort ma mamillit sian Sintua dohot siarat:
 - 1) Na manghangoluhon dohot na mangulahon tohonanna.
 - 2) Na umotikna naung 5 (lima) taon Sintua di huria i.
 - 3) Saboiboina pendidikan Sekolah Lanjutan Tingkat Atas.
 - 4) Marumur na umotikna 30 taon di tingki pamilliton.
 - 5) Na tinotophon ni Praeses marhite Surat Keputusan.
 - 3.4. Mansohot sian Uluan ni Huria na sian Sintua:
 - a. Sidung Periodena.
 - b. Mangido mansohot marhite surat andorang so sidung periodena.
 - c. Hona Ruhut Parmahanion dohot Paminsangon HKBP.
 - d. Ndang be mangulahon ulaonna mangihuthon panimbangion ni Rapot Parhalado Partohonan di Huria i.
 - e. Pinda Huria.
 - f. Monding.
4. Parhalado Parartaon
 - 4.1. Pangantusion

Parhalado Parartaon, i ma pangula partohonan mangurupi Uluan ni Huria laho mangaradoti hajuarabagason ni Huria.

- 4.2. Ulaonna
- a. Patomutomuhon Prakonsep Rencana Kerja dohot Anggaran Tahunan Huria dung manjalo usulan sian Dewan, sipasahatonna tu Uluan ni huria siboanonna tu Rapot Parhalado Partohonan.
 - b. Patupahon jala paimbaruhon Laporan Daftar Inventaris Huria marojahan tu rumang, inganan hapeahan, dohot na mamangke, sipasahatonna tu Uluan ni Huria siboanonna tu Rapot Parhalado Huria na umotikna sahali 6 (onom) bulan.
 - c. Manjamothon dohot mangaramoti nasa arta ni huria na tiniop ni Bendahara Huria dohot angka panitia na asing di Huria i.
 - d. Patupa Sertifikasi, manimpan dohot mandokumentasihon nasa surat na arga ni Huria jala mangalaporhonsa tu Rapat Parhalado Partohonan Huria na umotikna sahali sataon.
 - e. Padasiphon laporan parhepengon mingguan dohot bulanan ni Bendahara andorang so dipasahat tu Badan Audit Huria.
 - f. Paradehon sarana dohot prasarana na ringkot di Huria.
- 4.3. Ruasna
- a. 3 (tolu) halak sian tongatonga ni Sintua na pinillit ni Rapot Parhalado Partohonan.
 - b. Sekretaris Huria (*ex officio*).
 - c. Bendahara Huria (*ex officio*).
- 4.4. Uluanna
- I ma sahalak sian ruas ni Parhalado Parartaon na pinillit nasida sian tongatonganasida.
- 4.5. Syarat gabe Parhalado Parartaon:
- a. Na ringgas mangulahon ha-sintuaon-na, na so hasurahan pangalahona.
 - b. Naung manjalo Tohonan na umotikna 3 (tolu) taon.
 - c. Saboiboina pendidikan Sekolah Lanjutan Tingkat Atas, mangantusi administrasi dohot manajemen parartaon.
 - d. Na umotikna marumur 28 taon.
 - e. Bendahara Huria (*ex officio*).
- 4.6. Periodena
- Periodena 5 (lima) taon jala boi 2 (dua) periode padodot.
- 4.7. Maradian
- a. Sidung periodena.
 - b. Mangido maradian andorang so sidung periodena.
 - c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Partohonan.
 - d. Pinda Huria.
 - e. Monding.
5. Bendahara Huria
- 5.1. Ulaonna
- a. Manimpan hepeng huria di Bank na tinotophon ni Rapot Parhalado Partohonan. Pasahatonna do salinan manang fotokopi ni Rekening Giro manang Buku Tabungan tu Uluan Huria dohot tu Parhalado Parartaon, pinomat sahali sabulan.
 - b. Manimpan deba hepeng songon kas na metmet di brankas di kantor huria hombar tu godang ni na pinutushon ni Rapot Parhalado Partohonan.
 - c. Paruarhon hepeng hombar tu Anggaran Tahunan naung tinotophon ni Rapot Huria marhite panolopion ni Uluan Huria. Molo adong na manalpui anggaran taonan, ingkon marhite panolopion ni Rapot Parhalado Partohonan do asa tarparuar i.

- d. Patupahon laporan parhepengon na tarsurat (na ro dohot na haruar), atur jala denggan, ganup minggu di bagasan tingting huria.
- e. Patupahon Laporan Perhepengon (hepeng na ro dohot na haruar) na umotikna ganup onom bulan tu Rapot Parhalado Partohonan dung dipareso Badan Audit Huria.
- f. Patupahon Laporan Parhepengon Ujung Taon sipasahaton tu Ruas ni Huria di bagasan Partangiangan Ujung Taon, 31 Desember.
- g. Mangido panahatan (pertanggungjawaban) pamangkeon ni hepeng ni huria tu angka Dewan dohot Seksi dohot angka unit na asing. Sude Bendahara Seksi nirajuman do songon wakil ni Bendahara Huria.
- h. Manongoshon nasa kewajiban ni Huria tu Resort, Distrik dohot Pusat siganup bulan, tinolopan ni Uluan Huria.
- i. Marpanahatan tu Uluan Huria jala markoordinasi dohot Parhalado Parartaon.

5.2. Siarat Gabe Bendahara Huria

- a. Sintua na boi gabe juara bagas haposan na pinillit ni rapot Parhalado Partohonan.
- b. Na ringgas mangula ulaonna, na so hasurahan pangalahona.
- c. Saboiboina pendidikan Sekolah Lanjutan Tingkat Atas, jala mangantusi manajemen parhepengon, lumobi akuntansi.
- d. Na umotikna marumur 28 taon.

5.3. Periodena

Periodena 5 (lima) taon jala boi 2 (dua) periode padodot.

5.4. Maradian

- a. Sidung periodena.
- b. Mangido maradian andorang so sidung periodena.
- c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Partohonan.
- d. Pinda Huria.
- e. Monding.

6. Sekretaris Huria

Sekretaris Huria, i ma sahalak Sintua na pinillit ni Rapot Parhalado Huria, manang sahalak Pangula Partohonan na gok tingki na manjalo Surat Haputusan Ephorus mangula di Huria Sabungan, laho mangulahon angka ulaon hasekretarison dohot ulaon Kantor ni huria.

6.1. Ulaonna

- a. Mangulahon Administrasi Huria na denggan jala na taratur songon naung diaturhon di Buku Pedoman Penatalayanan HKBP marhite na patupahon:
 - 1) Buku Bolon (*Tauf Register*).
 - 2) Buku Panuratan Dakdanak na sorang.
 - 3) Buku Panuratan Na Tardidi Posoposo dohot Na Magodang.
 - 4) Buku Panuratan Na Manghatindanghon Haporseaon.
 - 5) Buku Panuratan Na Martumpol dohot Na Marbagas.
 - 6) Buku Panuratan Ruas Na Ro.
 - 7) Buku Panuratan Ruas Na Pinda.
 - 8) Buku Panuratan Ruas Na Monding.
 - 9) Buku Panuratan Ruas Na Hona Ruhut Parmahanion dohot Paminsangon dohot na jinangkon mulak tu Huria.
 - 10) Buku Tingting.
 - 11) Notulen Rapat Huria dohot Rapot Parhalado ni huria.

- b. Molo di komputer do diulahon na sinangkap di poin (a) na di ginjang, ingkon dibahen do salinanna na tarsurat jala ditandatangani Uluan Huria dohot Sekeretaris Huria.
- c. Paradehon konsep ni surat, mangagendahon dohot manimpan surat na masuk, mangagendahon surat na haruar jala manimpan partinggalna, dohot petikan ni Surat Haputusan.
- d. Paradehon inganan, bahan dohot ulaula na diharingkothon di Rapot Huria, Rapot Parhalado Huria, dohot Rapot Hadomuan ni Dewan dohot Seksi.
- e. Mangatur pangulaon ni pangurupi di gareja (koster, tata usaho, kebersihan, dapur, keamanan, kurir dohot na asing).
- f. Mambahen konsep ni tingting huria dohot pagandahon dung jolo ditolopi Uluan Huria.
- g. Mangaramoti jala marpanahatan (martanggungjawab) taringot tu sude arsip ni Huria.
- h. Mangaradoti dohot paimbaruhon marujuuju (berkala) database ni Huria.
- i. Marpanahatan tu Uluan Huria.

6.2. Syarat Gabe Sekretaris Huria na marharoroan sian Sintua

- a. Parhalado na haposan na pinillit ni Rapot Parhalado Partohonan.
- b. Na ringgas mangula ulaonna, na so hasurahan pangalahona.
- c. Saboiboina pendidikan Sekolah Lanjutan Tingkat Atas, jala mangantusi administrasi-kesekretariatan.
- d. Na umotikna marumur 28 taon.

6.3. Periodena

Periodena 5 (lima) taon jala boi dua periode padodot.

6.4. Maradian

- a. Sidung periodena.
- b. Mangido maradian andorang so sidung periodena.
- c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Partohonan.
- d. Pinda Huria.
- e. Monding.

7. Badan Audit Huria

Badan Audit Huria, i ma organ huria laho patupahon audit tu program, parhepengon, parartaon dohot manajemen ni huria.

7.1. Ulaonna

- a. Marpanahatan (bertanggung jawab) tu Rapot Huria.
- b. Patupahon audit tu pardalan ni Program dohot Anggaran Taonan Huria, dohot kinerja ni organ-organ panghobasion ni huria, hombar tu Pedoman Penatalayanan, Pedoman Akuntansi dohot haputusan Rapot Huria.
- c. Patupahon audit tu angka asset ni Huria.
- d. Pasahathon laporan audit tu Rapot Parhalado Partohonan Huria na umotikna sahali onom bulan jala tu Rapot Huria sahali sataon.

7.2. Syarat gabe ruas ni Badan Audit Huria

- a. Sintua manang ruas na boi gabe juara bagas haposan na pinillit ni Rapot Huria.
- b. Na ringgas mangula ulaonna, na so hasurahan pangalahona.
- c. Saboiboina mamolus Sekolah Lanjutan Tingkat Atas, jala mangantusi manajemen parhepengon, lumobi akuntansi.
- d. Na umotikna marumur 28 taon.

- 7.3. Ruasna
Tolu halak na pinillit ni Rapot Huria sian Sintua dohot ruas ni huria.
- 7.4. Periodena
Periodena 5 (lima) taon jala boi dua periode padodot.
- 7.5. Maradian
 - a. Sidung periodena.
 - b. Mangido maradian andorang so sidung periodena.
 - c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Partohonan.
 - d. Pinda Huria.
 - e. Monding.

Bindu 5 Dewan

1. Adong 4 (opat) Dewan di Huria, hombar tu ulaon panjouon ni Huria, i ma: Dewan Koinonia, Dewan Marturia, Dewan Didaskalia, Dewan Diakonia jala adong do angka Seksi di toru ni Dewan.
 - 1.1. Ulaonna
 - a. Manjalo usulan Rencana Kerja dohot Anggaran Tahunan sian ganup Seksi.
 - b. Patomutomuhon Rencana Kerja dohot Anggaran Tahunan Dewan sipasahatonna tu Uluan ni Huria asa dihatai di Rapot Parhalado Partohonan jala ditotophon di Rapot Huria.
 - c. Mangkoordinasi ganup Seksi mangulahon Program Kerja dohot Anggaran Tahunan ni ganup Seksi.
 - d. Maniroi dohot mangevaluasi pardalan ni Program Kerja dohot Anggaran Tahunan ni ganup Seksi.
 - e. Pasahathon laporan panahatan (pertanggungjawaban) tu Uluan ni Huria.
 - 1.2. Ruasna
 - a. 5 (lima) manang 7 (pitu) halak na pinillit ni Rapot Parhalado Partohonan.
 - b. Sude Ketua Seksi (*ex officio*).
 - 1.3. Uluanna
Uluanna i ma Ketua Dewan pinillit ni Rapot Dewan i sian tongatonganasida asing ni na ex-officio niuluhon ni Uluan ni Huria.
 - 1.4. Periodena
Periodena 5 (lima) taon jala boi dipillit 2 (dua) padodot.
2. Dewan Koinonia
 - 2.1. Pangantusion
Dewan Koinonia i ma organ na sumangkapi dohot na patupahon angka panghobasion na padasiphon parsoraan na saroha, na sapingkiran dohot na sapanghilalaan di huria, na manghamham Seksi Sikola Minggu, Bajarbajar, Naposobulung, Parompuan, Ama dohot Natuatua.
 - 2.2. Seksi Sikola Minggu
 - a. Ruasna: Sude ianakhon ni huria sian posoposo naung tardidi sahat tu na marumur 12 (sampulu dua) taon jala tarsurat goarna di Buku Bolon.
 - b. Pangurusna i ma: Ketua, Sekretaris, Bendahara dohot anggota pangurus na pinillit ni Rapot Hadomuan ni Dewan Koinonia dohot Parhalado Partohonan sian tongatonga ni ruas na magodang dohot sian Guru Sikola Minggu.
 - c. Ulaonna
 - 1) Patupahon panghobasion tu Sikola Minggu marhite na mangihuthon Buku Pangajarion tu Sikola Minggu na pinaruar ni Kantor Pusat HKBP.

- 2) Mangusulhon angka prasarana dohot sarana tu Sikola Minggu tu Parhalado.
 - 3) Mangalehon pamingkirion tu Dewan Koinonia laho pahehehon pangkobasion na ampit tu Sikola Minggu.
 - 4) Patupa evaluasi dohot laporan taringot tu pangulaonna sipasahatonna tu Ketua Dewan Koinonia dohot tu Uluan ni Huria hombar tu tingki naung tinontuhon.
- d. Periodena
2 (dua) taon 6 (onom) bulan do leleng ni periode kepengurusan ni Seksi Sikola Minggu, boi dipillit 2 (dua) hali padodot jala Uluan Huria do na melantik pengurus i di bagasan parmingguan.
- 2.3. Guru Sikola Minggu
- a. Syarat gabe Guru Sikola Minggu
 - 1) Na rade mamelehon dirina mangula di tongatonga ni dakdanak Sikola Minggu Huria.
 - 2) Sitiruon pangalahona, ndang hasurahan, ringgas marminggu manang tu parpunguan dohot na mangulahon ulaon parhuriaon.
 - 3) Na ringgas mandohoti sermon Guru Sikola Minggu.
 - 4) Ruas ni Huria i, na marumur umotikna 18 taon, jala naung manghatindanghon haporseaon.
 - 5) Saboiboina berpendidikan keguruan, jala adong pangantusionna taringot tu perkembangan ni pingkiran, emosi dohot pematang ni dakdanak Sikola Minggu dohot proses belajar.
 - 6) Na dipillit di Rapot Hadomuan ni Dewan Koinonia dohot Parhalado Partohonan, sian tongatonga ni ruas ni huria, jala ditotophon Uluan ni Huria marhite Surat Haputusan jala ditingtinghon di parmingguan ni Huria.
 - b. Ulaonna
 - 1) Mangajarhon parsiajaran naung dipatomutomu hombar tu horong ni Sikola Minggu naung niaturhon ni Kantor Pusat HKBP.
 - 2) Sumangkapi dohot patupahon angka ulaon ekstra kurikuler, isarana wisata rohani dohot panopoton tu angka Panti Asuhan ni HKBP.
 - 3) Patupa evaluasi taringot tu pangantusion dohot panghangoluhonon ni dakdanak Sikola Minggu hombar tu tingki naung ditontuhon jala mamangke hasil evaluasi laho pahinsathon hinadenggan ni pangajarion tu Sikola Minggu.
 - 4) Mambahen laporan taringot tu pangajarion ni Sikola Minggu hombar tu tingki naung ditontuhon, sipasahatonna tu Ketua Seksi Sikola Minggu asa dihatai di Rapot Seksi Sikola Minggu, sipasahatonna tu Dewan Koinonia dohot tu Uluan ni Huria.
- 2.4. Seksi Bajarbajar
- a. Pangantusion
Seksi Bajarbajar, i ma hadomuan ni angka ianakhon ni Huria naung marumur di ginjang ni 12 (sampulu dua) taon jala tarsurat goarna di Buku Bolon Huria.
 - b. Ruasna
Sude ianakhon ni ruas ni Huria na marumur 13 (sampulu tolu) sahat tu 17 (sampulu pitu) taon.
 - c. Pangurusna
Pangurusna i ma: Ketua, Sekretaris, Bendahara dohot anggota pangurus marguru tu haporluan na pinillit ni Rapot Seksi Bajarbajar Huria niuluhon ni Ketua Dewan Koinonia, jala silaporhononna tu Uluan ni Huria.

- d. Ulaonna
 - 1) Papunguhon ruas bajarbajar laho mangguruhon Hata Ni Debata.
 - 2) Mangurupi Pendamping Bajarbajar laho manogunogu ruas bajarbajar pahembangkon pangantusion parugamoon dohot parhuriaon.
 - 3) Mangurupi Pendamping Bajarbajar manogunogu ruas bajarbajar hombar tu Pola Pembinaan Bajarbajar naung tinotophon ni HKBP.
 - 4) Patupa evaluasi dohot laporan taringot tu panghobasion tu ruas bajarbajar jala sipasahatonna tu Ketua Dewan Koinonia dohot tu Uluan ni Huria hombar tu tingki naung ditontuhon.
 - e. Periodena

2 (dua) taon 6 (onom) bulan do leleng ni periode kepengurusan ni Seksi Bajarbajar, boi dipillit 2 (dua) hali padodot jala Uluan Huria do na melantik pangurus di bagasan parmingguan.
- 2.5. Panuturi (Pendamping) Bajarbajar
- a. Siarat gabe Panuturi (Pendamping) Bajarbajar i ma:
 - 1) Na rade mamelehon dirina mangula di panghobasian tu ruas Bajarbajar Huria.
 - 2) Sitiruon pangalahona, ndang hasurahan, ringgas marminggu manang tu parpunguan dohot na mangulahon ulaon parhuriaon.
 - 3) Na ringgas mandohoti sermon Panuturi (Pendamping) Bajarbajar.
 - 4) Na umotikna marumur 25 taon jala naung manghatindanghon haporseaon, saboiboina naung hot ripe.
 - 5) Saboiboina berpendidikan keguruan, jala adong pangantusionna taringot tu perkembangan ni pingkiran, emosi dohot pematang bajarbajar dohot proses belajar.
 - 6) Na dipillit di Rapot Hadomuan ni Dewan Koinonia dohot Parhalado Partohonan, sian tongatonga ni ruas ni huria jala ditotophon Uluan ni Huria marhite Surat Haputusan jala ditingtinghon di parmingguan ni huria.
 - b. Ulaonna
 - 1) Patomutomuhon parsiajaran taringot Hata Ni Debata, ngolu hakristenon dohot huria, songon i parngoluon ni HKBP hombar tu perkembangan ni pingkiran, emosi, dohot pematang ni bajarbajar.
 - 2) Mangajarhon parsiajaran naung dipatomotomu hombar tu horong ni Bajarbajar.
 - 3) Mangurupi Seksi Bajarbajar sumangkapi dohot patupahon angka ulaon ekstra kurikuler, isarana: wisata rohani dohot panopoton tu angka panti asuhan HKBP.
 - 4) Raphon Pengurus Seksi Bajarbajar patupa evaluasi taringot tu pangantusion dohot pangangoluhonon ni bajarbajar hombar tu tingki naung ditontuhon jala mamangke hasil evaluasi laho pahinsathon hinadenggan ni pangajarion tu bajarbajar.
 - 5) Mambahen laporan taringot tu pangajarion ni bajarbajar hombar tu tingki naung ditontuhon, sipasahatonna tu Ketua Dewan Koinonia dohot Uluan ni Huria.
 - c. Periodena

2 (dua) taon 6 (onom) bulan do leleng ni periode ni Pendamping Bajarbajar, boi dipillit 2 (dua) hali padodot jala Uluan Huria do na melantik pangurus i di bagasan parmingguan

2.6. Seksi Naposobulung

a. Pangantusion

Seksi Naposobulung i ma hadomuan ni sude ruas naposobulung ni Huria, baoa dohot parompuan na marumur di ginjang ni umur bajarbajar jala ndang marhasohotan dope, jala tarsurat goarna ruas ni huria i.

b. Ruasna

Sude ruas naposobulung ni huria na marumur 18-30 taon jala ndang marhasohotan dope.

c. Pangurusna

Pangurusna, i ma Ketua, Sekretaris, Bendahara dohot anggota pangurus marguru tu haporluanna na pinillit ni Rapot Naposobulung Huria niuluhon ni Ketua Dewan Koinonia jala silaporhononna tu Uluan ni Huria.

d. Ulaonna

- 1) Sumangkapi dohot patupahon ulaon panghobasion tu ruas Naposobulung ni huria di panghangoluhonon di Hata Ni Debata asa lam magodang jala matoras di haporseaon.
- 2) Manogunogu ruas naposobulung asa lam tang di pangantusion parugamoon manang parhuriaon, lumobi taringot tu hajongjongan dohot parngoluon ni naposobulung, asa lam magodang di haporseaon.
- 3) Manogunogu ruas naposobulung na hombar tu Buku Pedoman Pungan Naposobulung naung tinotophon ni HKBP.
- 4) Patupa evaluasi dohot laporan taringot tu panghobasion ni naposobulung sipasahatonna tu Ketua Dewan Koinonia dohot tu Uluan ni Huria hombar tu tingki naung ditontuhon.

e. Periodena

2 (dua) taon 6 (onom) bulan do lelang ni periode kepengurusan ni Seksi Naposobulung, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

2.7. Seksi Parompuan

a. Pangantusion

Seksi Parompuan i ma hadomuan ni sandok ruas parompuan naung matobang di Huria i, na marhasohotan manang naung mabalu dohot na so marhasohotan, na so ampit be ruas ni Seksi Naposobulung jala tarsurat goarna di Buku Bolon Huria.

b. Ruasna

Sude ruas ni huria parompuan naung matobang hombar tu pangantusion (2.7.a) na di ginjang i.

c. Pangurusna

Pangurusna i ma Ketua, Sekretaris, Bendahara dohot anggota pangurus marguru tu haporluanna na pinillit ni Rapot Parompuan Huria niuluhon ni Ketua Dewan Koinonia jala silaporhononna tu Uluan ni Huria.

d. Ulaonna

- 1) Sumangkapi dohot patupahon ulaon panghobasion tu ruas parompuan di panghangoluhonon di Hata Ni Debata asa lam magodang jala matoras di haporseaon.
- 2) Manogunogu ruas parompuan asa lam tang di pangantusion parugamoon manang parhuriaon, lumobi taringot tu hajongjongan dohot parngoluon ni parompuan, asa lam magodang di haporseaon.
- 3) Manogunogu ruas parompuan hombar tu Buku Pedoman Pungan Parompuan naung tinotophon ni HKBP.

- 4) Patupa evaluasi dohot laporan taringot tu panghobasion ni parompuan sipasahatonna tu Ketua Dewan Koinonia dohot tu Uluan ni Huria hombar tu tingki naung ditontuhon.
- e. Periodena
2 (dua) taon 6 (onom) bulan do lelung ni periode kepengurusan ni Seksi Parompuan, boi dipillit 2 (dua) hali padodot jala Uluan Huria do na melantik pangurus i di bagasan parminguan.

2.8. Seksi Ama

- a. Pangantusion
Seksi Ama i ma hadomuan ni sandok ruas baea di Huria i, na marhasohotan manang na mabalu dohot na so marhasohotan, na so ampit be tu ruas ni naposobulung, jala tarsurat goarna songon ruas ni huria HKBP di Buku Bolon Huria.
- b. Ruasna
Sude Ama ruas ni Huria.
- c. Pangurusna
Pangurusna i ma Ketua, Sekretaris, Bendahara dohot anggota pangurus marguru tu haporluanna na pinillit ni Rapot Ama Huria niuluhon ni Ketua Dewan Koinonia jala silaporhononna tu Uluan ni Huria.
- d. Ulaonna
 - 1) Sumangkapi dohot patupahon ulaon panghobasion tu ruas ama di panghangoluhonon di Hata Ni Debata asa lam magodang jala matoras di haporseaon.
 - 2) Manogunogu ruas ama asa lam tang di pangantusion parugamoon manang parhuriaon, lumobi taringot tu hajongjongan dohot parngoluon ni ama, asa lam magodang di haporseaon.
 - 3) Manogunogu ruas ama hombar tu Buku Pedoman Pungan Ama naung tinotophon ni HKBP.
 - 4) Patupa evaluasi dohot laporan taringot tu panghobasion ni ama sipasahatonna tu Ketua Dewan Koinonia dohot tu Uluan ni Huria hombar tu tingki naung ditontuhon.
- e. Periodena
2 (dua) taon 6 (onom) bulan do lelung ni periode kepengurusan ni Seksi Ama, boi dipillit 2 (dua) hali padodot jala Uluan Huria do na melantik Pangurus i di bagasan parminguan.

2.9. Seksi Natuatua (*Lanjut Usia*)

- a. Pangantusion
Seksi Natuatua (*Lanjut Usia*) i ma hadomuan ni sandok baea dohot parompuan ruas ni huria i, na marumur 60 taon tu ginjang jala tarsurat goarna di Buku Bolon Huria.
- b. Ruasna
Sude ruas ni huria na marumur 60 taon tu ginjang.
- c. Pangurusna
Pangurusna i ma Ketua, Sekretaris, Bendahara dohot anggota pangurus marguru tu haporluanna na pinilit ni Rapot Natuatua Huria na niuluhon ni Ketua Dewan Koinonia jala silaporhononna tu Uluan ni Huria.
- d. Ulaonna
 - 1) Sumangkapi dohot patupahon ulaon panghobasion tu ruas natuatua di panghangoluhonon di Hata Ni Debata asa lam hot jala marpabue di bagasan haporseaon.

- 2) Manogunogu ruas natuatua hombar tu Buku Pedoman Punguan Natuatua naung tinotophon ni HKBP.
 - 3) Patupa evaluasi dohot laporan taringot tu panghobasion tu ruas natuatua sipasahatonna tu Ketua Dewan Koinonia dohot tu Uluan ni Huria hombar tu tingki naung tinontuhon.
- e. Periodena
2 (dua) taon 6 (onom) bulan do leleung ni periode kepengurusan ni Seksi Natuatua, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

3. Dewan Marturia

3.1. Pangantusion

Dewan Marturia i ma organ na mamingkiri dohot patupahon ulaon marbarita na uli di tongatonga ni huria dohot masyarakat na manghamham Seksi Sending dohot Seksi Musik.

3.2. Seksi Sending

a. Pangantusion

Seksi Sending i ma unit panghobasi na pinatupa ni huria laho mamaritahon Barita Na Uli tu na humaliangna.

b. Ulaonna

- 1) Mangulahon sending HKBP di bagasan huria i sandiri.
- 2) Mangulahon sending HKBP tu duru ni huria i.
- 3) Papungu tumpak, dana marhite donateur dohot ulaon na asing laho manumpahi ulaon Sending na umbidang.
- 4) Padalahon program Sending HKBP.
- 5) Patupa evaluasi dohot laporan taringot tu pangulaonna sipasahatonna tu Ketua Dewan Marturia dohot tu Uluan ni Huria tu tingki naung ditontuhon.

c. Pangurus dohot Ruasna

- 1) Rapot Parhalado Partohonan do na mamillit ruas ni seksi i 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
- 2) Rapot Seksi do na mamillit Ketua dohot Sekretaris sian tongatonganasida, na tinolopan ni Rapot Parhalado Partohonan.
- 3) Seksi i do na pabangkithon angka kepanitiaan hombar tu ringkotna tinolopan ni Rapot Parhalado Partohonan. Panitia marhite Ketua Panitia marpanahatan (bertanggungjawab) tu Rapot Seksi.
- 4) Na marrapot do Seksi on hombar tu ringkotna, na umotikna sahali 6 (onom) bulan.

d. Periodena

2 (dua) taon 6 (onom) bulan do leleung ni periode kepengurusan ni Seksi Sending, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

3.3. Seksi Musik

a. Pangantusion

Seksi Musik i ma unit panghobasi na pinatupa ni huria laho manghobasi ulaon parendeon dohot uninguningan di huria.

b. Ulaonna

- 1) Mangalahon panogunoguan tu parendeon dohot uninguningan di Huria, laho mamaritahon Hata Ni Debata.
- 2) Paradehon haporluan na mardomu tu ulaon parendeon dohot uninguningan.

- 3) Pahinsathon angka punguan parendeon dohot punguan uninguningan.
 - 4) Patupa evaluasi dohot laporan taringot tu pangulaonna sipasahatonna tu Ketua Dewan Marturia dohot tu Uluan ni Huria hombar tu tingki naung ditontuhon.
- c. Pangurus dohot Ruas
- 1) Rapot Parhalado Partohonan do na mamillit ruas ni seksi i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
 - 2) Rapot Seksi do na mamillit ketua dohot sekretaris sian tongatonganasida na tinolopan ni Rapot Parhalado Partohonan.
 - 3) Seksi i do na pabangkithon angka kepanitiaan hombar tu ringkotna tinolopan ni Rapot Parhalado Partohonan. Panitia marhite Ketua Panitia marpanahatan (bertanggung jawab) tu Rapot Seksi.
 - 4) Na marrapot do Seksi on hombar tu ringkotna, na umotikna sahali 6 (onom) bulan.
- d. Periodena
- 2 (dua) taon 6 (onom) bulan do lelung ni periode kepengurusan ni Seksi Musik, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

4. Dewan Didaskalia

4.1. Pangantusion

Dewan Didaskalia i ma organ panghobasi di tirket Huria na mamingkiri dohot patupahon ulaon pangajarion (pendidikan dohot pa-tang-hon) na manghamham seksi pendidikan dohot pahehehon manang pelatihan/pemberdayaan.

4.2. Seksi Pangajarion

a. Pangantusion

Seksi Pangajarion i ma unit panghobasi na pinatupa ni Huria laho manghobasi ulaon pangajarion tu ruas ni huria songon i nang tu na humaliangna, marguru tu haporluanna.

b. Ulaonna

- 1) Manghobasi ulaon pangajarion di tongatonga ruas ni huria dohot na humaliang na marguru tu haporluan ni masyarakat nang bangso.
- 2) Mangalului dalan patupahon kerjasama pangajarion manang latihan dohot lapangan kerja na ampit.
- 3) Papunguhon tumpak, dana sian manang piga sumber laho manghobasi beasiswa tu ianakhon ni huria na manghaporluhon.
- 4) Patupa evaluasi dohot laporan taringot tu pangulaonna sipasahatonna tu Ketua Dewan Didaskalia dohot tu Uluan ni Huria hombar tu tingki naung ditontuhon.

c. Pangurus dohot Ruasna:

- 1) Rapot Parhalado Partohonan do na mamillit ruas ni seksi i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
- 2) Rapot ni seksi do mamillit Ketua dohot Sekretaris sian tongatonga ni ruas naung tarpillit i, silaporhononna tu Ketua Dewan Didaskalia dohot Uluan ni Huria mangido persetujuan asa ditotophon.
- 3) Hombar tu ringkotna, Rapot Seksi Pangajarion ma padiri Panurgasi (panitia), silaporhononna tu Ketua Dewan Didaskalia dohot Uluan ni Huria, mangido

persetujuan asa ditotophon. Panurgasi (panitia) marhite Ketua Panitia marpanahatan tu Rapot Seksi.

- 4) Na marrapot do seksu hombar tu ringkotna na umotikna sahali 6 (onom) bulan.
 - d. Periodena
2 (dua) taon 6 (onom) bulan do lelung ni periode kepengurusan ni Seksi Pangajarion, boi dipillit 2 (dua) hali padodot jala Uluan Huria do na melantik pangurus i di bagasan parmingguan.
- 4.3. Seksi Pa-tang-hon (Pelatihan)
- a. Pangantusion
Seksi Pa-tang-hon (pelatihan) i ma unit panghobasi na pinatupa ni Huria laho manghobasi ulaon parguruan tu angka ruas ni huria.
 - b. Ulaonna
 - 1) Manghobasi parguruan tu angka ruas ni huria na naeng mamboan ianakhonna tu Pandidion na Badia.
 - 2) Manghobasi parguruan tu ianakhon ni ruas ni Huria na naeng Manghatindanghon Haporseaonna.
 - 3) Manghobasi parguruan tu angka ruas parguru na naeng dijangkon mulak tu Huria dohot na ro sian haporseaon manang ugamo na asing.
 - 4) Manghobasi parguruan tu angka ruas ni huria na tarpillit gabe Calon Sintua laho paradehon dirina manjalo Tohonan Sintua.
 - 5) Manghobasi parguruan tu angka ruas ni Huria na naeng dipabangkit gabe Guru Sikola Minggu dohot Pendamping Bajarbajar.
 - c. Pangurus dohot Ruasna
 - 1) Rapot Parhalado Partohonan do na mamillit ruas ni seksu i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
 - 2) Rapot ni seksu do mamillit Ketua dohot Sekretaris sian tongatonga ni ruas naung tarpillit i, silaporhononna tu Ketua Dewan Didaskalia dohot Uluan ni Huria mangido persetujuan asa ditotophon.
 - 3) Hombar tu ringkotna, Rapot Seksi Pa-tang-hon (Pelatihan) ma padiri Panurgasi (Panitia), silaporhononna tu Ketua Dewan Didaskalia dohot Uluan ni Huria, mangido persetujuan asa ditotophon. Panitia marhite Ketua Panitia na marpanahatan (betanggung jawab) tu Rapot ni Seksi.
 - 4) Na marrapot do seksu hombar tu ringkotna na umotikna sahali 6 (onom) bulan.
 - d. Periodena
2 (dua) taon 6 (onom) bulan do lelung ni periode kepengurusan ni Seksi Pa-tang-hon (Pelatihan), boi dipillit 2 (dua) hali padodot jala Uluan Huria do na melantik pangurus i di bagasan parmingguan.
- 4.4. Yayasan Pangajarion (Pendidikan)
- Na boi do Rapot Hadomuan Dewan Didaskalia dohot Parhalado Partohonan pajongjonghon Yayasan Pangajarion (Pendidikan) laho mandalanhon pangajarion dohot pa-tang-hon hombar tu hatontuan ni Pamarenta dohot Peraturan Pelaksanaan Pangajarion HKBP.

5. Dewan Diakonia

5.1. Pangantusion

Dewan Diakonia i ma organ na mamingkiri dohot patupahon ulaon asi ni roha; pahinsathon hahipason dohot pandaraman (ekonomi) ruas ni Huria, songon i nang patupahon panghataion dohot parsaoan tu masyarakat na humaliang dohot tu

Pamarenta, na manghamham Seksi Diakoni Sosial, Seksi Kesehatan, dohot Seksi Kemasyarakatan.

5.2. Seksi Diakonia Sosial

a. Pangantusion

Seksi Diakoni Sosial i ma unit panghobasi na pinatupa ni Huria laho pasauthon ulaon parasinirohaon tu angka na patut siurupan.

b. Ulaonna

- 1) Manghobasi ulaon parasinirohaon di Huria i sandiri na manghaporluhon pangurupion sian huria.
- 2) Mangulahon ulaon Diakoni Sosial tu angka na tarhurung, Panti Asuhan dohot na asing di luar ni huria i sandiri.
- 3) Papungu tumpak, sinamot sian angka na boi jala na ra dohot sian haroroan na asing laho pasauthon ulaon diakoni na umbidang.
- 4) Padalanhon program Diakoni Sosial HKBP.
- 5) Patupa evaluasi dohot laporan taringot tu parulaonna sipasahatonna tu Ketua Dewan Diakonia dohot tu Uluan ni Huria hombar tu tingki naung ditontuhon.

c. Pangurus dohot Ruasna

- 1) Rapot Parhalado Partohonan do na mamillit ruas ni seksi i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
- 2) Rapot Seksi do na mamillit Ketua dohot Sekretaris sian tongatonganasida tinolopan ni Rapot Parhalado Partohonan.
- 3) Seksi i do na pabangkithon angka Panitia hombar tu ringkotna tinolopan ni Rapot Parhalado Partohonan. Panitia marhite Ketua Panitia marpanahatan (bertanggung jawab) tu Rapot Seksi.
- 4) Na marrapot do Seksi on hombar tu ringkotna, na umotikna sahali 6 (onom) bulan.

d. Periodena

2 (dua) taon 6 (onom) bulan do leleung ni periode kepengurusan ni Seksi Diakonia Sosial, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

5.3. Seksi Hahisaron (Kesehatan)

a. Pangantusion

Seksi Hahisaron (kesehatan) i ma unit panghobasi na pinatupa ni Huria laho manghobasi ulaon hahisaron (kesehatan) tu ruas ni huria dohot na humaliangna na manghaporluhonsa.

b. Ulaonna

- 1) Manghobasi ulaon hahisaron (kesehatan) tu ruas ni huria dohot na humaliangna na manghaporluhonsa.
- 2) Mangalahon panorangion tu ruas ni huria dohot na humaliangna taringot tu hahisaron (kesehatan).
- 3) Manghobasi ulaon papungu tumpak manang dana laho mangurupi hahisaron (kesehatan) masyarakat.
- 4) Patupa evaluasi dohot laporan taringot tu pangulaonna sipasahatonna tu Ketua Dewan Diakonia dohot tu Uluan ni Huria hombar tu tingki naung ditontuhon.

c. Pangurus dohot Ruasna

- 1) Rapot Parhalado Partohonan do na mamillit ruas ni seksi i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.

- 2) Rapot Seksi do na mamillit Ketua dohot Sekretaris sian tongatonga nasida tinolopan ni Rapot Parhalado Partohonan.
 - 3) Seksi do na pabangkithon angka panurgasi hombar tu ringkotna tinolopan ni Rapot Parhalado Partohonan. Panitia marhite Ketua Panitia marpanahatan (bertanggung jawab) tu Rapot Seksi.
 - 4) Na marrapot do seksi hombar tu ringkotna, na umotikna sahali 6 (onom) bulan
- d. Periodena
2 (dua) taon 6 (onom) bulan do lelang ni periode kepengurusan ni Seksi Hahisaron (Kesehatan), boi dipillit 2 (dua) hali padodot jala Uluan Huria do na melantik pangurus i di bagasan parmingguan.

5.4. Seksi Kemasyarakatan

- a. Pangantusion
Seksi Kemasyarakatan i ma unit panghobasi na pinatupa ni Huria laho padimundimun, mamingkiri dohot patureturehon parsoraan tu masyarakat na humaliang dohot pamarenta.
- b. Ulaonna
 - 1) Sumangkapi dohot patupa panogunoguan laho pahembanghon parsoraan na konstruktif tu Pamarenta songon i nang angka horong masyarakat songon hasasaut ni visi dohot prinsip HKBP.
 - 2) Mamparohahon angka na masa di tongatonga ni masyarakat dohot di ragam ni parngoluon huhut sumangkapi dohot manontuhon alus (sikap) ni HKBP marpardomuan tu angka na masa i.
 - 3) Sumangkapi dohot patupa angka usaho pahinsathon parngoluan ni masyarakat dohot pangaramotion ni lingkungan hidup.
 - 4) Sumangkapi dohot mangusahohon angka dana na porlu tu panghobasion i.
 - 5) Patupa evaluasi dohot laporan taringot tu pangulaonna sipasahatonna tu Ketua Dewan Diakonia dohot tu Uluan ni Huria hombar tu tingki naung ditontuhon.
- c. Pangurus dohot Ruasna
 - 1) Rapot Parhalado Partohonan do na mamillit ruas ni seksi i, 3 (tolu) ro di 5 (lima) halak sian Pangula Partohonan dohot 5 (lima) ro di 7 (pitu) halak sian ruas ni huria.
 - 2) Rapot Seksi do na mamillit Ketua dohot Sekretaris sian tongatonganasida tinolopan ni Rapot Parhalado Partohonan.
 - 3) Seksi do pabangkithon angka panurgasi hombar tu ringkotna tinolopan ni Rapot Parhalado Partohonan. Panitia marhite Ketua Panitia marpanahatan (bertanggung jawab) tu Rapot Seksi.
 - 4) Na marrapot do Seksi hombar tu ringkotna na umotikna sahali 6 (onom) bulan.
- d. Periodena
2 (dua) taon 6 (onom) bulan do lelang ni periode kepengurusan ni Seksi Kemasyarakatan, boi dipillit 2 (dua) hali padodot jala Uluan Huria do na melantik pangurus i di bagasan parmingguan.

PONGGOL PADUAHON RESORT

Bindu 6 Resort

1. Pangantusion
Resort i ma hadomuan ni Huria marsadasada laho padasiphon dohot pahembanghon parsahiran, panindangion, pangajarion, panghobasion di tongatonga ni angka huria.
2. Syarat ni Resort na Imbaru
 - 2.1. Lobi sian sada Huria.
 - 2.2. Une parpeak ni Resort i gabe sada hadomuan ni panghobasion parhuriaon.
 - 2.3. Boi mananggung manang manuhuk balanjo ni Pangula na Gok Tingki dohot angka haporluan ni Resort i songon i nang panahatanna tu Distrik dohot tu Pusat HKBP.
 - 2.4. Adong rade bagas ni Uluan Resort, Kantor Resort dohot Inventaris Resort.
 - 2.5. Adong surat pangidoan sian Resort na naeng manjae i, tinolopan ni Rapot Resort na pajaehon i, mardongan sejarah ni angka Huria na tu Resort i, statistik ni ruas, inventaris, laporan keuangan, dohot daftar ni parhalado na adong di Resort i na ditujuhon tu Uluan HKBP.
 - 2.6. Praeses ma mangaresmihon Resort i, marhite Surat Ketetapan sian Ephorus HKBP.

Bindu 7 Na Manghobasi Resort

1. Uluan Resort
Ulaonna
 - 1.1. Manguluhon Resort na niurupan ni Parhalado Resort.
 - 1.2. Manguluhon Huria Sabungan ni Resort i na niurupan ni Parhalado Partohonan.
 - 1.3. Manguluhon Rapot Resort, Rapot Parhalado Resort dohot angka rapot di tirket Resort.
 - 1.4. Mamingkiri nasa na ringkot na tau pangoluhon dohot pahehehon Huria dohot Parhalado na di Resort i.
 - 1.5. Maniroi angka Huria na masuk tu Resort i laho manggohi panahatanna.
 - 1.6. Patulushon haputusan ni Sinode Godang, Rapot Majelis Pekerja Sinode, Sinode Distrik, Rapot Majelis Pekerja Sinode Distrik dohot Rapot Resort.
 - 1.7. Mangaramoti dohot maniroi parhepengon dohot arta ni huria na masuk tu Resort i.
 - 1.8. Patupa evaluasi dohot mangalehon laporan pangulaon, statistik dohot keuangan Resort tu Rapot Resort dohot tu Praeses.
2. Parhalado Resort
 - 2.1. Ulaonna
 - a. Mangurupi Uluan Resort manguluhon Resort i.
 - b. Pahehehon dohot patupahon ulaon hadomuan ni angka Dewan dohot Seksi di angka Huria na di Resort i.
 - c. Patulushon haputusan ni Sinode Godang, Rapot Majelis Pekerja Sinode, Sinode Distrik, Rapot Majelis Pekerja Sinode Distrik dohot Rapot Resort.
 - 2.2. Uluanna: Uluan Resort
 - 2.3. Ruasna
 - a. Uluan Resort
 - b. 4 (opat) manang 6 (onom) halak na pinillit ni Rapot Resort sian anggota Rapot Resort.
 - 2.4. Periodena:

5 (lima) taon, jala boi dipillit 2 (dua) hali padodot jala Uluan ni Resort ma na mangalantik di bagasan sada parmingguan.

3. Sekretaris Bendahara Resort

Sekretaris Bendahara Resort i ma sahalak na manjalo Surat Haputusan sian Uluan Resort laho mangulahon angka ulaon hasekretarison Resort dohot na mangaradoti urusan Kantor Resort.

3.1. Ulaonna:

- a. Marpanahatan (bertanggung jawab) tu Uluan Resort.
- b. Mangaradoti Administrasi Resort na atur jala dengen songon naung diaturhon di Buku Pedoman Penatalayanan HKBP na manghamham:
 - 1) Buku panuratan ni Partohonan na Gok Tingki dohot Partohonan na so Gok Tingki sa-Resort.
 - 2) Buku panuratan ni Guru Sikola Minggu dohot Panuturi (Pendamping) Bajarbajar sa-Resort.
 - 3) Buku panuratan ni Sekretaris, Bendahara, Parhalado Parartaon, Dewan, Seksi, Panurgasi (Panitia) Pembangunan, Komisi, dohot Badan Audit sa-Resort.
 - 4) Buku panuratan ni Ruas ni Huria Sa-Resort.
 - 5) Buku panuratan angka haputusan ni Rapot Resort dohot Rapot Parhalado Resort.
 - 6) Buku notulen ni Rapot Resort dohot Rapot Parhalado Resort.
 - 7) Buku panuratan ni inventaris ni Resort.
- c. Paradehon konsep ni surat, mangagendahon dohot manimpan surat na masuk, mangagendahon dohot manimpan salinan ni surat na haruar dohot petikan ni Surat Haputusan.
- d. Paradehon angka bahan dohot ulaula na ringkot tu Rapot Resort dohot Rapot Parhalado Resort.
- e. Mangaramoti dohot mangaradoti sandok Arsip, Inventaris dohot Sertifikasi arta ni Resort.
- f. Manimpan hepeng ni Resort di bank na tinontuhon jala na tinotophon ni Rapot Parhalado Resort, jala pasahathon salinan manang fotokopi ni rekening giro manang buku tabunganna tu Parhalado Resort marujuuju sahali di bagasan tolu bulan.
- g. Paruarhon hepeng hombar tu Anggaran Tahunan naung tinotophon ni Rapot Resort marhite panolopion ni Uluan Resort. Molo lobi sian Anggaran Belanja Tahunan hepeng na haruar, ingkon jolo ditolopi Rapot Parhalado Resort do asa tarpaharuar.
- h. Mambahen laporan parhepengon (na ro dohot na haruar) na tarsurat, pinomat sahali 6 (onom) bulan sipasahatonna tu Rapot Parhalado Resort. Salinan manang fotokopi laporan ditongos tu ganup huria.
- i. Mambahen Laporan Parhepengon Tahunan tu Rapot Resort dung jolo dipareso Badan Audit Resort jala ditolopi Uluan Resort. Sitongosonna do salinan laporan parhepengon marsataon i tu Sekretaris Jenderal, Praeses dohot Uluan Huria.
- j. Manongoshon nasa kewajiban ni Resort tu Distrik dohot Pusat, jala paingothon angka Bendahara Huria asa manongos kewajiban ni Huria i tu Resort, Distrik dohot Pusat.
- k. Mangaradoti huhut paimbaruhon data base Resort marujuuju.

3.2. Siaratna

- a. Sahalak sian Parhalado Resort na boi gabe juara bagas haposan pinillit ni Rapot Resort.

- b. Na ringgas mangula ulaonna, so hasurahan pangalahona.
 - c. Saboiboina mamolus Sekolah Lanjutan Tingkat Atas, jala mangantusi ulaon Administrasi dohot Manajemen Parhepengon.
 - d. Na umotikna marumur 30 taon.
- 3.3. Periodena
Periodena 5 (lima) taon, jala boi dipillit dua hali padodot.
- 3.4. Maradian
- a. Sidung periodena.
 - b. Mangido maradian andorang so sidung periodena.
 - c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Resort.
 - d. Pinda Huria.
 - e. Monding.
4. Badan Audit Resort
Badan Audit Resort, i ma organ Resort laho patupahon audit parhepengon, parartaon, pardalanan ni ulaon (program kerja) dohot manajemen ni Resort.
- 4.1. Ulaonna:
- a. Marpanahatan (bertanggung jawab) tu Rapot Resort.
 - b. Patupahon audit tu pardalan ni Program dan Anggaran Tahunan Resort, dohot kinerja ni angka organ ni Resort, hombar tu Pedoman Penatalayanan, Pedoman Akuntansi, dohot haputusan Rapot Resort. Molo dihaporluhon boi do Uluan Resort marsuru Badan Audit Resort laho mameso parhepengon dohot arta ni Huria.
 - c. Patupahon audit tu angka asset ni Resort.
 - d. Pasahathon laporan audit tu Rapot Parhalado Resort na umotikna sahali 6 (onom) bulan jala tu Rapot Resort sahali sataon.
- 4.2. Syarat gabe Badan Audit Resort
- a. Sintua manang ruas na mangantusi hajuarabagason jala haposan na pinillit ni Rapot Resort.
 - b. Na ringgas mangula ulaonna jala na so hasurahan pangalahona.
 - c. Saboiboina mamolus Sekolah Lanjutan Tingkat Atas, jala Mangantusi Manajemen Parhepengon lumobi Akuntansi.
 - d. Na umotikna marumur 30 taon.
- 4.3. Ruasna:
3 (tolu) halak na pinillit ni Rapot Resort sian Sintua dohot ruas ni huria.
- 4.4. Periodena:
Periodena 5 (lima) taon jala boi 2 (dua) periode padodot.
- 4.5. Maradian:
- a. Sidung periodena.
 - b. Mangido maradian andorang so sidung periodena.
 - c. Hona Ruhut Parmahanion dohot Paminsangon HKBP dohot na so sintong mangulahon ulaonna mangihuthon panimbangion ni Rapot Parhalado Resort.
 - d. Pinda Huria.
 - e. Monding.

**PONGGOL PATOLUHON
DISTRIK
Bindu 8
Distrik**

1. Pangantusion
Distrik i ma hadomuan ni manang piga Resort laho padasiphon, pahembanghon parsaoan, panindangion, pangajarion dohot panghobasion di tongatonga ni Distrik i.
2. Siarat gabe Distrik:
 - 2.1. Na umotikna 8 (ualu) Resort.
 - 2.2. Une parpeakna laho padasiphon panghobasion.
 - 2.3. Marhatauon patulushon dohot mangulahon angka ulaon na tinotophon ni Sinode Godang, Rapot Majelis Pekerja Sinode, Sinode Distrik dohot Rapot Majelis Pekerja Sinode Distrik.
 - 2.4. Boi patukhon angka na hinaporluhon ni Distrik i.
 - 2.5. Ephorus ma na manimbangi hatauon ni na naeng gabe Distrik i dohot sabungan Distrik hombar tu turgas na sian Distrik haborhatanna.
 - 2.6. Majelis Pekerja Sinode ma na manotophon Distrik i asa dibahen Ephorus bisolot sipasahatonna di tingki parmingguon peresmian ni Distrik i.

**Bindu 9
Na Manghobasi Distrik**

1. Praeses
 - 1.1. Ulaonna
 - a) Manguluhon Distrik.
 - b) Patomotomuhon konsep Rencana Stratejik 5 (lima) Tahunan Distrik dohot Rencana Kerja dan Anggaran Tahunan Distrik hombar tu haputusan ni Sinode Godang dohot Rapot Majelis Pekerja Sinode.
 - c) Maniroi, marmahani angka Partohonan di ulaonna hombar tu tugas dohot tohonanna be.
 - d) Manogunogu jala maniroi sude ulaon di angka Huria dohot Resort na mardomu tu partondion dohot parartaon.
 - e) Manguluhon Sinode Distrik, Majelis Pekerja Sinode Distrik dohot sude Rapot Partohonan na Gok Tingki.
 - f) Mangarasmihon angka Huria dohot Resort na imbaru, naung tinolopan ni Ephorus.
 - g) Mangebati angka Huria dohot manguluhon angka Pesta Jubileum ni Huria.
 - h) Mangojakhon angka Partohonan na Gok Tingki tu ulaonna di Distrik i.
 - i) Paujunghon angka hamaolon na masa di Huria dohot Resort na so boi dipaujung Parhalado Resort.
 - j) Maniroi hasasaut ni na pinutushon ni Sinode Godang, Rapot Majelis Pekerja Sinode, Sinode Distrik, dohot Rapot Majelis Pekerja Sinode Distrik.
 - k) Maniroi dohot manjalo laporan pardalan ni angka lembaga pendidikan HKBP na adong di Distrik i.
 - l) Mangalehon laporan dohot turgas tu Ephorus taringot tu hatauon dohot perpindahan ni angka Partohonan na Gok Tingki di Distrik i.
 - m) Patupa evaluasi dohot pasahathon laporan panahatan na marujuuju tu Ephorus jala pasahathon Barita Pangulaon tu Rapot Majelis Pekerja Sinode Distrik dohot Barita Jujur Taon tu Sinode Distrik.

1.2. Syarat gabe Praeses

- a) Na umotikna 20 taon naung manjalo Tohonan Hapanditaon di HKBP jala torus mangula di HKBP. Rajuman do na mangula di HKBP angka na diutus HKBP mangula di huria manang lembaga na asing.
- b) Na so hea hona Ruhut Parmahanion dohot Paminsangon HKBP.
- c) Na hipas roha dohot pamatangna.
- d) Nasa na tarpillit di Sinode Godang ditorushon ma sahat tu ujung ni periode.
- e) Na pinillit ni Sinode Godang.

1.3. Periodena

Periodena 5 (lima) taon jala boi dipillit dua hali padodot.

1.4. Pamilliton:

- a) Calon Praeses dipillit di Rapot Pandita Hatopan, toropna 2 hali godang ni Distrik mangihuthon torop ni soara (ranking).
- b) Ephorus pasahathon goargoar ni angka calon Praeses na sian Rapot Pandita Hatopan tu Sinode Godang.
- c) Sinode Godang ma mamillit sian calon na pinatujolo ni Rapot Pandita Hatopan sagodang ni Distrik marhite na mametek soara.
- d) Panurgasi (Panitia) pemilihan i ma sahalak Pandita dohot sahalak na so pandita na pinatujolo ni ganup Distrik na niuluhon ni Pandita na tumua sian ruas ni Sinode Godang.
- e) Sahalak Pandita naung gabe calon Praeses boi do dicalonhon tu holan sada jabatan na asing na pinillit ni Sinode Godang.
- f) Ephorus tarpillit ma mangalantik Praeses na tarpillit i di sada parmingguon di gereja HKBP.
- g) Pelantikan Praeses dipatupa rampak di sada gereja HKBP di bagasan sada parmingguan.
- h) Serah terima jabatan dohot pangojakhonon Praeses dipatupa di Distrikna be na lumambatna dua minggu dung pelantikan.

1.5. Maradian dohot Marhalangan

- a) Sidung periodena.
- b) Mangido maradian.
- c) Hona Ruhut Parmahanion dohot Paminsangon HKBP.
- d) Monding.

2. Angka Bidang di Distrik

2.1. Pangantusion

- a) Bidang i ma organ na mangulahon panghobasion pasauthon ulaon panjouon ni huria di Distrik.
- b) Pangadonghonon ni Bidang dohot uluanna dipahombar ma tu haporluan dohot haboion ni Distrik i.

2.2. Bidang Koinonia

- a) Ulaonna
 1. Mamingkiri dohot patupahon angka kegiatan asa lam dasip parsauran na saroha, sapingkiran dohot sapanghilalaan di angka Huria dohot Resort na adong di Distrik i.
 2. Padimundimun dohot pahehehon parsauran ni angka Parhalado di Distrik i.
 3. Padimundimun dohot pahehehon parsauran ni angka Kategorial.
 4. Patupahon kegiatan dohot kebaktian hadomuan di tirket Distrik.
 5. Paradehon bahan-bahan manang materi pembinaan Kategorial dohot warga na marojahan tu program ni HKBP.

6. Paradehon dohot patomutomuhon liturgi na umbuk sipangkeon di angka kebaktian na pahehehon ngolu parhuriaon HKBP.
7. Patupahon parsoraon dohot kegiatan ibadah hadomuan tu angka huria tetangga na adong di Distrik i.
8. Patupahon parsoraon kemasyarakatan dohot angka parugamo na asing.
9. Patupa evaluasi dohot laporan pangulaon sipasahatonna tu Praeses sahali 6 (onom) bulan.

b) Uluanna:

Asisten Bidang Koinonia i ma Pandita na pinillit ni Rapot Majelis Pekerja Sinode Distrik sian angka Pandita na manghobasi di Distrik i manang na tinempathon ni Ephorus dung ditimbangi hataon (kemampuan) parhepengon (finansial) ni Distrik i.

2.3. Bidang Marturia

a) Ulaonna

1. Mamingkiri dohot manghobasi ulaon Sending tu angka horong khusus di tongatonga ni masyarakat.
2. Pahinsathon hataon ni angka parjamita dohot parbarita na uli sian ruas dohot Partohonan di Huria.
3. Mamingkiri dohot paradehon angka materi panindangion.
4. Pahembanghon dohot pahehehon angka partangiangan di tongatonga ni masyarakat.
5. Pararathon Barita na Uli tu sude masyarakat.
6. Patupa evaluasi dohot laporan pangulaon sipasahatonna tu Praeses sahali 6 (onom) bulan.

b) Uluanna

Asisten Bidang Marturia i ma Pandita na pinillit ni Rapot Majelis Pekerja Sinode Distrik sian angka Pandita na manghobasi di Distrik i manang na tinempathon ni Ephorus dung ditimbangi hataon (kemampuan) parhepengon (finansial) ni Distrik i.

2.4. Bidang Didaskalia

a) Ulaonna

1. Sumangkapi dohot patupahon angka usaho laho pahinsathon hinadenggan ni panghobasion pendidikan manang pangajarion dohot na pa-tang-hon (pelatihan) di Huria, di Resort dohot di Distrik.
2. Mangkoordinir angka parhobas na marpardomuan tu ulaon pangajarion dohot na pa-tang-hon (pelatihan) na adong di angka huria.
3. Sumangkapi dohot patupahon ulaon laho pahembangkon parbinotoan ni angka pangula di ulaon pangajarion dohot na pa-tang-hon (pelatihan) na adong di angka huria.
4. Mambuka hubungan manang jaringan tu lembaga-lembaga pangajarion dohot na pa-tang-hon (pelatihan) na pinatupa ni Pamarenta dohot swasta.
5. Mangalului sinamot manang dana laho pangkeonna patupa angka ulaon pahinsathon parbinotoan ni angka na manghobasi ulaon pangajarion dohot na pa-tang-hon (pelatihan) na adong di angka huria.

b) Uluanna

Asisten Bidang Didaskalia i ma Pandita na pinillit ni Rapot Majelis Pekerja Sinode Distrik sian angka Pandita na manghobasi di Distrik i manang na tinempathon ni Ephorus dung ditimbangi hataon (kemampuan) parhepengon (finansial) ni Distrik i.

2.5. Bidang Diakonia

a) Ulaonna

1. Sumangkapi dohot patupahon angka usaho laho pahinsathon hinadenggan ni panghobasion sosial di Huria, di Resort dohot di Distrik songon i nang di tongatonga ni masyarakat.
2. Sumangkapi dohot patupahon angka usaho pahinsathon hinadenggan ni panghobasion hahisaron tu angka ruas ni huria dohot masyarakat lumobi marhite angka Lembaga dohot seksi na adong di Huria dohot di Resort.
3. Sumangkapi dohot patupahon angka usaho pahinsathon hinadenggan ni panggoluan ekonomi ni ruas ni huria dohot masyarakat lumobi marhite Seksi Diakoni Sosial dohot Seksi Kemasyarakatan na adong di Huria.
4. Sumangkapi dohot patupahon angka usaho mangurupi angka parsingkola na so boi manggarar biaya parsingkolaan, dohot tu angka na so dapot ulaon, na so marama na so marina, na martihas dohot na so dapot inganan parmianan.
5. Mamparrohahon angka na masa di tongatonga ni masyarakat jala sumangkapi huhut manontuhon alus (sikap) dohot pandapot na porlu sian HKBP mangadopi angka na masa i.
6. Patureturehon dohot pahembanghon parsoraan na komunikatif jala denggan dohot angka horong masyarakat nang Pamarenta.
7. Mangusahohon dana na porlu tu panghobasion ni Bidang Diakoni jala tongtong patureture parsoraan dohot Huria nang Resort.
8. Patupa evaluasi dohot laporan taringot tu pangulaonna sipasahatonna tu Praeses sahali 6 (onom) bulan.

b) Uluanna

Asisten Bidang Diakonia i ma Pandita na pinillit ni Rapot Majelis Pekerja Sinode Distrik sian angka Pandita na manghobasi di Distrik i manang na tinempathon ni Ephorus dung ditimbangi hataon (kemampuan) parhepengon (finansial) ni Distrik i.

3. Majelis Pekerja Sinode Distrik

3.1. Pangantusion

Majelis Pekerja Sinode Distrik i ma angka pangula na manghobasi Distrik laho patulushon haputusan ni Sinode Godang, Rapot Majelis Pekerja Sinode, dohot Sinode Distrik.

3.2. Ruasna

- a. Praeses.
- b. Asisten Bidang.
- c. Sekretaris Distrik.
- d. Bendahara Distrik.
- e. 8 (ualu) ro di 12 (sampulu dua) halak Partohonan na pinillit ni Sinode Distrik sian Parhalado.

3.3. Periodena

Periodena 5 (lima) taon jala boi dipillit dua hali padodot.

4. Sekretaris Distrik

Sekretaris Distrik i ma sahalak na manjalo Surat Keputusan sian Ephorus manang Praeses, laho mangulahon angka ulaon hasekretarison di Distrik dohot na mangaradoti urusan Kantor Distrik.

4.1. Ulaonna :

- a) Mangurupi Praeses.
- b) Marpanahatan (bertanggungjawab) tu Praeses.

- c) Mangulahon administrasi na dasip jala na denggan songon naung diaturhon di Buku Pedoman Penatalayanan HKBP, i ma na mambahen dohot paimbaruhon na marujuuju:
 - 1. Buku Panuratan ni Partohonan na Gok Tingki dohot Partohonan na so Gok Tingki sa Distrik.
 - 2. Buku Panuratan ni Guru Sikola Minggu dohot panuturi (Pendamping) Bajarbajar sa Distrik.
 - 3. Buku Panuratan ni Parhalado Resort, Sekretaris Bendahara Resort, Badan Audit Resort sa Distrik.
 - 4. Buku Panuratan Sekretaris Huria, Bendahara Huria, Parhalado Parartaon, Dewan, Seksi, Panitia Pembangunan dohot Badan Audit Huria sa Distrik.
 - 5. Buku Panuratan ni Ruas ni Huria sa Distrik.
 - 6. Buku Panuratan ni haputusan ni Sinode Distrik dohot Rapot Majelis Pekerja Sinode Distrik.
 - 7. Buku Notulen ni Sinode Distrik dohot Rapot Majelis Pekerja Sinode Distrik.
- d) Molo diulahon di komputer do na sinangkap di point (c) na di ginjang i, ingkon dibahen do buku salinanna na tinandatanganan ni Praeses dohot Sekretaris Distrik.
- e) Paradehon konsep ni surat, manurathon dohot manimpan surat na ro, manurathon dohot manimpan salinan ni surat na haruar dohot petikan ni Surat Haputusan.
- f) Paradehon inganan, bahan dohot ulaula sipangkeon di Sinode Distrik, dohot Rapot ni Majelis Pekerja Sinode Distrik.
- g) Mambahen konsep ni Barita Distrik jala manggandahonsa dung jolo ditolopi Praeses.
- h) Mangaradoti dohot paimbaruhon database ni Distrik marujuuju jala pasahathonsa tu Praeses dohot tu Rapot Majelis Pekerja Sinode Distrik.
- i) Manongoshon Daftar Haputusan ni Sinode Distrik dohot Daftar Haputusan ni Rapat Majelis Pekerja Sinode Distrik tu sude Ruas ni Sinode Distrik dohot sude Uluan Huria.

4.2. Siat gabe Sekretaris Distrik

- a) Sintua na haposan na pinillit ni rapot Majelis Pekerja Sinode Distrik manang Partohonan Na Gok Tingki na manjalo Surat Keputusan sian Ephorus.
- b) Na ringgas mangula ulaonna, na so hasurahan pangalahona.
- c) Saboiboina mamolus Sekolah Lanjutan Tingkat Atas, jala mangantusi Manajemen, Organisasi dohot Kesekretariatan.
- d) Na umotikna marumur 30 taon.

4.3. Periodena

Periodena 5 (lima) taon jala boi 2 (dua) periode padodot.

4.4. Maradian:

- a) Sidung periodena.
- b) Mangido maradian.
- c) Hona Ruhut Parmahanion dohot Paminsangon HKBP.
- d) Pinda Huria.
- e) Monding.

5. Bendahara Distrik

5.1. Ulaonna

- a) Mangurupi Praeses.
- b) Marpanahatan (bertanggung jawab) tu Praeses.
- c) Manimpan hepeng Huria di Bank na tontu na tinotophon marhite Rapot Majelis Pekerja Sinode Distrik. Pasahatonna do salinan manang fotokopi ni rekening giro

manang buku tabungan i tu Praeses dohot tu Sekretaris Distrik taratur pinomat sahali 3 (tolu) bulan.

- d) Manimpan deba hepeng songon kas na metmet di brankas di kantor Distrik hombar tu godang ni na pinutushon ni rapot Majelis Pekerja Sinode Distrik.
- e) Paruarhon hepeng hombar tu Anggaran Tahunan naung tinotophon ni Rapot Majelis Pekerja Sinode Distrik marhite panolopion ni Praeses. Molo adong na manalpui manang lobi sian Anggaran Tahunan, ingkon marhite panolopion ni Rapot Majelis Pekerja Sinode Distrik do asa tarparuar.
- f) Patupahon Laporan Parhepengon (hepeng na ro dohot na haruar) ganup 3 (tolu) bulan tu Rapot Majelis Pekerja Sinode Distrik dung dipareso Badan Audit Distrik. Salinan ni Laporan Parhepengon i pasahatonna tu sude Uluan Resort dohot Uluan Huria.
- g) Patupahon Laporan Keuangan Tahunan tu Sinode Distrik dung dipareso Badan Audit Distrik. Salinan ni Laporan Parhepengon i pasahatonna tu Sekretaris Jenderal, dohot tu sude Uluan Resort dohot Uluan Huria.
- h) Mangido panahatan (pertanggungjawaban) pamangkeon ni hepeng tu angka Bidang, Kelompok Kerja manang Panitia ni Distrik.

5.2. Syarat gabe Bendahara Distrik

- a) Sintua manang ruas na boi gabe juara bagas haposan na pinillit ni Rapot Majelis Pekerja Sinode Distrik.
- b) Na ringgas mangula ulaonna, na so hasurahan pangalahona.
- c) Saboiboina mamolus Sekolah Lanjutan Tingkat Atas, jala mangantusi Manajemen Parhepengon, lumobi Akuntansi.
- d) Na umotikna marumur 30 taon.

5.3. Periode

Periode 5 (lima) taon jala boi 2 (dua) periode padodot.

5.4. Maradian

- a) Sidung periodena.
- b) Mangido maradian.
- c) Hona Ruhut Parmahanion dohot Paminsangon HKBP.
- d) Pinda Huria.
- e) Monding.

6. Badan Audit Distrik

Badan Audit Distrik, i ma organ Distrik laho patupahon audit parhepengon, parartaon, pardalan ni ulaon (program kerja) dohot manajemen ni Distrik.

6.1. Ulaonna:

- a) Marpanahatan (bertanggung jawab) tu Sinode Distrik.
- b) Patupahon audit tu pardalan ni Program Kerja dan Anggaran Tahunan Distrik, dohot kinerja ni angka organ ni Distrik, hombar tu Buku Pedoman Penatalayanan, Pedoman Akuntansi, dohot Haputusan Sinode Distrik. Molo dihaporluhon, boi do Praeses marsuru Badan Audit Distrik laho patupahon audit tu parhepengon ni Resort dohot Huria.
- c) Patupahon audit tu angka Aset ni Distrik.
- d) Pasahathon Laporan Audit tu Rapot Majelis Pekerja Sinode Distrik na umotikna sahali 3 (tolu) bulan jala tu Rapot Distrik sahali sataon.

6.2. Syarat gabe Badan Audit Distrik

- a) Sintua manang ruas na mangantusi hajuarabagason jala haposan na pinillit ni Rapot Distrik.
- b) Na ringgas mangula ulaonna, na so hasurahan pangalahona.

- c) Saboiboina mamolus Sekolah Lanjutan Tingkat Atas, jala mangantusi Manajemen Parhepengon, lumobi Akuntansi.
 - d) Na umotikna marumur 30 taon.
- 6.3. Ruasna:
3 (tolu) halak na pinillit ni Sinode Distrik sian Sintua dohot ruas ni Huria.
- 6.4. Periodena
Periodena 5 (lima) taon jala boi dua periode padodot.
- 6.5. Maradian
- a) Sidung periodena.
 - b) Mangido maradian.
 - c) Hona Ruhut Parmahanion dohot Paminsangon HKBP.
 - d) Pinda Huria.
 - e) Monding.

PONGGOL PAOPATHON
PUSAT
Bindu 10
Pusat

1. Pangantusion

Pusat i ma hadomuan ni sandok HKBP marhitehite Huria, Resort, Distrik, Badan, Komisi, Lembaga dohot Yayasan na niuluhon ni Ephorus. Ulaon Pusat dihobasi: Ephorus, Sekretaris Jenderal, Majelis Pekerja Sinode, angka Badan, Bendahara Pusat, Komisi Pengembangan Sumber Daya Pelayan, Komisi Teologi, Komisi Aturan dohot Paraturan, Komisi Keuangan, dohot angka Lembaga Pendidikan Teologi HKBP.

Bindu 11
Na Manghobasi Pusat

1. Ephorus

1.1. Ulaonna

- 1) Manangianghon dohot marmahani Huria dohot angka Partohonan di sandok HKBP.
- 2) Patupahon paniroion tu angka Partohonan huhut pahinsathon hatauon nasida manguluhon tohonanna lumobi di ulaon parjamitaon dohot parmahanion.
- 3) Mangaramoti dohot manorahon ulaon hapanurirangon di HKBP maradophon Pamarenta manang Panggomgomi marhite hata manang pambahenan laho pajongjonghon manang pahothon hatigoran dohot hasintongan di tongatonga ni bangso dohot negara.
- 4) Mewakili HKBP maradophon Panggomgomi, Huria dohot angka badan na asing di Indonesia dohot di luar negeri.
- 5) Manguluhon sandok HKBP niurupan ni Sekretaris Jenderal marojahan tu Bibel, Konfessi, Aturan dohot Paraturan, Ruhut Parmahanion dohot Paminsangan songon hapataran ni pangoloionna tu Yesus Kristus Raja ni Huria i. Boi do Ephorus pasahathon sadasada ulaon tu Sekretaris Jenderal, manang tu sahalak Praeses, manang tu ruas ni Majelis Pekerja Sinode hombar tu ringkotna.
- 6) Patupahon dohot manguluhon Sinode Godang.
- 7) Patupahon dohot manguluhon Rapot Pandita Hatopan HKBP.
- 8) Manguluhon Rapot Gabungan Praeses dohot Majelis Pekerja Sinode, Rapot Majelis Pekerja Sinode, Rapot Praeses, Rapot Guru Huria, Rapot Bibelvrouw dohot Rapot Diakones.
- 9) Mangojakhon Majelis Pekerja Sinode, Sekretaris Jenderal, Praeses, Badan, Komisi dohot Lembaga di bagasan parmingguan.
- 10) Manotophon tema Sinode Godang dohot tema Rapot Pandita.
- 11) Pasahathon Konsep Rencana Induk Pengembangan Pelayanan (RIPP) Dua Puluh Tahunan HKBP dohot Konsep Rencana Strategik (Renstra) Lima Tahunan HKBP naung dihatai di Rapot Majelis Pekerja Sinode tu Sinode Godang asa ditotophon gabe Rencana Induk Pengembangan Pelayanan (RIPP) Dua Puluh Tahunan HKBP dohot Rencana Strategik (Renstra) Lima Tahunan HKBP.
- 12) Mangebati angka Huria laho manguluhon angka Pesta Pangompoion ni Gareja dohot Mameakhon Batu Ojahan.
- 13) Pasahathon pasupasus tohonan Pandita, Guru Huria, Bibelvrouw, Diakones dohot Evangelis.
- 14) Pasahathon Barita Jujur Taon dohot panahatan (pertanggungjawaban) ni ulaonna manguluhon HKBP tu Sinode Godang.

- 15) Patomutomuhon Almanak HKBP gabe ondolan ni parmingguan dohot jamita di sandok HKBP.
- 16) Patupahon angka Surat Ketetapan taringot tu Huria, Resort, Distrik na imbaru, Yayasan, Lembaga, Badan dohot Komisi, songon i nang na marpardomuan tu personalia.
- 17) Mangihot huhut manandatangani parjanjian kerja sama dohot angka Badan na adong di Indonesia manang di luar negeri, marhite panolopion ni Majelis Pekerja Sinode.
- 18) Mewakili HKBP gabe Pendiri Dana Pensiun HKBP.
- 19) Ketua Pembina di Yayasan ni HKBP (*ex officio*) hombar tu Hatontuon ni Yayasan di Indonesia.
- 20) Pasahathon laporan taringot tu ulaon dohot hamajuon ni Dana Pensiun HKBP tu Rapot Majelis Pekerja Sinode.
- 21) Mandohoti Rapot Pandita Distrik molo adong angka sitaringotan tu Tohonan (hadirion) ni Pandita.
- 22) Pasahathon haputusan ni Rapot Pandita tu Sinode Godang.

1.2. Syarat gabe Ephorus

- a) Na umotikna 30 taon naung manjalo Tohonan Hapanditaon di HKBP jala torus mangula di HKBP.
- b) Hea gabe Uluan ni Huria manang Resort manang Distrik manang mangajari gabe Dosen manang Pangajari di Lembaga na niokuan ni HKBP manang lembaga na asing na tinugashon ni Ephorus.
- c) Pandita ni HKBP na so pensiun dope di masa ni pamilliton i.
- d) Ganup na tarpillit di Sinode Godang ditorushon ma ulaonna sahat tu na sidung periodena nang pe naung gok umurna pensiun.
- e) Na so dung hea hona Ruhut Parmahanion dohot Paminsangon.
- f) Na hipas roha dohot pamatangna.
- g) Na pinillit ni Sinode Godang.

1.3. Periodena

Periodena 5 (lima) taon, jala boi dipillit 2 (dua) hali padodot.

1.4. Pamilliton

- a) Calon Ephorus dipillit di Rapot Pandita Hatopan toropna 3 (tolu) halak na ditontuhon marhite torop ni soara (ranking).
- b) Ephorus pasahathon tu Sinode Godang Pemilihan angka goar ni calon Ephorus naung tarpillit di Rapat Pandita Hatopan.
- c) Sinode Godang mamillit sian angka calon i, marhite na mametek surat soara sahat ro di na dapot $\frac{1}{2}n + 1$ soara. Molo ndang adong na mandapot soara $\frac{1}{2}N + 1$ patupaon ma muse pamilliton marhite rumus *kisquotient* (torop ni soara dibagi torop ni na dicalonhon).
- d) Panitia Pemilihan, i ma sahalak Pandita dohot sahalak na so Pandita na pinatujolo ni ganup Distrik na niuluhon ni Pandita na tumua sian ruas ni Sinode Godang i.
- e) Pandita na tumua sian ruas ni Sinode Godang i ma na melantik Ephorus na imbaru i di sada parmingguan di gareja ni HKBP.
- f) Serah-terima Ulaon (jabatan) Ephorus dipatupa na lumambatna saminggu dung dipabangkit jala diojakhon Ephorus na imbaru.

1.5. Maradian dohot Tarsabat

1.5.1. Maradian

- a. Sidung Periodena.
- b. Mangido Maradian.

- c. Hona Ruhut Parmahanion dohot Paminsangon.
- d. Monding.

1.5.2. Tarsabat

a. Tarsabat Sangombas

Molo tarsabat Ephorus ala ni na marsahit manang laho dinas tu luar negeri, tu Sekretaris Jenderal ma tugas ha-Ephorus-on dipasahat.

b. Tarsabat Torus

- 1) Molo monding Ephorus manang ndang boi be mangulahon ulaonna, Sekretaris Jenderal ma maniop jabatan ha-Ephorus-on. Pamasaon ma Sinode Godang Pemilihan na jinou ni Sekretaris Jenderal mamillit Ephorus na imbaru laho manggohi periode na tinggal i dope, na lumambatna 4 (opat) bulan dung ditiop jabatan ha-Ephorus-on i. Alai molo hurang sian 6 (onom) bulan nari nama asa sidung periode ni Ephorus na monding manang na tarsabat torus i, ditorushon Sekretaris Jenderal ma maniop jabatan ha-Ephorus-on i sahat tu ujung ni periode i.
- 2) Saleleng maniop Ulaon (jabatan) ha-Ephorus-on Sekretaris Jenderal, holan ulaon na rutin do boi ulaonna.

2. Sekretaris Jenderal

2.1. Ulaonna

- a) Mangurupi Ephorus HKBP laho manghobasi ulaon Hatopan ni HKBP.
- b) Mangulahon Administrasi na denggan songon naung diatur di Buku Pedoman Penatalayanan HKBP, i ma na mambahen dohot paimbaruhon marujuuju:
 1. Buku Panuratan ni Ruas ni Huria sandok HKBP.
 2. Buku Panuratan ni Partohonan na Gok Tingki (Pandita, Guru Huria, Bibelvrouw, Diakones, Evangelis) dohot Partohonan na so Gok Tingki (Sintua) ni sandok HKBP.
 3. Buku panuratan ni Guru Sikola Minggu dohot Pendamping Bajarbajar ni sandok HKBP.
 4. Buku Panuratan ni Uluan Huria, Parhalado Parartaon, Sekretaris Huria, Bendahara Huria, Dewan dohot Seksi, Panurgasi (Panitia) Pembangunan, dohot Badan Audit Huria ni sandok HKBP.
 5. Buku Panuratan Parhalado Resort, Sekretaris Bendahara Resort, dohot Badan Audit Resort ni sandok HKBP.
 6. Buku Panuratan ni Majelis Pekerja Sinode Distrik, Asisten Bidang, Sekretaris Distrik, Bendahara Distrik, dohot Badan Audit Distrik ni sandok HKBP.
 7. Buku Panuratan ni Haputusan Sinode Godang, Rapot Pandita, Rapot Majelis Pekerja Sinode dohot Rapot Praeses.
 8. Buku Notulen ni Sinode Godang, Rapot Pandita, Rapot Majelis Pekerja Sinode, Rapot Praeses dohot Rapot Gabungan Praeses dohot Majelis Pekerja Sinode.
 9. Buku Panuratan (inventarisasi) Asset HKBP na boi morot dohot na so boi morot.
- c) Mewakili Ephorus mangulahon angka ulaon na pinasahat ni Ephorus hombar tu ringkotna.
- d) Manjalo Laporan Pangulaon sian angka organ panghobasi na di toruna.
- e) Patupahon Barita Pangulaon sipasahatonna tu Rapot Majelis Pekerja Sinode dohot Laporan Panahatan (pertanggungjawaban) sipasahatonna tu Sinode Godang.
- f) Paradehon nasa na ringkot tu ulaon na marhadomuan tu Sinode Godang dohot angka rapot Pusat HKBP.

- g) Manongoshon Daftar Haputusan ni Sinode Godang, Rapot Pandita, Rapot Majelis Pekerja Sinode, Rapot Praeses dohot Rapot Gabungan Praeses dohot Majelis Pekerja Sinode, tu sude ruas ni Sinode Godang dohot Uluan Huria.
- 2.2. Syarat gabe Sekretaris Jenderal
- a) Na umotikna 25 taon naung manjalo tohonan hapanditaon di HKBP jala torus mangula di HKBP.
 - b) Hea gabe Uluan ni Huria manang Resort manang Distrik manang mangajari gabe Dosen manang Pangajari di Lembaga na niokuan ni HKBP manang lembaga na asing na tinugashon ni Ephorus.
 - c) Pandita ni HKBP na so pansiun dope di masa ni pamilliton i.
 - d) Ganup na tarpillit di Sinode Godang ditorushon ma ulaonna sahat tu na sidung periodena nang pe naung gok umurna pansiun.
 - e) Na so dung hea hona Ruhut Parmahanion dohot Paminsangan.
 - f) Na hipas roha dohot pematangna.
 - g) Na pinillit ni Sinode Godang.
- 2.3. Periodena
- Periodena 5 (lima) taon jala boi dipillit 2 (dua) hali padodot.
- 2.4. Pamilliton
- a) Calon Sekretaris Jenderal dipillit di Rapot Pandita Hatopan toropna 3 (tolu) halak na ditontuhon marhite torop ni soara (ranking).
 - b) Ephorus pasahathon tu Sinode Godang Pemilihan angka goar ni calon Sekretaris Jenderal naung tarpillit di Rapat Pandita Hatopan.
 - c) Sinode Godang mamillit sian angka calon i, marhite na mametek surat soara sahat ro di na dapot $\frac{1}{2} n + 1$ soara. Molo ndang adong na mandapot soara $\frac{1}{2} N + 1$ patupaon ma muse pamilliton marhite rumus *kisquotient* (torop ni soara dibagi torop ni na dicalonhon).
 - d) Panitia Pemilihan, i ma sahalak Pandita dohot sahalak na so Pandita na pinatujolo ni ganup Distrik na niuluhon ni Pandita na tumua sian ruas ni Sinode Godang i.
 - e) Ephorus ma na melantik Sekretaris Jenderal di sada parmingguan di gareja ni HKBP.
 - f) Serah-terima Ulaon (jabatan) Sekretaris Jenderal dipatupa na lumambatna saminggu dung dipabangkit jala diojakhon Sekretaris Jenderal na imbaru.
- 2.5. Maradian dohot Tarsabat
- 2.5.1. Maradian
- a) Sidung Periodena.
 - b) Mangido Maradian.
 - c) Hona Ruhut Parmahanian dohot Paminsangan HKBP.
 - d) Monding.
- 2.5.2. Tarsabat torus
- a) Molo monding Sekretaris Jenderal manang ndang boi mangulahon ulaonna, patupaon ni Ephorus ma Rapot Majelis Pekerja Sinode rap dohot Praeses (gabungan) laho mamillit Sekretaris Jenderal na imbaru.
 - b) Pasahaton ni Ephorus ma di Rapot Majelis Pekerja Sinode rap dohot Praeses (gabungan) i 3 (tolu) halak goar ni Pandita ni HKBP na manggohi syarat gabe calon Sekretaris Jenderal. Rapot i ma mamillit sada sian nasida gabe Sekretaris Jenderal na imbaru.
 - c) Molo hurang sian 6 (onom) bulan nari nama periode ni Sekretaris Jenderal, dipasahat Ephorus ma ulaon ha-sekretarisjenderal-on na rutin tu Kepala Biro Jemaat HKBP.

Bindu 12

Departemen, Biro, Yayasan dohot Badan

1. Departemen
Departemen, i ma organ panghobasi di tirket Hatopan hombar tu Ulaon Panjouon ni Debata tu Huria i: parsaoan, panindangion, pangajarion dohot parasinirohaon.
 - 1.1. Departemen di HKBP: Koinonia, Marturia, Didaskalia dohot Diakonia.
 - 1.2. Ephorus do na pabangkithon na manguluhon angka Departemen i.
 - 1.3. Uluanna: Direktur / Direktris.
2. Biro
Biro i ma organ panghobasi di toru ni Sekretariat Jenderal, na dipatupa hombar tu haporluan dohot prinsip efisiensi.
3. Yayasan
 - 3.1. Pangantusion
Yayasan i ma organ panghobasion sosial na pinajongjong ni Pusat, Distrik, Resort, manang Huria HKBP laho pahinsathon parsidohotan ni HKBP di bagasan ngolu marmasyarakat tarlumobi di ulaon Pangajarion, Hahisaron dohot Sosial Kemanusiaan.
 - 3.2. Ulaonna
 - a) Manghobasi masyarakat na metmet dohot na gale lumobi marhite ulaon Pangajarion, Hahisaron dohot Sosial Kemanusiaan.
 - b) Patomutomuhon Anggaran Dasar dohot Anggaran Rumah Tangga (AD/ART) na marojahan tu Hata Ni Debata jala na hombar tu Konfesi HKBP, Aturan dohot Paraturan HKBP nang Ruhut Parmahanion dohot Paminsangon HKBP. AD/ART Yayasan na pinajongjong ni Huria ingkon jolo ditolopi Rapot Huria. AD/ART Yayasan na pinajongjong ni Resort ingkon jolo ditolopi Rapot Resort. AD/ART Yayasan na pinajongjong ni Distrik ingkon jolo ditolopi Sinode Distrik. AD/ART Yayasan na pinajongjong ni Pusat ingkon jolo ditolopi Rapot Majelis Pekerja Sinode.
 - c) Nasa Yayasan na pinajongjong ni HKBP ingkon mamangke goar ni HKBP.
 - d) Manjagahon huhut mangaramoti angka arta na so morot na pinainjamhon ni HKBP jala mamparnahathonsa tu HKBP.
 - e) Ephorus HKBP na tongon mangula do na gabe Ketua Pembina Yayasan na pinanjongjong ni Pusat. Praeses HKBP na tongon mangula do na gabe Ketua Pembina Yayasan na pinanjongjong ni Distrik. Uluan Resort na tongon mangula do na gabe Ketua Pembina Yayasan na pinanjongjong ni Resort. Uluan Huria na tongon mangula do na gabe Ketua Pembina Yayasan na pinajongjong ni Huria.
4. Badan
 - 4.1. Badan di HKBP, i ma organ pusat HKBP na pinillit ni Majelis Pekerja Sinode, na manjalo ulaon sian Ephorus HKBP laho manghobasi angka ulaon na marhadomuan tu angka bidang naung ditontuhon gabe Badan di HKBP.
 - 4.2. Marpanahatan tu Ephorus HKBP.
 - 4.3. Haruason, hapanguruson dohot angka ulaon ni Badan HKBP tinotophon ni Ephorus.

Bindu 13

Majelis Pekerja Sinode

1. Pangantusion
Majelis Pekerja Sinode, i ma Rapot di tirket Hatopan na mandongani jala mangurupi Ephorus HKBP.

2. Ruasna:
 - 2.1. Ephorus.
 - 2.2. Sekretaris Jenderal.
 - 2.3. Utusan sian Pandita dohot non Pandita
 - a) Calon Majelis Pekerja Sinode dipillit di Sinode Distrik godangna 4 (opat) halak: 2 (dua) halak Pandita dohot 2 (dua) halak na so Pandita
 - b) Sinode Godang Pemilihan mamillit anggota Majelis Pekerja Sinode godangna 2 hali godang ni Distrik (50% Pandita jala 50% na so Pandita). Molo pinda sahalak Pandita hot do nasida ruas ni Majelis Pekerja Sinode.
 - c) Umur siarat gabe Majelis Pekerja Sinode: Pandita naung manjalo tohonan 15 (sampulu lima) taon jala na so Pandita naung manjalo tohonan 10 (sampulu) tahun.
 - 2.4. Sude Ketua Badan na adong di HKBP.
 - 2.5. Ketua dohot Sekretaris Konferensi Naposobulung HKBP.
 - 2.6. Ketua dohot Sekretaris Konferensi Parompuan HKBP.
3. Periodena

Periodena 5 (lima) taon jala boi dipillit 2 (dua) hali padodot.

Bindu 14

Badan Audit HKBP

1. Pangantusion

Badan Audit HKBP, i ma organ na mamareso dohot na mengevaluasi pamangkeon na marhadomuan tu parhepengon, parartaon dohot pangulahonon Program Kerja ni Hatopan HKBP.
2. Ulaonna
 - 2.1. Mamareso dohot patupahon audit pamangkeon ni parhepengon dohot arta di Hatopan. Molo dihaporluhon boi do Ephorus marsuru Badan Audit laho patupahon audit pamangkeon ni parhepengon dohot arta di Distrik, Resort dohot Huria.
 - 2.2. Mamareso dohot manangkasi pangulahonon ni Program Kerja dohot anggaran ni Hatopan HKBP.
 - 2.3. Paradehon dohot patupahon sahali sataon laporan pamaresoon dohot evaluasi pamangkeon ni hepeng dohot arta dohot pardalan ni Program Kerja Hatopan HKBP sipasahatonna tu Rapot Majelis Pekerja Sinode.
 - 2.4. Pasahathon rekapitulasi hasil audit parhepengon ni Pusat HKBP tu ganup huria marhite Uluan HKBP pinomat sahali sataon.
 - 2.5. Mangaramoti dohot maniroi parartaon dohot parhepengon ni Pusat HKBP.
 - 2.6. Marpanahatan tu Majelis Pekerja Sinode.
3. Uluanna

Kepala Badan Audit HKBP na pinillit ni Majelis Pekerja Sinode HKBP sian tongatonga ni ruas ni huria, jala ditotophon Ephorus HKBP marhite Surat Keputusan.
4. Ruasna

5 (lima) halak na pinillit ni Majelis Pekerja Sinode HKBP, i ma 2 (dua) halak sian Pandita, 3 (tolu) halak sian ruas (*ahli*) ni HKBP, na ditotophon marhite Surat Haputusan sian Ephorus HKBP.
5. Siarat gabe Uluan dohot Ruas ni Badan Audit HKBP
 - 5.1. Ruas ni HKBP na ringgas marminggu, burju jala martondi huria dohot rade mamelehon dirina tu ulaon huria.
 - 5.2. Ruas ni HKBP na adong hatauonna di bidang Akuntansi Keuangan, saboiboina naung hea mangula songon Auditor.

- 5.3. Na hipas roha dohot pematangna.
- 5.4. Na so hea hona Ruhut Parmahanion dohot Paminsangon HKBP.
- 5.5. Na marumur na umotikna 40 taon.

Bindu 15

Badan Usaha HKBP

1. Pangantusion
Badan Usaha HKBP i ma organ na mangusahahon sumber dana na porlu pangkeon ni HKBP laho patulushon panghobasion di HKBP.
2. Ulaonna
 - 2.1. Memberdayakan angka Aset HKBP asa boi gabe sumber dana tu HKBP.
 - 2.2. Pajongjong angka Badan Usaha ni HKBP manang Badan Usaha kerjasama dohot ruas manang dohot angka Badan di Indonesia dohot luar negeri, na boi gabe sumber dana tu HKBP.
 - 2.3. Mangalului dana sian angka ruas na olo jala na ra manumpahi angka Badan Usaha HKBP.
 - 2.4. Mengelola dana na marharoroan sian angka usaha ni angka Badan Usaha HKBP hombar tu Aturan dohot Paraturan HKBP.
 - 2.5. Masipatomuan pingkiran jala masiurupan (koordinasi) dohot Badan Pemulihan Aset.
 - 2.6. Marpanahatan tu Majelis Pekerja Sinode marhite Ephorus HKBP.
3. Uluanna
Kepala Badan Usaha HKBP na pinillit ni Majelis Pekerja Sinode sian tongatonga ni Ruas HKBP, jala ditotophon Ephorus marhite Surat Haputusan.
4. Ruasna
Torop ni ruas Badan Usaha HKBP 8 (ualu) ro di 10 (sampulu) halak na pinillit ni Rapot Majelis Pekerja Sinode sian ruas ni HKBP.
5. Siarat gabe Uluan dohot Ruas ni Badan Usaha HKBP.
 - 5.1. Ruas ni HKBP na ringgas marminggu, burju jala martondi huria dohot na rade mamelehon dirina tu ulaon huria.
 - 5.2. Ruas ni HKBP na adong hataonna di bidang pengelolaan dohot pengembangan dunia usaha.
 - 5.3. Na hipas roha dohot pematangna.
 - 5.4. Na so hea hona Ruhut Parmahanion dohot Paminsangon HKBP.
 - 5.5. Na marumur na umotikna 40 (opat pulu) taon.
6. Periodena
5 (lima) taon jala boi dipillit 2 (dua) hali padodot.

Bindu 16

Badan Pemulihan Aset

1. Pangantusion
Badan Pemulihan Aset HKBP i ma organ na patupahon pangulaon na mardomu tu pangaramotion dohot padimundimuhon arta ni HKBP, sian tirket Pusat sahat tu Huria.
2. Ulaonna
 - 2.1. Manjamothon saluhut arta ni HKBP na adong di tirket Pusat, Distrik, Resort dohot Huria.
 - 2.2. Mangurupi laho patupahon Sertifikasi ni angka Aset na adong di ganup Huria marsadasada.
 - 2.3. Mangurupi dalan laho pahinsathon angka arta ni HKBP.

- 2.4. Mangurupi laho paulakhon dohot padimposhon pampunaon angka arta ni HKBP na adong persoalan hukum.
- 2.5. Masipatomuan pingkiran jala masiurupan dohot Badan Usaha.
- 2.6. Mangalehon laporan dohot turgas tu Ephorus laho mangurupi menginventarisasi saluhut arta ni HKBP.
3. Uluanna
Ketua Badan Pemulihan Aset na pinillit ni Rapot Majelis Pekerja Sinode sian tongatonga ni ruas HKBP, jala ditotophon marhite Surat Haputusan ni Ephorus.
4. Ruasna
Torop ni ruas Badan Pemulihan Aset HKBP 8 (ualu) ro di 10 (sampulu) halak na dipillit Rapot Majelis Pekerja Sinode sian ruas ni HKBP.
5. Syarat gabe Uluan dohot Ruas Badan Pemulihan Aset
 - 5.1. Ruas ni HKBP na ringgas marminggu, burju jala martondi huria dohot na rade mamelehon dirina tu ulaon huria.
 - 5.2. Ruas ni HKBP na adong hatauonna di bidang Hukum.
 - 5.3. Na hipas roha dohot pematangna.
 - 5.4. Na so hea hona Ruhut Parmahanion dohot Paminsangon HKBP.
 - 5.5. Na marumur na umotikna 40 (opat pulu) taon.
6. Periodena
5 (lima) taon jala boi dipillit 2 (dua) hali padodot.

Bindu 17

Badan Penyelenggara Pendidikan

1. Badan Penyelenggara Pendidikan HKBP i ma organ pusat HKBP na manjalo ulaon sian Ephorus HKBP laho manghobasi pendidikan HKBP na marbasis mutu hombar tu Kebijakan Dasar Pendidikan HKBP na tinotophon ni Rapot MPS.
2. Marpanahatan tu Ephorus HKBP.
3. Haruason, hapanguruson dohot angka ulaon ni Badan Penyelenggara Pendidikan HKBP, dohot sistem pendidikan HKBP ditontuhon do di bagasan Kebijakan Dasar Pendidikan HKBP na tinotophon ni Rapot Majelis Pekerja Sinode.

Bindu 18

Bendahara Pusat

1. Pangantusion
Bendahara Pusat, i ma organ na mangaramoti parhepengon di Pusat HKBP na pinillit ni Ephorus HKBP sian tongatonga ni Partohonan Pandita jala tinotophon marhite Surat Haputusan ni Ephorus.
2. Ulaonna
 - 2.1. Marpanahatan tu Ephorus marhite Sekretaris Jenderal.
 - 2.2. Manimpan hepeng huria di Bank na tontu na ditotophon marhite Rapot Majelis Pekerja Sinode. Pasahatonna do salinan ni Rekening Giro dohot Buku Tabungan tu Ephorus, Sekretaris Jenderal, Komisi Keuangan dohot Badan Audit ganup bulan.
 - 2.3. Manimpan deba hepeng di brankas ni Kantor Pusat HKBP Pearaja Tarutung hombar tu na pinutushon ni Rapot Majelis Pekerja Sinode.
 - 2.4. Paruarhon hepeng hombar tu anggaran taon naung tinotophon ni Rapot Majelis Pekerja Sinode marhite panolopion ni Sekretaris Jenderal. Molo ingkon lobi na laho sian anggaran taon, jolo ditolopi Rapot Komisi Keuangan do asa tarpadalan.

- 2.5. Manggarar balanjo ni Partohonan na Gok Tingki dohot Parhobas na manjalo balanjo sian Kantor Pusat, angka honor dohot ongkos hombar tu hatontuan na adong dohot tu tingki na ditotophon.
 - 2.6. Mambahen Laporan Parhepengon na marrumang arus kas tu Sekretaris Jenderal ganup ari Jumat.
 - 2.7. Mambahen Laporan Parhepengon na marrumang neraca hombar tu Pedoman Akuntansi HKBP tu Ephorus. Laporan pinasahat dung ditandatangani Sekretaris Jenderal.
 - 2.8. Mambahen Laporan Parhepengon na marrumang neraca tu Rapot Majelis Pekerja Sinode dung jolo dipareso Badan Audit jala ditandatangani Sekretaris Jenderal, na umotikna sahali sataon. Sitongoshononna do salinan ni laporan i tu Huria, Resort, Distrik, Badan, Komisi dohot Lembaga.
 - 2.9. Mambahen Laporan Parhepengon na marrumang neraca tu Ephorus hombar tu Pedoman Akuntansi HKBP, dung jolo dipareso Badan Audit jala ditandatangani Sekretaris Jenderal sipasahatonna tu Sinode Godang.
 - 2.10. Manimpan angka Surat na mararga ni HKBP di Bank na tontu na tinotophon ni Majelis Pekerja Sinode jala pasahathon daftarna tu Ephorus, Sekretaris Jenderal, Komisi Keuangan dohot Badan Audit hombar tu ringkotna.
 - 2.11. Manjalo laporan panahatan (pertanggungjawaban) parhepengon ni sude unit na mamangke hepeng ni HKBP na lumambatna 14 (sampulu opat) ari dung simpul ulaon i.
3. Pabangkithon
Ephorus do na pabangkithon Bendahara Pusat HKBP
 4. Siarat gabe Bendahara Umum
 - 4.1. Partohonan Pandita di HKBP.
 - 4.2. Haposan jala adong keahlianna taringot tu parhepengon.
 - 4.3. Na hipas roha dohot pamatangna.
 - 4.4. Marumur na umotikna 40 (opat pulu) taon.

PONGGOL PALIMAHON ANGKA KOMISI DI HKBP

Bindu 19 Komisi

1. Pangantusion
Komisi i ma organ na pinajongjong hombar tu haporluan ni HKBP di tirket Hatopan.
2. Komisi Teologi
 - 2.1. Ulaonna
 - a) Marpanahatan tu Ephorus.
 - b) Patupahon Seminar, Lokakarya dohot Simposium Teologi HKBP jala pasahathon parbuena (hasil) tu Ephorus HKBP asa dipasahat tu Rapot Pandita Hatopan asa dihatai.
 - c) Patariparhon angka Dokumen Teologi Oikoumenis bahen mual panguhalan di angka Parhalado Partohonan.
 - d) Paradehon konsep ni Konfessi, Pernyataan Iman (*Statement of Faith*), Agenda, Ruhut Parmahanion dohot Paminsangon gabe sihataan di Rapot Pandita Distrik dohot ditotophon di Rapot Pandita Hatopan jala ditotophon di Sinode Godang.
 - e) Mengkoordinir Sub Komisi Konfessi, Sub Komisi Liturgi dan Sub Komisi RPP (Ruhut Parmahanion dohot Paminsangon) HKBP dohot mangido laporanna.

- f) Mamillit Ketua dohot ruas ni Sub Komisi Konfessi, Sub Komisi Liturgi dohot Sub Komisi Ruhut Parmahanion dohot Paminsangon (RPP).
- g) Mangalehon pingkiran taringot teologi tu Rapot Praeses.
- h) Markordinasi marujuuju tu Ephorus taringot tu pengembangan ni Teologi HKBP sahali 6 (onom) bulan na umotikna.

2.2. Uluanna

Ketua Komisi Teologi na pinillit ni Ephorus sian tongatonga ni Pandita ruas ni Komisi i.

2.3. Ruasna

Na pinillit ni Rapat Majelis Pekerja Sinode marhite usul ni Ephorus:

- a. 3 (tolu) halak Pangajari STT HKBP.
- b. 2 (dua) halak Praeses.
- c. 3 (tolu) halak Pandita.
- d. Sahalak Guru Huria.
- e. Sahalak Biblevrouw.
- f. Sahalak Diakones.

2.4. Periodena

5 (Lima) taon jala boi dipillit 2 (dua) hali padodot.

3. Komisi Aturan dohot Paraturan

3.1. Ulaonna

- a. Marpanahatan tu Ephorus HKBP.
- b. Patomutomuhon prakonsep manang draft parjolo ni Aturan dohot Paraturan HKBP na marojahan tu Konfessi jala hombar tu Ruhut Parmahanion dohot Paminsangon, dohot Agenda HKBP sipasahaton tu sandok HKBP laho manjalo angka pamingkirion sian Huria, Resort, Distrik Badan, Lembaga dohot Komisi ni HKBP.
- c. Patupa Seminar dohot Lokakarya Aturan dohot Paraturan laho manjalo pamingkirion sian angka parhapistaran di ragam ni parbinotoan, lumobi Teologi, Hukum, Administrasi dohot Manajemen, Sosiologi dohot Parhepengon.
- d. Masitungkar pingkiran dohot Komisi Teologi taringot tu Ekklesiologi ni HKBP manang pamingkirion Teologis ni HKBP taringot tu huria laho paradehon konsep Aturan dohot Paraturan.
- e. Paradehon konsep ni Aturan dohot Paraturan marojahan tu Konfessi jala sadalan dohot Ruhut Parmahanion dohot Paminsangon dohot Agenda HKBP siboanon ni Ephorus tu Sinode Godang dung jolo dihatai di Rapot Majelis Pekerja Sinode.
- f. Mangurupi Majelis Pekerja Sinode patupahon Konsep ni Petunjuk Pelaksanaan dohot Paraturan Teknis na diharingkothon laho patoranghon Aturan dohot Paraturan HKBP sitotophonon ni Rapot Majelis Pekerja Sinode.
- g. Mambahen laporan tu Ephorus sahali onom (6) bulan na umotikna di ujung ni periode.

3.2. Uluanna

Ketua Komisi Aturan dohot Paraturan na pinillit ni Rapot Majelis Pekerja Sinode sian tongatonga ni Pandita ruas ni Komisi.

3.3. Ruasna

Na pinillit ni Rapat Majelis Pekerja Sinode marhite usul ni Ephorus:

- a. Sahalak Dosen Teologi.
- b. Sahalak Ahli Hukum.
- c. Sahalak Ahli Ilmu Administrasi Manajemen.
- d. Tolu Halak Pandita.
- e. Sahalak Guru Huria.

- f. Sahalak Bibelvrouw.
- g. Sahalak Diakones.
- h. 2 (dua) halak Sintua manang ruas ni huria.
- i. Sahalak Utusan Pemuda.
- j. Sahalak Utusan ni Parompuan.

3.4. Periodena

5 (Lima) taon jala boi dipillit 2 (dua) hali padodot.

4. Komisi Beasiswa

4.1. Ulaonna

- a. Mamingkiri hagaganda ni parbinotoan dohot hatauton ni pangula ni HKBP marhite angka kursus di Indonesia dohot di luar negeri.
- b. Manangkasi dohot manotophon angka sijalo beasiswa sian ruas ni huria hombar tu parsiaratan na tinontuhon ni Komisi.
- c. Manangkasi dohot manotophon angka pangidoan ni na naeng manorushon parsiajaranna.
- d. Paborhathon angka na naeng manorushon parsiajaran manang parsingkolaan hombar tu haporluan ni HKBP.
- e. Paborhathon angka pangula manambai pengalaman marhite panopoton di Indonesia dohot luar negeri.
- f. Mangurupi angka ianakhon ni Parhalado manang ruas ni huria na so tuk pasingkolahon ianakhonna.
- g. Patupahon program mangalului dana na ringkot tu Komisi on, sian Huria marsadasada, angka Badan Huria na di Indonesia dohot di luar negeri.
- h. Pasahathon rencana kerja dohot anggaranna tu Ephorus HKBP asa ditotophon.
- i. Patupa evaluasi dohot pasahathon laporan panahatan ni Komisi tu Ephorus HKBP na umotikna sahali sataon.

4.2. Uluanna

Ketua Komisi Beasiswa ima sahalak Pandita na pinillit ni Ephorus HKBP sian ruas ni Komisi.

4.3. Ruasna

Na pinillit ni Rapat Majelis Pekerja Sinode marhite usul ni Ephorus:

- a. Sahalak ruas ni Majelis Pekerja Sinode.
- b. 2 (dua) halak Praeses.
- c. Sahalak sian Pangajari STT HKBP.
- d. Sahalak sian Pangajari STGH HKBP.
- e. Sahalak sian Pangajari STB HKBP.
- f. Sahalak sian Pangajari STD HKBP.
- g. Sahalak sian Pangajari Universitas HKBP Nommensen di Medan.
- h. Sahalak sian Pangajari Universitas HKBP Nommensen Pematangsiantar.
- i. Sahalak sian BPP HKBP.

4.4. Periodena

5 (Lima) taon jala boi dipillit 2 (dua) hali padodot.

5. Komisi Pengembangan Sumber Daya Pelayan

5.1. Ulaonna

- a. Marpanahatan tu Ephorus.
- b. Patomutomuhon konsep Pedoman Personalialia HKBP na manghamham perencanaan, pengadaan, pembinaan dohot pengembangan, perawatan (remunerasi, kesejahteraan dohot jaminan hari tua) ni Sumber Daya Parhobas

HKBP sipasahatonna tu Ephorus HKBP asa ditotophon di Rapot Majelis Pekerja Sinode.

- c. Patomutomuhon kebijakan taringot tu rekrutmen dohot seleksi calon pangula na gok tingki sipasahatonna tu Ephorus HKBP.
- d. Patomutomuhon konsep sistem Penilaian Kinerja Pelayan dohot Pegawai sipasahatonna tu Ephorus HKBP asa ditotophon Rapat Majelis Pekerja Sinode.
- e. Patupahon kebijakan panogunoguan na marujuuju jala berjenjang tu calon Pangula na Gok Tingki dohot Pangula na so Gok Tingki sipasahatonna tu Ephorus HKBP.

5.2. Uluanna

Ketua Komisi Pengembangan Sumber Daya Pelayan na pinillit ni Ephorus sian ruas ni Komisi i.

5.3. Ruasna

Na pinillit ni Rapat Majelis Pekerja Sinode marhite usul ni Ephorus:

- a. 3 (tolu) halak Pandita naung manjalo tohonan na umotikna 20 (dua puluh) taon.
- b. Sahalak Guru Huria umotikna manjalo tohonan 20 (dua puluh) taon.
- c. Sahalak Bibelvrouw umotikna manjalo tohonan 20 (dua puluh) taon.
- d. Sahalak Diakones umotikna manjalo tohonan 20 (dua puluh) taon.
- e. Sahalak ahli Psikologi.
- f. Sahalak praktisi Manajemen Sumber Daya Manusia.
- g. Kepala Biro Personalia (*ex officio songon Sekretaris KPSDP*).
- h. Kepala Biro Pembinaan (*ex officio*).
- i. Kepala Biro Jemaat (*ex officio*).

5.4. Periodena

5 (Lima) taon jala boi dipillit 2 (dua) hali padodot.

6. Komisi Keuangan

6.1. Ulaonna

- a. Patupahon konsep Anggaran Tahunan Pusat marojahan tu Rencana Kerja sian Sekretariat Jenderal, Badan dohot Lembaga, sipasahatonna tu Rapot Majelis Pekerja Sinode asa ditotophon jala dipahot.
- b. Manjamothon pardalan ni Anggaran Tahunan Pusat naung tinotophon ni Majelis Pekerja Sinode.
- c. Mengevaluasi pardalan ni Anggaran Tahunan HKBP na tongon mardalan.

6.2. Uluanna

Ketua Komisi Keuangan dipillit Rapot ni Majelis Pekerja Sinode.

6.3. Ruasna

5 (lima) manang 7 (pitu) halak padohot Ketua na pinillit ni Rapot Majelis Pekerja Sinode sian tongatonga ni ruas ni Majelis Pekerja Sinode.

6.4. Periodena

5 (Lima) taon jala boi dipillit 2 (dua) hali padodot.

**PONGGOL PAONOMHON
TOHONAN
Bindu 20
Tohonan di HKBP**

1. Pangantusion
Tohonan ima ulaon panghobasion Huria na diampehon tu sahalak Parhobas marhitehite pamasumasuon hombar tu Agenda HKBP. Ingkon dihajamothon ruas dohot partohonan i do habadiaon ni Tohonan i, di panghataion, pambahenan dohot pangalaho.
2. Ragam ni Tohonan
Onom (6) do tohonan di HKBP hombar tu panindangion haporseaon dohot Agenda HKBP, i ma:
 - 2.1. Pandita
 - 2.2. Guru Huria
 - 2.3. Bibelvrouw
 - 2.4. Diakones
 - 2.5. Evangelis
 - 2.6. Sintua

**Bindu 21
Partohonan di HKBP**

1. Pandita
 - 1.1. Pangantusion
Pandita i ma na manjalo Tohonan Hapanditaon sian HKBP marhite Ephorus hombar tu Agenda HKBP. Di Tohonan Hapanditaon i do dihamham Tohonan ni Kristus na 3 (tolu) i: Panurirang, Malim dohot Raja.
 - 1.2. Syarat gabe Pandita
 - a. Ruas ni HKBP na manghangoluhon asi ni roha ni Debata na jinalona marhitehite Pandidion dohot Panindangion Haporseaon.
 - b. Naung lulus sian Sikola Tinggi Teologi HKBP manang sian Sikola Tinggi Teologi na niokuan ni HKBP jala na dos kurikulum tu Sikola Tinggi Teologi HKBP.
 - c. Naung praktek na umotikna 3 (tolu) taon di HKBP jala naung dirajumi tau manjalo Tohonan Hapanditaon marhite rekomendasi sian Praeses dohot Uluan Resort.
 - d. Na hipas roha dohot pamatangna.
 - e. Na manjalo Tohonan Hapanditaon sian HKBP.
 - f. Rajumon do angka Pandita na niutus ni angka huria sisada haporseaon dohot HKBP sisada Tohonan dohot Pandita HKBP.
 - 1.3. Ulaonna
 - a. Songon na tarsurat di Agenda Pasahathon Tohonan Hapanditaon HKBP.
 - b. Mandohoti angka rapot ni Pandita HKBP.
 - 1.4. Inganan Pangulaon Pandita
 - a. Ephorus HKBP do manotophon inganan pangulaon ni Pandita HKBP.
 - b. Angka Pandita na mangula di duru ni HKBP, Ephorus ma mangalehon panolopion; molo ndang sian panolopion ni Ephorus, ndang rajumon nasida Parhalado ni HKBP.
 - c. Angka Pandita na mangula di ulaon Hatopan rajumon do nasida Parhalado di Huria haruasonnasida.
 - 1.5. Parpindaan
 - a. Ephorus do manotophon parpindaan ni Pandita marojahan tu ruhut mutasi na pinatomutomu di Komisi Pengembangan Sumber Daya Pelayan.

- b. 5 (lima) taon na lumelengna sahalak Pandita mangula di sada Huria manang Resort jala 2 (dua) periode ma na lumelengna di sada Distrik.
 - c. Boi do pinda sahalak Pandita nang pe so gok 5 (lima) taon di sada inganan hombar tu panimbangion ni Ephorus HKBP.
 - 1.6. Pansiun

Pansiun do sahalak Pandita molo dung marumur 65 (onom puluh lima) taon, alai hot do Tohonanna jala pasahaton ni Ephorus ma Surat Ketetapan pansiunna.
 - 1.7. Maradian sian Tohonan
 - a. Na so diulahon be Tohonanna.
 - b. Siala pangidoanna sandiri.
 - c. Hona Ruhut Parmahanion dohot Paminsangon HKBP.
 - d. Monding.
- 2. Guru Huria
 - 2.1. Pangantusion

Guru Huria ima na manjalo Tohonan Guru Huria sian HKBP marhite Ephorus hombar tu Agenda HKBP.
 - 2.2. Syarat gabe Guru Huria
 - a. Naung lulus sian Sikola Tinggi Guru Huria ni HKBP.
 - b. Naung praktek na umotikna 3 (tolu) taon di HKBP jala naung manjalo rekomendasi sian Praeses dohot Uluan Resort.
 - c. Hipas roha dohot pamatangna.
 - d. Na manjalo tohonan Guru Huria sian HKBP.
 - 2.3. Ulaonna
 - a. Songon na tarsurat di Agenda Pasahathon Tohonan Guru Huria.
 - b. Pasahathon pasupasus so pola mangampehon tangan.
 - c. Mandohoti Rapot Guru Huria.
 - 2.4. Inangan Pangulaon
 - a. Ephorus do manotophon parpindaon ni Guru Huria.
 - b. Ephorus do mangalehon panolopion tu Guru Huria na mangula di duru ni HKBP.
 - c. Angka Guru Huria na mangula di duru ni HKBP so panolopion ni Ephorus, ndang rajumon nasida Parhalado di HKBP.
 - 2.5. Parpindaan
 - a. Ephorus do manotophon parpindaan ni Guru Huria marojahan tu ruhut mutasi na pinatomutomu di Komisi Pengembangan Sumber Daya Pelayan.
 - b. 5 (lima) taon na lumelengna sahalak Guru Huria mangula di sada Huria manang Resort jala 2 (dua) periode ma na lumelengna di sada Distrik.
 - c. Boi do pinda sahalak Guru Huria nang pe so gok 5 (lima) taon di sada inganan hombar tu panimbangion ni Ephorus HKBP.
 - 2.6. Pansiun

Pansiun do sahalak Guru Huria molo dung marumur 65 (onom puluh lima) taon, alai hot do Tohonanna jala pasahaton ni Ephorus ma Surat Ketetapan pansiunna.
 - 2.7. Maradian sian Tohonan
 - a. Na so diulahon be Tohonanna.
 - b. Siala pangidoanna sandiri.
 - c. Hona Ruhut Parmahanion dohot Paminsangon HKBP.
 - d. Monding.
- 3. Bibelvrouw
 - 3.1. Pangantusion

Bibelvrouw i ma parompuan na manjalo Tohonan Bibelvrouw sian HKBP marhite Ephorus hombar tu Agenda HKBP.

- 3.2. Siarat gabe Bibelvrouw
 - a. Naung lulus sian Sikola Tinggi Bibelvrouw HKBP.
 - b. Naung praktek na umotikna 3 (tolu) taon di HKBP jala naung manjalo rekomendasi sian Praeses dohot Uluan Resort.
 - c. Hipas roha dohot pematangna.
 - d. Na manjalo Tohonan Bibelvrouw sian HKBP.
- 3.3. Ulaonna
 - a. Songon na tarsurat di Agenda Pasahathon Tohonan Bibelvrouw.
 - b. Pasahathon pasupasus so pola mangampehon tangan.
 - c. Mandohoti Rapat Bibelvrouw
- 3.4. Inangan Pangulaon
 - a. Ephorus do manotophon parpindaan ni Bibelvrouw.
 - b. Ephorus do mangalehon panolopion tu Bibelvrouw na mangula di duru ni HKBP.
 - c. Angka Bibelvrouw na mangula di duru ni HKBP so panolopion ni Ephorus, ndang rajumon nasida parhalado di HKBP.
- 3.5. Parpindaan
 - a. Ephorus do manotophon parpindaan ni Bibelvrouw marojahan tu ruhut mutasi na pinatomutomu di Komisi Pengembangan Sumber Daya Pelayan.
 - b. 5 (lima) taon na lumelengna sahalak Bibelvrouw mangula di sada Huria manang Resort jala 2 (dua) periode ma na lumelengna di sada Distrik.
 - c. Boi do pinda sahalak Bibelvrouw nang pe so gok 5 (lima) taon di sada inangan hombar tu panimbangion ni Ephorus HKBP.
- 3.6. Pansiun

Pansiun do sahalak Bibelvrouw molo dung marumur 65 (onom puluh lima) taon, alai hot do Tohonanna jala pasahaton ni Ephorus ma Surat Ketetapan pansiunna.
- 3.7. Maradian sian Tohonan
 - a. Na so diulahon be Tohonanna.
 - b. Siala pangidoanna sandiri
 - c. Hona Ruhut Parmahanion dohot Paminsangon HKBP
 - d. Monding
4. Diakones
 - 4.1. Pangantusion

Diakones i ma parompuan na manjalo Tohonan Diakones sian HKBP marhite Ephorus hombar tu Agenda HKBP.
 - 4.2. Siarat gabe Diakones
 - a. Naung lulus sian Sikola Tinggi Diakones ni HKBP.
 - b. Naung praktek na umotikna 3 (tolu) taon di HKBP jala naung manjalo rekomendasi sian Praeses dohot sian Uluan Resort.
 - c. Hipas roha dohot pematangna.
 - d. Na manjalo Tohonan Diakones sian HKBP.
 - 4.3. Ulaonna
 - a. Songon na tarsurat di Agenda Pasahat Tohonan Diakones.
 - b. Pasahathon pasupasus so pola mangampehon tangan.
 - c. Mandohoti Rapot Diakones.
 - 4.4. Inangan Pangulaan
 - a. Ephorus do manotophon parpindaon ni Diakones.
 - b. Ephorus do mangalehon panolopion tu Diakones na mangula di duru ni HKBP.
 - c. Angka Diakones na mangula di duru ni HKBP so panolopion ni Ephorus, ndang rajumon nasida parhalado di HKBP.
 - 4.5. Parpindaan

- a. Ephorus HKBP do manontuhon parpindaan ni Diakones.
 - b. 5 (lima) taon na lumelengna sahalak Diakones mangula di sada huria jala 2 (dua) periode ma na lumelengna di sada Distrik.
 - c. Boi do pinda sahalak Diakones nang pe so gok 5 (lima) taon di sada inganan hombar tu panimbangion ni Ephorus HKBP.
- 4.6. Pansiun
Pansiun do sahalak Diakones molo dung marumur 65 (onom puluh lima) taon, alai hot do Tohonanna jala pasahaton ni Ephorus ma Surat Ketetapan pansiunna.
- 4.7. Maradian sian Tohonan
- a. Na so diulahon be Tohonanna.
 - b. Hona Ruhut Parmahanion dohot Paminsangon HKBP.
 - c. Monding.
5. Evangelis
- 5.1. Pangantusion
Evangelis i ma na manjalo Tohonan Evangelis sian HKBP marhite Ephorus hombar tu Agenda HKBP.
- 5.2. Siarat gabe Evangelis
- a. Naung mandohoti program pelatihan jala mandapot Sertifikat ha-evangelison sian Sikola Tinggi Teologi HKBP.
 - b. Naung praktek na umotikna 3 (tolu) bulan di HKBP jala naung manjalo rekomendasi sian Praeses dohot Uluan Resort.
 - c. Hipas roha dohot pamatangna.
 - d. Naung ditangkasi Ephorus hatauonna.
- 5.3. Ulaonna
- a. Pararathon Barita na Uli marhite ulaon parjamitaon, pangajarion, evangelisasi dohot panindangion tu angka masyarakat tertentu, isarana: kampus, sikola, perkantoran, buruh, masyarakat marginal dohot na asing.
 - b. Pasahathon pasupasu so pola mangampehon tangan.
- 5.4. Inganan Pangulaon
Ephorus HKBP do na manontuhon inganan pangulaonna.
- 5.5. Parpindaan
Ephorus HKBP do manontuhon parpindaanna.
- 5.6. Pansiun
Pansiun do sahalak Evangelis molo dung marumur 65 (onom puluh lima) taon, alai hot do Tohonanna jala pasahaton ni Ephorus ma Surat Ketetapan pansiunna.
- 5.7. Maradian sian Tohonan
- a. Na so diulahon be Tohonanna.
 - b. Siala pangidoanna sandiri.
 - c. Hona Ruhut Parmahanion dohot Paminsangon HKBP.
 - d. Monding.
6. Sintua
- 6.1. Pangantusion
Sintua i ma na manjalo Tohonan Sintua sian HKBP marhite Uluan Resort hombar tu Agenda HKBP.
- 6.2. Siarat gabe Sintua
- a. Ruas na mangalehon dirina gabe Sintua di Huria.
 - b. Na ringgas marminggu dohot mandohoti parpadanan na badia.
 - c. Na so hasurahan pangalahona.
 - d. Na umotikna marumur 30 taon.
 - e. Hipas roha dohot pamatangna.

- f. Mamolus pendidikan saboiboina Sekolah Lanjutan Tingkat Atas.
- g. Mandalani learning Sintua di Huria panghobasionna na umotikna sataon.
- h. Na pinillit ni ruas sian tongatonganasida tinotophon ni Rapot Parhalado Partohonan.

6.3. Ulaon ni Sintua

- a. Songon na tarsurat di Agenda Manjangkon Sintua.
- b. Patupahon Pandidion na hinipu.
- c. Patupahon Statistik ni ruas di lungguna be.
- d. Mandohoti Sermon dohot rapot ni Sintua.
- e. Pasahathon pasupasus so pola mangampehon tangan.

6.4. Inangan Pangulaon

- a. Lunggu/Wijk haborhatan dohot Huria ojahanna do inganan pangulaon ni Sintua.
- b. Rapot Parhalado Partohonan do manontuhon angka bagian siulaon ni Sintua di huria i.

6.5. Parpindaan

Sintua na pinda sian Huria tu inganan na asing ndang manigor (otomatis) gabe ruas parhalado di Huria na nidapothonna, alai hot do ianggo Tohonan ha-sintuaonna.

6.6. Pansiun

Pansiun do sahalak Sintua molo dung marumur 65 (onom puluh lima) taon alai hot do tohonan ha-sintuaonna jala pasahaton ni Praeses ma Surat Ketetapan pansiuinna.

6.7. Maradian sian ha-sintuaon

- a. Na so diulahon be Tohonanna.
- b. Ala pangidoanna sandiri.
- c. Hona Ruhut Parmahanion dohot Paminsangon HKBP.
- d. Monding.

PONGGOL PAPITUHON RAPOT DI HKBP

Bindu 22

Ragam ni Rapot

1. Angka Rapot di Huria

1.1. Rapot Huria

a. Ulaon

- 1) Patupahon kebijakan umum panghobasion di Huria hombar tu Haputusan ni Sinode Godang, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode, Sinode Distrik, Rapot Majelis Pekerja Sinode Distrik, Rapot Resort, Rapot Parhalado Resort.
- 2) Manotophon Rencana Stratejik Lima Tahunan Huria laho patulushon Haputusan ni Sinode Godang, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode, Sinode Distrik, Rapot Majelis Pekerja Sinode Distrik, Rapot Resort, Rapot Parhalado Resort.
- 3) Manotophon Program Kerja dohot Anggaran Tahunan ni Huria na pinasahat ni rapot Parhalado Partohonan marhite Uluan ni Huria.
- 4) Manjalo laporan Uluan Huria dohot mengevaluasi pardalan ni panghobasion di Huria hombar tu Rencana Stratejik 5 (lima) Tahunan dohot Program Kerja dohot Anggaran Tahunan Huria.
- 5) Mamillit Ketua dohot Ruas Badan Audit Huria.

b. Uluanna

Uluan ni Huria.

c. Ruasna

- 1) Sude ruas ni huria manang wakil-wakil ni angka lunggu/wijk.
- 2) Sude Parhalado.

d. Tingkina

Na umotikna sahali sataon.

1.2. Rapot Parhalado Partohonan

a. Ulaonna

- 1) Mangarangrangi, patomutomuhon Rencana Stratejik dohot Rencana Tahunan dohot Anggaran Pandapotan dohot Anggaran Balanjo Tahunan Huria siboanon tu Rapot Huria asa ditotophon.
- 2) Mangevaluasi pelaksanaan ni Rencana Stratejik dohot Rencana Tahunan.
- 3) Pasauthon Haputusan ni Sinode Godang, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode, Sinode Distrik, Rapot Majelis Pekerja Sinode Distrik, Rapot Resort, Rapot Parhalado Resort.
- 4) Paujunghon angka hamaolon na masa di Huria.
- 5) Patupahon angka laporan na porlu tu Rapot Huria, Resort, dohot tu Sinode Distrik.
- 6) Manotophon utusan tu Rapot Resort.
- 7) Mamillit Uluan ni Huria na so tinempathon ni Ephorus dope na niuluhon ni Uluan Resort.
- 8) Mamillit Parhalado Parartaon, Bendahara, Sekretaris songon i Parhalado tu ulaon ni angka Dewan dohot Seksi na adong di Huria.
- 9) Mangaradoti pardalan ni Parjamitaon, Konfesi, Agenda, Ruhut Parmahanion dohot Paminsangon, dohot Aturan dohot Paraturan HKBP.
- 10) Mangaradoti angka na mardomu tu ulaon na pahehehon partondion ni ruas.
- 11) Mangaradoti angka pangajarion, parjamitaon dohot patoguhon parhahamaranggion tu dakdanak, bajarbajar, naposobulung dohot na magodang.

- 12) Patupahon angka Ulaon Parasinirohaon, Ulaon Sending dohot Pengembangan Masyarakat.
 - 13) Patupahon harentaon di Administrasi huria.
 - 14) Manimbangi donganna satohonan.
 - 15) Laho pataridahon ulaon panghobasion di portibi on, siradotanna do na pajongjong angka Yayasan di Bidang Hahisaron, Parasinirohaon, Pendidikan, dohot bidang usaho na asing na so maralo tu Aturan dohot Paraturan HKBP.
- b. Uluanna
Uluan ni Huria.
 - c. Tingkina
Na umotikna sahali 6 (onom) bulan, alai laos boi do Sermon Parhalado manghatai angka na ringkot taringot tu panggulmiton ni Huria i.
- 1.3. Rapot Parhalado
- a. Ulaonna
Patulushon Rencana Strategik dohot Rencana Tahunan naung tinotophon ni Rapot Huria.
 - b. Uluanna
Uluan ni Huria.
 - c. Ruasna
Sude Parhalado di Huria.
 - d. Tingkina
Na umotikna sahali sataon.
- 1.4. Sermon Parhalado Partohonan
- a. Ulaonna
Manangkasi Hata Ni Debata na gabe jamita Minggu dohot partangiangan, manaringoti parsagi ni ulaon dohot panghobasion ni Huria.
 - b. Uluanna
Uluan ni Huria.
 - c. Ruasna
Sude Parhalado Partohonan di Huria i.
 - d. Tingkina
Sahali saminggu.
- 1.5. Rapot Pangurus Sikola Minggu
- a. Ulaonna
 - 1) Pasauthon haputusan ni Rapot Huria dohot Rapot Parhalado.
 - 2) Pasauthon pelaksanaan program kegiatan Seksi Sikola Minggu di Huria.
 - 3) Pasahathon laporan pangulaon tu Dewan Koinonia.
 - 4) Pasahathon usul biaya kegiatan di Seksi Sikola Minggu tu Rapot Parhalado Partohonan asa dihatai jala ditotophon.
 - 5) Pasahathon angka usul na mardomu tu kegiatan panogunoguon pahehehon partondion ni Sikola Minggu.
 - 6) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 7) Patupahon dohot manungguli angka tugas ni Sikola Minggu. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pahembanghon parbinotoan ketrampilan ni Sikola Minggu marhite kursus dohot latihan.
 - 9) Patupahon kegiatan laho patoguhon parsauran dohot Sikola Minggu sesama HKBP dohot huria tetangga marhite panghobasion dohot kerja sama.

- b. Uluanna
 - 1) Rapot Pangurus Seksi Sikola Minggu diuluhon ketua Seksi Sikola Minggu.
 - 2) Rapot pemilihan Pangurus Seksi Sikola Minggu diuluhon Ketua Dewan Koinonia jala dilaporhon tu Uluan ni Huria.
- c. Ruasna

Sude Pangurus ni Seksi Sekolah Minggu.
- d. Tingkina

Na umotikna sahali 6 (onom) bulan.

1.6. Rapot Guru Sikola Minggu

- a. Ulaonna
 - 1) Mamingkiri, patomutomuhon metode pangajarion na ampit tu Sikola Minggu.
 - 2) Patomutomuhon Program Kerja dohot Anggaran Sikola Minggu sipasahatonna tu Rapot Parhalado.
 - 3) Mamingkiri dalam laho pahinsathon parbinotoan ni Guru Sikola Minggu marhite kursus dohot latihan.
 - 4) Patupahon evaluasi pelaksanaan Program Kerja.
- b. Uluanna

Ketua Seksi Sekolah Minggu.
- c. Ruasna

Sude Guru Sekolah Minggu.
- d. Tingkina

Hombar tu ringkotna.

1.7. Rapot Seksi Bajarbajar (Remaja)

- a. Ulaonna
 - 1) Mamillit Pangurus Seksi Bajarbajar.
 - 2) Mamillit utusan Bajarbajar tu Rapot Bajarbajar di tirket Distrik hombar tu Buku Pedoman Punguan Bajarbajar HKBP.
- b. Rapot Pangurus Seksi Bajarbajar HKBP
 - 1) Pasauthon Haputusan ni Rapot Huria dohot Rapot Parhalado.
 - 2) Pasauthon pelaksanaan Program Kegiatan Seksi Bajarbajar di Huria.
 - 3) Pasahathon laporan tu Dewan Koinonia.
 - 4) Pasahathon usul biaya kegiatan di seksi Bajarbajar tu Rapot Parhalado Partohonan asa dihatai jala ditotophon.
 - 5) Pasahathon angka usul na mardomu tu kegiatan panogunogunon na pahehehon partondion ni Bajarbajar.
 - 6) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 7) Patupahon dohot pasauthon angka tugas ni Bajarbajar. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pehembanghon parbinotoan ketrampilan ni Bajarbajar marhite kursus dohot latihan.
 - 9) Patupahon kegiatan laho patoguhon parsauran dohot Bajarbajar ni Huria sesama HKBP dohot huria tetangga marhite panghobasion dohot kerja sama.
- c. Uluanna
 - 1) Ketua Seksi Bajarbajar.
 - 2) Molo rapot pamilliton Pangurus, Ketua Dewan Koinonia ma manguluhon, jala dilaporhon tu Uluan ni Huria.
- d. Ruasna
 - 1) Rapot Seksi Bajarbajar:

Sude ruas Bajarbajar na terdaftar di huria.

- 2) Rapot Pangurus Seksi Bajarbajar:
Sude Anggota Pangurus Seksi Bajarbajar
 - e. Tingkina
 - 1) Na umotikna, na marrapot Seksi Bajarbajar Huria sahali sataon.
 - 2) Na umotikna marrapot do Pangurus Seksi Bajarbajar sahali onom bulan.
- 1.8. Rapot Seksi Naposo Bulung
- a. Ulaonna
 - 1) Mamillit Pangurus ni Seksi Naposobulung.
 - 2) Mamillit utusan Naposobulung tu Rapot Naposobulung di tirket Distrik hombar tu Buku Pedoman Punguan Naposobulung HKBP.
 - b. Rapot Pangurus Seksi Naposobulung HKBP
 - 1) Pasauthon Haputusan ni Rapot Huria dohot Rapot Parhalado.
 - 2) Pasauthon pelaksanaan program kegiatan Seksi Naposobulung di Huria.
 - 3) Pasahathon usul biaya kegiatan di seksi Naposobulung tu Rapot Parhalado Partohonan asa dihatai jala ditotophon.
 - 4) Pasahathon angka usul na mardomu tu kegiatan panogunogunon pahehehon partondion ni Naposobulung.
 - 5) Pasahathon angka usul na mardomu tu pangajarion, parjamitaon dohot parmahanion ni ruas Naposobulung.
 - 6) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 7) Patupahon dohot pasauthon angka tugas ni Naposobulung. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pehembanghon parbinotoan ketrampilan ni Naposobulung marhite kursus dohot latihan.
 - 9) Patupahon kegiatan laho patoguhon parsoran dohot Naposobulung ni Huria sesama HKBP dohot huria tetangga marhite panghobasion dohot kerja sama.
 - c. Uluanna
 - 1) Ketua Seksi Naposobulung
 - 2) Molo rapot pamilliton Pangurus, Ketua Dewan Koinonia ma manguluhon, jala dilaporhon tu Uluan ni Huria.
- 1.9. Rapot Seksi Parompuan
- a. Ulaonna
 - 1) Mamillit Pangurus Seksi Parompuan
 - 2) Mamillit utusan Parompuan tu Rapot Parompuan di tirket Distrik hombar tu Buku Pedoman Punguan Parompuan HKBP.
 - b. Rapot Pangurus Seksi Parompuan
 - 1) Pasauthon Haputusan ni Rapot Huria dohot Rapot Parhalado.
 - 2) Pasauthon pelaksanaan program kegiatan Seksi Parompuan di Huria.
 - 3) Pasahathon usul biaya kegiatan di Seksi Parompuan tu Rapot Parhalado Partohonan asa dihatai jala ditotophon.
 - 4) Pasahathon angka usul na mardomu tu kegiatan panogunogunon pahehehon partondion ni Parompuan.
 - 5) Pasahathon angka usul na mardomu tu pangajarion, parjamitaon dohot parmahanion ni ruas Parompuan.
 - 6) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 7) Patupahon dohot manungguli angka tugas ni Parompuan. Mangurupi marhite kerja sama dohot seksi na asing di panghobasion ni Huria.

- 8) Patupahon angka ulaon laho pehembanghon parbinotoan ketrampilan ni Parompuan marhite kursus dohot latihan.
 - 9) Patupahon kegiatan laho patoguhon parsaoan dohot Parompuan ni Huria sesama HKBP dohot huria tetangga marhite panghobasion dohot kerja sama.
- c. Uluanna
 - 1) Ketua Seksi Parompuan
 - 2) Molo rapot pamilliton pangurus, Ketua Dewan Koinonia ma manguluhon, jala dilaporhon tu Uluan ni Huria.
 - d. Ruasna
 - 1) Rapot Seksi Parompuan: Sude ruas Parompuan na terdaftar di Huria
 - 2) Rapot Pangurus Seksi Parompuan: Sude Anggota Pangurus Seksi Parompuan.
 - e. Tingkina
 - 1) Na umotikna na marrapot do Seksi Parompuan sahali sataon.
 - 2) Na umotikna marrapot do Pangurus Seksi Parompuan sahali onom bulan.
- 1.10. Rapot Seksi Ama
- a. Ulaonna
 - 1) Mamillit Pangurus Seksi Ama.
 - 2) Mamillit utusan ni Ama tu Rapot Ama di tirket Distrik.
 - b. Rapot Pangurus Seksi Ama
 - 1) Pasauthon Haputusan ni Rapot Huria dohot Rapot Parhalado.
 - 2) Pasauthon pelaksanaan program kegiatan Seksi Ama di Huria.
 - 3) Pasahathon usul biaya kegiatan di Seksi Ama tu Rapot Parhalado Partohonan asa dihatai jala ditotophon.
 - 4) Pasahathon angka usul na mardomu tu kegiatan panogunoguan pahehehon partondion ni Ama.
 - 5) Pasahathon angka usul na mardomu tu pangajarion, parjamitaon dohot parmahanion ni ruas Ama.
 - 6) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 7) Patupahon dohot manungguli angka tugas ni Ama. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pahembanghon parbinotoan ketrampilan ni Ama marhite kursus dohot latihan.
 - 9) Patupahon kegiatan laho patoguhon parsaoan dohot Ama ni Huria sesama HKBP dohot huria tetangga marhite panghobasion dohot kerja sama.
 - c. Uluanna
 - 1) Ketua Seksi Ama.
 - 2) Molo rapot pamilliton pangurus, Ketua Dewan Koinonia ma manguluhon, jala dilaporhon tu Uluan ni Huria.
 - d. Ruasna
 - 1) Rapot Seksi Ama: Sude ruas Ama na terdaftar di Huria.
 - 2) Rapot Pangurus Seksi Ama: Sude Anggota Pangurus Seksi Ama.
 - e. Tingkina
 - 1) Na umotikna na marrapot do Seksi Ama sahali sataon.
 - 2) Na umotikna marrapot do Pangurus Seksi Ama sahali 6 (onom) bulan.
- 1.11. Rapot Seksi Natuatua (Lansia)
- a. Ulaonna
 - 1) Mamillit Pangurus Seksi Natuatua.

- 2) Mamillit utusan ni ama tu Rapot Natuatua di tirket Distrik hombar tu Buku Pedoman Punguan Natuatua (Lansia) HKBP.
- b. Rapot Pengurus Seksi Natuatua
 - 1) Pasauthon Haputusan ni Rapot Huria dohot Rapot Parhalado.
 - 2) Pasauthon pelaksanaan program kegiatan Seksi Natuatua di Huria.
 - 3) Pasahathon usul biaya kegiatan di Seksi Natuatua tu Rapot Parhalado Partohonan asa dihatai jala ditotophon.
 - 4) Pasahathon angka usul na mardomu tu kegiatan panogunogunon pahehehon partondion ni Natuatua.
 - 5) Pasahathon usul kegiatan tu Ulaon Parasinirohaon dohot Pahembanghon Masyarakat.
 - 6) Patupahon dohot manungguli angka tugas ni Natuatua. Mangurupi marhite kerja sama dohot seksi na asing di panghobasion ni huria
 - 7) Patupahon kegiatan laho patoguhon parsoraan dohot Natuatua (Lansia) ni Huria sesama HKBP dohot huria tetangga marhite panghobasion dohot kerja sama.
 - c. Uluanna
 - 1) Ketua Seksi Natuatua.
 - 2) Molo rapot pamilliton pangurus, Ketua Dewan Koinonia ma manguluhon, jala dilaporhon tu Uluan ni Huria.
 - d. Ruasna
 - 1) Rapot Seksi Natuatua: Sude ruas Natuatua na terdaftar di Huria.
 - 2) Rapot Pangurus Seksi Natuatua.
 - e. Tingkina
 - 1) Na umotikna na marrapot do Seksi Natuatua sahali sataon.
 - 2) Na umotikna marrapot do Pangurus Seksi Natuatua sahali 6 (onom) bulan.

1.12. Rapot Seksi Sending

- a. Ulaonna
 - 1) Mamillit Pangurus Seksi Sending.
 - 2) Pasauthon Haputusan ni Rapot Huria dohot Rapot Parhalado.
 - 3) Pasauthon pelaksanaan program kegiatan Seksi Sending di Huria.
 - 4) Pasahathon usul dana kegiatan di Seksi Sending tu Rapot Parhalado Partohonan marhite Dewan Marturia asa dihatai jala ditotophon.
 - 5) Pasahathon angka usul na mardomu tu kegiatan Sending.
 - 6) Pasahathon usul kegiatan tu ulaon parbaritanaulion di tongatonga ni masyarakat.
 - 7) Patupahon dohot manungguli angka tugas ni Sending. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pahembanghon parbinotoan ketrampilan ni Sending marhite kursus dohot latihan.
 - 9) Patupahon kegiatan hasadaon di Ulaon Sending ni Huria sesama HKBP dohot huria tetangga.
- b. Uluanna
 - 1) Ketua Seksi Sending.
 - 2) Molo rapot pamilliton pangurus, Ketua Dewan Marturia ma manguluhon, jala dilaporhon tu Uluan ni Huria.
- c. Ruasna

Sude Pangurus ni Seksi Sending na terdaftar di Huria.
- d. Tingkina

Na umotikna marrapot do Pangurus Seksi Sending sahali 6 (onom) bulan.

1.13. Rapot Seksi Musik

a. Ulaonna

- 1) Mamillit Pangurus Seksi Musik.
- 2) Pasauthon Haputusan ni Rapot Huria dohot Rapot Parhalado.
- 3) Pasauthon pelaksanaan program kegiatan Seksi Musik di Huria.
- 4) Pasahathon usul dana kegiatan di Seksi Musik tu Rapot Parhalado Partohonan marhite Dewan Marturia asa dihatai jala ditotophon.
- 5) Pasahathon angka usul na mardomu tu kegiatan panogunogunon pahehehon partondion marhite parendeon dohot uninguningan.
- 6) Pasahathon usul kegiatan hahihinsat ni perendeon di tongatonga ni masyarakat marhite konser dohot rumang na asing.
- 7) Patupahon dohot manungguli angka ulaon parendeon dohot musik. Mangurupi marhite kerja sama dohot seksi na asing di panghobasion ni Huria.
- 8) Patupahon angka ulaon laho pahembanghon parbinotoan ketrampilan ni parendeon dohot musik marhite kursus dohot latihan.

b. Uluanna

- 1) Ketua Seksi Musik.
- 2) Molo rapot pamilliton pangurus, Ketua Dewan Marturia ma manguluhon, jala dilaporhon tu Uluan ni Huria.

c. Ruasna

Sude Pangurus ni Seksi Musik na terdaftar di Huria.

d. Tingkina

Na umotikna marrapot do Pangurus Seksi Musik sahali 6 (onom) bulan

1.14. Rapot Seksi Pangajarion

a. Ulaonna

- 1) Mamillit Pangurus Seksi Pangajarion.
- 2) Pasauthon Haputusan ni Rapot Huria dohot Rapot Parhalado.
- 3) Pasauthon pelaksanaan program kegiatan Seksi Pangajarion di Huria.
- 4) Pasahathon usul dana kegiatan ni Seksi Pangajarion tu Rapot Parhalado Partohonan marhite Dewan Didaskalia asa dihatai jala ditotophon.
- 5) Pasahathon angka usul na mardomu tu kegiatan Pangajarion tu ruas ni Huria, pahinsathon parbinotoan, dohot paadonghon sinamot bahen beasiswa.
- 6) Patupahon dohot manungguli angka ulaon na marpardomuan tu na pahinsathon parbinotoan nang kursus marhite angka seminar di Huria nang dohot masyarakat na jumonok tu huria i.

b. Uluanna

- 1) Ketua Seksi Pangajarion.
- 2) Molo rapot pamilliton pangurus, Ketua Dewan Didaskalia ma manguluhon, jala dilaporhon tu Uluan ni Huria.

c. Ruasna

Sude Pangurus ni Pangajarion na terdaftar di Huria.

d. Tingkina

Na umotikna marrapot do Pangurus Seksi Pangajarion sahali 6 (onom) bulan.

1.15. Rapot Seksi Pa-tang-hon (Pelatihan)

a. Ulaonna

- 1) Mamillit Pangurus Seksi Pa-tang-hon (Pelatihan).
- 2) Pasauthon Haputusan ni Rapot Huria dohot Rapot Parhalado.
- 3) Pasauthon pelaksanaan program kegiatan Seksi Pa-tang-hon (Pelatihan) di Huria.

- 4) Pasahathon usul dana kegiatan ni Seksi Pa-tang-hon (Pelatihan) tu Rapot Parhalado Partohonan marhite Dewan Didaskalia asa dihatai jala ditotophon.
- 5) Pasahathon angka usul na mardomu tu kegiatan parguruon ni pra-Baptis, Parguru manghatindahon Haporseaon, Parguruan ni Ruas Parguru (Manopoti), Parguruan ni Calon Sintua dohot Pambohalian ni Pendamping.
- 6) Patupahon dohot manungguli angka ulaon na marpardomuan tu pemberdayaan dan pembekalan ni sude ruas ni huria asa boi mangulahon angka na patut siulaonna be di tonga ni huria, masyarakat nang keluargana be.

b. Uluanna

- 1) Ketua Seksi Pa-tang-hon (Pelatihan).
- 2) Molo rapot pamilliton pangurus, Ketua Dewan Didaskalia ma manguluhon, jala dilaporhon tu Uluan ni Huria.

c. Ruasna

Sude Pangurus ni Seksi Pa-tang-hon (Pelatihan).

d. Tingkina

Na umotikna marrapot do Pangurus Seksi Patanghon (Pelatihan) sahali 6 (onom) bulan.

1.16. Rapot Seksi Diakoni Sosial

a. Ulaonna

- 1) Mamillit Pangurus Seksi Diakoni Sosial .
- 2) Pasauthon Haputusan ni Rapot Huria dohot Rapot Parhalado.
- 3) Pasauthon pelaksanaan program kegiatan Seksi Diakoni Sosial di Huria.
- 4) Pasahathon usul dana kegiatan di Seksi Diakoni Sosial tu Rapot Parhalado Partohonan marhite Dewan Diakonia asa dihatai jala ditotophon.
- 5) Pasahathon angka usul na mardomu tu kegiatan parasinirohaon tu ruas ni huria nang masyarakat.
- 6) Pasahathon usul kegiatan na pahinsaton roha ni ruas mangulahon asi ni roha.
- 7) Patupahon dohot manungguli angka Ulaon Diakoni Sosial. Mangurupi marhite kerja sama dohot seksi na asing di panghobasion ni Huria.
- 8) Patupahon angka ulaon laho pahembanghon parbinotoan ketrampilan manghobasi Diakoni Sosial, ceramah dohot padohothon ruas tu angka Ulaon Sosial.

b. Uluanna

- 1) Ketua Seksi Diakoni Sosial.
- 2) Molo rapot pamilliton pangurus, Ketua Dewan Diakoni ma manguluhon, jala dilaporhon tu Uluan ni Huria.

c. Ruasna

Sude Pangurus ni Seksi Diakoni Sosial.

d. Tingkina

Na umotikna marrapot do Pangurus Seksi Diakoni Sosial sahali 6 (onom) bulan.

1.17. Rapot Seksi Hahisaron

a. Ulaonna

- 1) Mamillit Pangurus Seksi Hahisaron.
- 2) Pasauthon Haputusan ni Rapot Huria dohot Rapot Parhalado.
- 3) Pasauthon pelaksanaan program kegiatan Seksi Hahisaron di Huria.
- 4) Pasahathon usul dana kegiatan di Seksi Hahisaron tu Rapot Parhalado Partohonan marhite Dewan Diakonia asa dihatai jala ditotophon.
- 5) Pasahathon angka usul na mardomu tu kegiatan panogunoguan na manjagahon dohot pahinsathon hahisaron ni pematang dohot ingananna be.

- 6) Pasahathon usul kegiatan di tonga ni masyarakat na manjagahon dohot pahinsathon hahisaron ni pamatangna dohot ingananna be.
 - 7) Patupahon dohot manungguli angka Ulaon Hahisaron. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pahembanghon parbinotoan ketrampilan manogunogu halak majagahon hahisaron marhite kursus dohot latihan.
 - 9) Patupahon kegiatan hasadaon di Ulaon Hahisaron dohot Huria sesama HKBP dohot Huria tetangga.
- b. Uluanna
 - 1) Ketua Seksi Hahisaron.
 - 2) Molo rapot pamilliton pangurus, Ketua Dewan Diakonia ma manguhuhon, jala dilaporhon tu Uluan ni Huria.
 - c. Ruasna

Sude Pangurus ni Seksi Hahisaron.
 - d. Tingkina

Na umotikna marrapot do Pangurus Seksi Hahisaron sahali 6 (onom) bulan.
- 1.18. Rapot Seksi Kemasyarakatan
- a. Ulaonna
 - 1) Mamillit Pangurus Seksi Kemasyarakatan.
 - 2) Pasauthon Haputusan ni Rapot Huria dohot Rapot Parhalado.
 - 3) Pasauthon pelaksanaan program kegiatan Seksi Kemasyarakatan di Huria.
 - 4) Pasahathon usul dana kegiatan di Seksi Kemasyarakatan tu Rapot Parhalado Partohonan marhite Dewan Diakonia asa dihatai jala ditotophon.
 - 5) Pasahathon angka usul na mardomu tu kegiatan na pahembangkon parsoran na konstruktif tu Pamarenta, nang sude horong di masyarakat laho patulushon visi ni HKBP: gabe pasupasus tu portibi on.
 - 6) Pasahathon usul kegiatan di tonga ni masyarakat manjamothon angka na tompu masa huhut manontuhon na patut sipatupaon mangadopi angka na masa.
 - 7) Patupahon dohot manungguli angka ulaon na manjamothon kelestarian lingkungan hidup. Mangurupi marhite kerja sama dohot seksi na asing di panghobasion ni Huria.
 - 8) Patupahon angka ulaon laho pahembanghon parbinotoan ketrampilan manogunogu halak mangharingkothon parsoran di masyarakat na marsampuborna (majemuk).
 - 9) Patupahon kegiatan hasadaon di ulaon kemasyarakatan dohot huria sesama HKBP dohot huria tetangga.
 - b. Uluanna
 - 1) Ketua Seksi Kemasyarakatan.
 - 2) Molo rapot pamilliton pangurus, Ketua Dewan Diakonia ma manguhuhon, jala dilaporhon tu Uluan ni Huria.
 - c. Ruasna

Sude Pangurus ni Seksi Kemasyarakatan.
 - d. Tingkina

Na umotikna marrapot do Pangurus Seksi Kemasyarakatan sahali 6 (onom) bulan.
2. Angka Rapot di Tirket Resort
- 2.1. Rapot Resort
 - a. Ulaonna

- 1) Pasauthon angka na pinutushon ni Sinode Godang, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode, Sinode Distrik, Rapot Majelis Pekerja Sinode Distrik.
 - 2) Manotophon Rencana Stratejik 5 (Lima) Tahunan Resort dan Program Kerja dan Anggaran Tahunan Resort.
 - 3) Manotophon sitanggungon ni Huria na masuk tu Resort i manggohi Anggaran Tahunan Resort.
 - 4) Mamillit sahalak utusan tu Sinode Distrik sian Sintua.
 - 5) Mamillit opat ro di 6 (onom) halak na gabe Parhalado Resort.
 - 6) Mamillit Sekretaris merangkap Bendahara Resort sian Parhalado Resort.
 - 7) Patupahon koordinasi ni angka ulaon panghobasion di nasa huria na masuk tu Resort i.
 - 8) Mamillit Ketua dohot Badan Audit Resort.
 - 9) Manjalo laporan Badan Audit Resort.
 - 10) Manjalo laporan sian Uluan Resort.
- b. Uluanna
Uluan Resort.
- c. Ruasna
- 1) Uluan Resort.
 - 2) Parhalado Resort.
 - 3) Sahalak Utusan ni Sintua sian huria na masuk tu Resort i.
 - 4) Sude Partohonan na Gok Tingki na di Resort i.
 - 5) Sahalak Utusan ni Parhalado Parartaon sian ganup Huria na masuk tu Resort i.
 - 6) Sahalak Utusan ni ganup Kategorial.
 - 7) Sahalak Utusan ni ganup Dewan.
- d. Tingkina
Na umotikna sahali sataon.
- 2.2. Rapot Parhalado Resort
- a. Ulaonna
- 1) Pasauthon na pinutushon ni Rapot Resort.
 - 2) Patomutomu Rencana Stratejik 5 (Lima) Tahunan Resort siboanon tu Rapot Resort asa ditotophon.
 - 3) Patomutomu Rencana Kerja dohot Rencana Anggaran Tahunan Resort siboanon tu Rapot Resort asa ditotophon gabe Program Kerja dohot Anggaran Tahunan Resort.
- b. Uluanna
Uluan Resort
- c. Ruasna
Na pinillit ni Rapot Resort sian ruas ni Rapot Resort i.
- d. Tingkina
Na umotikna sahala 3 (tolu) bulan.
3. Angka Rapot di Tirket Distrik
- 3.1. Sinode Distrik
- a. Ulaonna
- 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfesi, Aturan dohot Paraturan, Ruhut dohot Paminsangon dohot Agenda HKBP.
 - 2) Manghatai dohot mambahen panangkasion tu pangulahonon ni haputusan ni Sinode Godang, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode.

- 3) Manotophon Rencana Stratejik (Renstra) 5 (lima) Tahunan Distrik, Program dohot Anggaran Belanja Tahunan Distrik.
 - 4) Manghatai dohot mambahen panangkasion taringot tu pangulahonon ni Renstra 5 (lima) Tahunan Distrik dohot pangulahonon Program Kerja dohot Anggaran Tahunan Distrik.
 - 5) Manotophon angka usul sipasahaton tu Sinode Godang.
 - 6) Manotophon sitanggungon ni angka Resort laho manggohi Anggaran Tahunan ni Distrik dohot angka kewajiban tu Pusat.
 - 7) Mamillit utusan tu Sinode Godang, hombar tu hatontuan na adong.
 - 8) Mamillit 4 (opat) halak na gabe calon ruas ni Majelis Pekerja Sinode: 2 (dua) halak sian Pandita dohot 2 (dua) halak sian Pangula na so Pandita.
 - 9) Mamillit Ketua dohot Ruas Badan Audit Distrik.
 - 10) Manjalo Laporan Badan Audit Distrik.
 - 11) Mamillit dohot manotophon 6 (onom) ro di 12 (sampulu dua) halak ruas ni Majelis Pekerja Sinode Distrik.
 - 12) Manghatai dohot manolopi Laporan ni Praeses.
 - 13) Manangiaghon sude Haputusan ni Rapot dohot mangido panogunogunon ni Tondi Porbadia di na mangulahonsa.
- b. Uluanna
Praeses.
- c. Ruasna
- 1) Praeses.
 - 2) Asisten Bidang, Sekretaris Distrik dohot Bendahara Distrik.
 - 3) Sude ruas ni Sinode Godang na adong di Distrik i.
 - 4) Sude ruas ni Rapot Majelis Pekerja Distrik na adong di Distrik i.
 - 5) Sude ruas ni Rapot Majelis Pekerja Sinode Distrik.
 - 6) Sude Uluan ni Resort.
 - 7) Sahalak Utusan ganup Resort sian Partohonan Sintua.
 - 8) Sahalak Utusan Partohonan Guru Huria.
 - 9) Sahalak Utusan Partohonan Bibelvrouw.
 - 10) Sahalak Utusan Partohonan Diakones.
 - 11) Ketua dohot Sekretaris Pungan Naposobulung Distrik.
 - 12) Ketua dohot Sekretaris Pungan Parompuan Distrik.
- d. Tingkina
Sahali sataon. Molo di bagasan taon perionesasi patupaon ma Sinode Distrik 2 (dua) hali sataon.

3.2. Rapot Majelis Pekerja Sinode Distrik

a. Ulaonna

- 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfesi, Aturan dohot Paraturan, Ruhut Parmahanion dohot Paminsangon dohot Agenda HKBP.
- 2) Manghatai dohot mambahen panangkasion tu pangulahonon ni Haputusan ni Sinode Godang, Rapot Pandita, Rapot Majelis Pekerja Sinode, Rapot Praeses, Rapot Gabungan Praeses dohot Majelis Pekerja Sinode, Sinode Distrik, Rapot Pandita Distrik, dohot Rapot Majelis Pekerja Sinode Distrik.
- 3) Patupa Rencana Kerja dohot Rencana Anggaran Tahunan Distrik sipasahatonna jala ditotophon di Sinode Distrik gabe Program Kerja dohot Anggaran Tahunan Distrik.
- 4) Manghatai dohot mambahen panangkasion tu pangulahonon ni Program Kerja dohot Anggaran Tahunan Distrik.

- 5) Manotophon Kelompok Kerja (Pokja) na hinaringkothon Distrik laho pasauthon pangulahonon Rencana Stratejik (Renstra) 5 (lima) Tahunan dohot Program Tahunan Distrik.
 - 6) Mamillit Sekretaris Distrik.
 - 7) Mamillit Asisten Bidang.
 - 8) Mamillit Bendahara Distrik.
 - 9) Manotophon Bank inganan panimpanan ni hepeng dohot Surat na mararga ni Distrik jala pabotohonsa di Sinode Distrik.
 - 10) Manghatai laho padasiphon Laporan ni Praeses, Asisten Bidang, dohot angka Pokja/Panitia tagan so dipasahat di Sinode Distrik.
 - 11) Manangiaghon sude Haputusan ni Rapot dohot mangido panogunogunon ni Tondi Porbadia di na mangulahonsa.
- b. Uluanna
Praeses.
- c. Ruasna
- 1) Praeses.
 - 2) Asisten Bidang.
 - 3) 6 (onom) ro di 10 (sampulu) halak na pinillit ni Sinode Distrik sian Parhalado Partohonan.
 - 4) Sekretaris Distrik.
 - 5) Bendahara Distrik.
- d. Tingkina
Na umotikna sahalai 6 (onom) bulan.

3.3. Rapot Naposobulung Distrik

- a. Ulaonna
- 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfessi, Aturan dohot Paraturan, Ruhut Parmahanion dohot Paminsangon dohot Agenda HKBP.
 - 2) Manghatai ngolu partondion, hadirion, giot ni roha dohot parsoalan khusus ni Naposobulung na mansai ringkot jala hatop parrohahonon ni huria di tingkat Distrik sipasahatonna tu Majelis Pekerja Sinode Distrik.
 - 3) Mamillit Pangurus ni Naposobulung Distrik.
 - 4) Manghatai dohot patomutomuhon angka usul tu Konferensi Naposobulung Hatopan.
- b. Ruasna
Utusan Naposobulung Huria hombar tu na niaturhon di Buku Pedoman Punguan Naposobulung HKBP.
- c. Uluanna
3 (tolu) ro di 5 (lima) halak Majelis Ketua na dipillit sian tongatonga ni ruas ni rapot ni donganan ni Asisten Bidang Koinonia.
- d. Tingkina
Sahali di bagasan 2 (dua) taon 6 (onom) bulan.

3.4. Rapot Parompuan Distrik

- a. Ulaonna
- 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfessi, Aturan dohot Paraturan, Ruhut Parmahanion dohot Paminsangon dohot Agenda HKBP.
 - 2) Manghatai ngolu partondion, hadirion, giot ni roha dohot parsoalan khusus ni parompuan na mansai ringkot jala hatop parrohahonon ni huria di tirket Distrik sipasahatonna tu Majelis Pekerja Sinode Distrik.

- 3) Mamillit Pangurus ni Punguan Parompuan Distrik.
 - 4) Manghatai dohot patomutomuhon angka usul tu Konferensi Parompuan Pusat.
- b. Ruasna

Utusan Parompuan Huria hombar tu na niaturhon di Buku Pedoman Punguan Parompuan HKBP.
 - c. Uluanna

3 (tolu) ro di 5 (lima) halak Majelis Ketua na dipillit sian tongatonga ni ruas ni rapot ni donganan ni Asisten Bidang Koinonia.
 - d. Tingkina

Sahali di bagasan 2 (dua) taon 6 (onom) bulan.
4. Angka Rapot di Tirket Pusat
 - 4.1. Sinode Godang
 - 4.1.1. Sinode Godang Kerja
 - a. Ulaonna
 - 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfessi, Aturan dohot Paraturan, Ruhut Parmahanion dohot Paminsangon dohot Agenda HKBP.
 - 2) Manjalo, manimbangi dohot manotophon Barita Jujur Taon dohot pangulaon ni Ephorus.
 - 3) Manotophon Rencana Induk Pengembangan Pelayanan (RIPP) Dua puluh Tahunan HKBP.
 - 4) Manotophon Rencana Stratejik (Renstra) 5 (lima) Taon HKBP.
 - 5) Manotophon alus (sikap) umum ni HKBP marojahan tu sondang ni pangantusion ni Bibel.
 - 6) Manotophon dohot pahothon Aturan dohot Paraturan HKBP.
 - 7) Manotophon Konfessi HKBP dung jolo dihatai Rapot Pandita Hatopan.
 - 8) Manotophon Agenda HKBP dung jolo dihatai Rapot Pandita Hatopan.
 - 9) Manotophon Ruhut Parmahanion dohot Paminsangon HKBP dung jolo dihatai Rapot Pandita Hatopan.
 - 10) Manangiaghon sude Haputusan ni Sinode Godang dohot mangido panogunogunon ni Tondi Porbadia di na mangulahonsa.
 - b. Uluanna
 - 1) 5 (lima) halak Majelis Ketua na pinillit ni Sinode Godang sian ruas ni Sinode Godang.
 - 2) Ephorus do manguluhon Sinode Godang sahat tu pamilliton Majelis Ketua.
 - 3) Dung tarpillit Majelis Ketua pasahaton ni Ephorus ma tu Majelis Ketua manguluhon parrapoton ni Sinode Godang i.
 - 4) Dung sidung parrapoton ni Sinode Godang pasahaton ni Majelis Ketua ma tu Ephorus angka haputusan ni Sinode Godang i laos dohot manutup Sinode Godang i.
 - c. Ruasna
 - 1) Ephorus.
 - 2) Sekretaris Jenderal.
 - 3) Ruas ni Majelis Pekerja Sinode.
 - 4) Sude Praeses.
 - 5) Utusan sian Distrik, marhite hatontuan:
 - a. Torop ni Resort 8 – 15 = Utusan Distrik: 8 Pandita dohot 8 na so Pandita

- b. Torop ni Resort 16 – 30 = Utusan Distrik: 16 Pandita dohot 16 na so Pandita
- c. Torop ni Resort 31 – 45 = Utusan Distrik: 24 Pandita dohot 24 na so Pandita
- d. Torop ni Resort 46 – 60 = Utusan Distrik: 32 Pandita dohot 32 na so Pandita
- e. Torop ni Resort 61 – satorusna = Utusan Distrik: 40 Pandita dohot 40 na so Pandita
- 6) Sude Ketua Badan Hatopan HKBP.
- 7) Sude Ketua Yayasan Hatopan HKBP.
- 8) Ketua Konferensi Naposobulung Hatopan.
- 9) Ketua Konferensi Parompuan Hatopan.
- d. Tingkina
Sahali 5 (lima) taon.

4.1.2. Sinode Godang Pemilihan

a. Ulaonna

- 1) Mamparungkilhon Hata Ni Debata dohot patupa nasa Haputusan di bagasan tangiang marojahan tu Bibel, Konfesi, Aturan dohot Paraturan, Ruhut Parmahanion dohot Paminsangon dohot Agenda HKBP.
- 2) Manjalo, manimbangi dohot manotophon Barita Jujur Taon dohot Laporan Ujung Periode ni Ephorus.
- 3) Manotophon Rencana Stratejik (Renstra) 5 (lima) Taon HKBP.
- 4) Manotophon alus (sikap) umum ni HKBP marojahan tu sondang ni pangantusion ni Bibel.
- 5) Mamillit Ephorus.
- 6) Mamillit Sekretaris Jenderal.
- 7) Mamillit Praeses.
- 8) Mamillit Majelis Pekerja Sinode.
- 9) Manangianghon sude haputusan ni Sinode Godang dohot mangido panogunogunon ni Tondi Porbadia di na mangulahonsa.

b. Uluanna

- 1) 5 (lima) halak Majelis Ketua na pinillit ni Sinode Godang sian ruas ni Sinode Godang.
- 2) Ephorus do manguluhon Sinode Godang sahat tu pamilliton Majelis Ketua.
- 3) Dung tarpillit Majelis Ketua pasahatan ni Ephorus ma tu Majelis Ketua manguluhon parrapoton ni Sinode Godang i.
- 4) Dung sidung parrapoton ni Sinode Godang pasahatan ni Majelis Ketua ma tu Ephorus angka haputusan ni Sinode Godang i dohot manutup Sinode Godang i.

c. Ruasna

- 1. Ephorus.
- 2. Sekretaris Jenderal.
- 3. Ruas ni Majelis Pekerja Sinode.
- 4. Sude Praeses.
- 5. Utusan sian Distrik, marhite hatontuan:
 - a. Torop ni Resort 8 – 15 = Utusan Distrik: 8 Pandita dohot 8 na so Pandita
 - b. Torop ni Resort 16 – 30 = Utusan Distrik: 16 Pandita dohot 16 na so Pandita
 - c. Torop ni Resort 31 – 45 = Utusan Distrik: 24 Pandita dohot 24 na so Pandita
 - d. Torop ni Resort 46 – 60 = Utusan Distrik: 32 Pandita dohot 32 na so Pandita

e. Torop ni Resort 61 – satorusna = Utusan Distrik: 40 Pandita dohot 40 na so Pandita

6. Sude Ketua Badan Hatopan HKBP.
7. Sude Ketua Yayasan Hatopan HKBP.
8. Ketua Konferensi Naposobulung Hatopan.
9. Ketua Konferensi Parompuan Hatopan.

d. Tingkina
Sahali 5 (lima) taon ma dipatupa.

4.2. Rapot Majelis Pekerja Sinode

a. Ulaonna

- 1) Mamparungkilhon Hata Ni Debata dohot mambuat nasa Haputusan di bagasan tangiang marojahan tu Bibel, Konfessi, Aturan dohot Paraturan, Ruhut Parmahanion dohot Paminsangon, dohot Agenda HKBP.
- 2) Manotophon Konsep Rencana Induk Pengembangan Pelayanan (RIPP) 20 Tahunan dohot Konsep Rencana Strategik (Renstra) Lima Tahunan HKBP sipasahaton ni Ephorus tu Sinode Godang asa ditotophon gabe Rencana Induk Pengembangan Pelayanan (RIPP) HKBP 20 Tahunan dohot Rencana Strategik (Renstra) HKBP 5 (lima) Tahunan.
- 3) Manotophon Program Kerja dan Anggaran Tahunan HKBP.
- 4) Patupa evaluasi taringot tu pangulahonon Haputusan ni Sinode Godang dohot Rapot Majelis Pekerja Sinode.
- 5) Mamillit dohot manotophon Ketua dohot Anggota angka Badan di HKBP.
- 6) Mamillit dohot manotophon Ketua dohot Anggota ni Komisi Aturan Peraturan HKBP hombar tu Keputusan ni Sinode Godang.
- 7) Mangurupi Ephorus laho patupa mutasi ni Pangula na Gok Tingki.
- 8) Rap dohot Praeses (Rapat Gabungan) na niuluhon ni Ephorus laho mamillit dohot manotophon Sekretaris Jenderal siala na monding manang tarsabat torus (berhalangan tetap).
- 9) Manotophon rekening Bank inganan panimpanan hepeng dohot surat berharga ni HKBP.
- 10) Mangalehon turgas dohot panolopion tu Rencana Perikatan Perjanjian Kerja Sama HKBP dohot angka badan di Indonesia dohot di luar negeri.
- 11) Manghatai barita pangulaon dohot Laporan Ujung Periode ni Uluan andorang so diboa tu Sinode Godang.
- 12) Manotophon guguan sitanggungon ni Huria, Resort, Distrik, dohot Badan/Lembaga.
- 13) Mangalehon panolopion taringot tu panggadison ni arta na so morot.
- 14) Manghatai dohot manolopi laporan ni Badan Audit.
- 15) Manotophon Peraturan Pelaksanaan Keuangan Umum (PPKU), Pedoman Akuntansi HKBP, Pedoman Penatalayanan HKBP, Peraturan Pelaksanaan Kepersonaliaan HKBP, Kebijakan Dasar Pendidikan HKBP, Pedoman Punguan Naposobulung, Pedoman Punguan Perempuan HKBP dohot peraturan-peraturan pangulahonon na asing na so diatur dope di Aturan dohot Paraturan.
- 16) Manotophon Biro dohot Bagian Kantor Pusat HKBP.

b. Uluanna
Ephorus.

c. Ruasna

- 1) Ephorus.
- 2) Sekretaris Jenderal.
- 3) Sude Anggota MPS na tarpillit di Sinode Godang.

- 4) Ketua STT HKBP.
- 5) Ketua Sekolah Tinggi Guru Huria HKBP.
- 6) Ketua Sekolah Tinggi Biblevrouw HKBP.
- 7) Ketua Sekolah Tinggi Diakones HKBP.
- 8) Sude Kepala Badan di HKBP.
- 9) Sahalak Utusan sian Guru Huria.
- 10) Sahalak Utusan sian Biblevrouw.
- 11) Sahalak Utusan sian Diakones.

d. Tingkina
Na umotikna 2 (dua) hali di bagasan sataon.

4.3. Rapot Praeses

a. Ulaonna

- 1) Mamingkiri hatatanak ni ngolu partondion ni huria.
- 2) Mamingkiri dalan pahinsathon parbinotoan di Hata Ni Debata dohot hataon ni angka Partohonan.
- 3) Pasahathon pandapotna tu Ephorus taringot tu hataon ni angka Pandita, Guru Huria, Biblevrouw, Diakones, Evangelis, dohot angka calon Partohonan.
- 4) Maniroi Sikola Tinggi Guru Huria, Sikola Tinggi Biblevrouw dohot Sikola Tinggi Diakones songon Kuratorium.
- 5) Manaringoti Ulaon ni Praeses di ganup Distrik.
- 6) Pasahathon turgas tu Komisi Pengembangan Sumber Daya Pelayan taringot tu usul mutasi Pangula na Gok Tingki.

b. Uluanna

Ephorus.

c. Ruasna

- 1) Ephorus.
- 2) Sekretaris Jenderal.
- 3) Sude Praeses.

d. Tingkina

2 (dua) hali di bagasan sataon.

4.4. Rapot Gabungan Praeses dohot Majelis Pekerja Sinode

a. Ulaonna

- 1) Koordinasi pangulahonon di angka Haputusan ni Sinode Godang, Rapot Praeses dohot Rapot Praeses.
- 2) Manghatai angka na masa di Huria, Resort, Distrik dohot di Hatopan hombar tu boaboa ni Ephorus dohot sian Praeses.
- 3) Manghatai taringot alus (sikap) hatopan ni HKBP tu angka na masa di tongatonga ni masyarakat
- 4) Laho mamillit pangganti ni Sekretaris Jenderal ala na tarsabat torus (berhalangan tetap).

b. Ruas

- 1) Ephorus.
- 2) Sekrataris Jenderal.
- 3) Praeses.
- 4) Ruas ni Majelis Pekerja Sinode.

c. Uluanna

Ephorus.

- d. Tingki
Hombar tu ringkotna sian panatapan ni Ephorus.

5. Angka Rapot ni Partohonan

5.1. Rapot Pandita Hatopan

a. Ulaonna

- 1) Manghatai dohot mambahen panangkasion tu pangulahonon ni Konfesi, Ruhut Parmahanion dohot Paminsangon dohot Agenda HKBP.
- 2) Patomotomuhon Konfessi, Ruhut Parmahanion dohot Paminsangon (RPP), dohot Agenda HKBP asa ditotophon di Sinode Godang.
- 3) Patomotomuhon Panindangion Haporseaon (*Statement Of Faith*) ni HKBP taringot tu sintuhu ni angka parungkilon di parngoluon, asa dipahot di Sinode Godang.
- 4) Mangalehon pamingkirion Teologis lumobi Ekklesiologi tu Komisi Aturan dohot Paraturan HKBP.
- 5) Mangalehon pamingkirion tu angka Lembaga Pendidikan Teologi HKBP.
- 6) Patubuhon panghilalaan parhamaranggion di sude Pandita HKBP, isara ni Tumpak Liat Pandita dohot lan na asing.
- 7) Manghatai dohot manjalo mulak Pandita na hona Ruhut Parmahanion dohot Paminsangon.
- 8) Mamillit calon Ephorus godangna 3 (tolu) halak marhite torop ni soara (ranking).
- 9) Mamillit calon Sekretaris Jenderal godangna 3 (tolu) halak marhite torop ni soara (ranking).
- 10) Mamillit Calon Praeses toropna 2 (dua) hali godang ni Distrik marhite torop ni soara (ranking).

b. Uluanna

Ephorus.

c. Ruasna

- 1) Sude Pandita HKBP.
- 2) Angka Pandita na mangula di HKBP na ro sian Huria na asing.

d. Tingkina

2 (dua) hali di bagasan saperiode.

5.2. Rapot Pandita Distrik

a. Ulaonna

- 1) Mamingkiri dohot mangalului dalan laho pahinsathon na ringkot tu Pandita dohot tu Ulaon Hapanditaon HKBP tarlumobi di Distrik i.
- 2) Manangkasi manang naung mardalan angka pangajarion dohot pangulaon taringot tu Teologi, Poda, Ruhut Parmahanion dohot Paminsangon, Agenda Huria dohot ngolu partondion di huria hombar tu angka naung diputushon di Rapot Pandita Hatopan dohot Sinode Godang.
- 3) Pasahathon usul na mardomu tu Teologi, Poda dohot Ruhut Parmahanion dohot Paminsangon tu Ephorus marhitehite Praeses.
- 4) Manimbangi angka donganna Pandita di Distrik i hombar tu Ruhut Parmahanion dohot Paminsangon ni adopan ni Ephorus.

b. Uluanna

Praeses.

c. Ruasna

- 1) Sude Pandita HKBP na mangula di Distrik i.
- 2) Angka Pandita sian Huria na asing na mangula di Distrik i.

- d. Tingkina
Sahali Sataon.
- 5.3. Rapot Guru Huria
- a. Ulaonna
 - 1) Manaringoti dohot pahembanghon angka ulaon na mardomu tu Tohonan Guru Huria.
 - 2) Mamillit sahalak sian tongatonganasida gabe ruas ni Majelis Pekerja Sinode.
 - b. Uluanna
Ephorus
 - c. Ruasna
Sude Guru Huria.
 - d. Tingkina
Sahali 5 (lima) taon.
- 5.4. Rapot Bibelvrouw
- a. Ulaonna
 - 1) Manaringoti dohot pahembanghon angka ulaon na mardomu tu Tohonan Bibelvrouw.
 - 2) Mamillit sahalak sian tongatonganasida gabe ruas ni Majelis Pekerja Sinode.
 - b. Uluanna
Ephorus.
 - c. Ruasna
Sude Bibelvrouw.
 - d. Tingkina
Sahali 5 (lima) taon.
- 5.5. Rapot Diakones
- a. Ulaonna
 - 1) Manaringoti dohot pahembanghon angka ulaon na mardomu tu Tohonan Diakones.
 - 2) Mamillit sahalak sian tongatonganasida gabe ruas ni Majelis Pekerja Sinode.
 - b. Uluanna
Ephorus.
 - c. Ruasna
Sude Diakones.
 - d. Tingkina
Sahali 5 (lima) taon
- 5.6. Konferensi dohot Na Asing
- a. Na boi do patupaon ni Uluan HKBP Konferensi, Musyawarah, Seminar dohot na asing di tirket Pusat hombar tu ringkotna.
 - b. Na boi do patupaon ni Praeses HKBP Konferensi, Musyawarah, Seminar dohot na asing di tirket Distrik tu ringkotna.

Bindu 23

Harentaon ni Angka Rapot

1. Nasa rapot ingkon marojahan tu Konfessi, Aturan dohot Paraturan dohot Ruhut Parmahanion Paminsangon dohot Agenda ni HKBP.
2. Sipungkaon do ganup rapot marhite Ende Huria, Tangiang dohot Hata Ni Debata.

3. Uluan ni rapot na tinontuhon ni Aturan dohot Paraturan ni huria do na manjou ruas ni rapot jala ingkon sahat joujou i na lumambatna:
 - 3.1. Di Huria: 3 (tolu) ari.
 - 3.2. Di Resort: 10 (sampulu) ari.
 - 3.3. Di Distrik: 14 (sampulu opat) ari.
 - 3.4. Sinode Godang: 30 (tolupulu) ari.
4. Na sah do rapot molo adong na ro lobi sian $\frac{1}{2}$ (satonga) ni torop ni ruas ni rapot i so padohot uluan. Molo ndang adong $\frac{1}{2}$ (satonga) ruas ni rapot i na ro dipaundur ma rapot i saleleng :
 - 4.1. Di Huria: 3 (tolu) ari.
 - 4.2. Di Resort: 10 (sampulu) ari.
 - 4.3. Di Distrik: 14 (sampulu opat) ari.
 - 4.4. Sinode Godang: 30 (tolupulu) ari.
5. Molo tong ndang gok na ro $\frac{1}{2}$ (satonga) ni ruas so padohot Uluan di tingki na tinontuhon ni surat joujou paduahon i, sah ma rapot i manang piga pe na ro.
6. Molo adong rapot na tompu situtu, sah do rapot dohot haputusan molo ro $\frac{1}{3}$ (sapatolu) ni ruas so padohot Uluan.
7. Nasa na ni hataan di rapot ingkon do marnotulen na tinandatanganan ni Uluan ni rapot.
8. Nasa na pinutushon ni rapot ingkon jahahononhon ma mangulahi asa torang di parrapot jala ingkon ditandatangani Uluan ni rapot.
9. Nandang boi mandok hata ruas manang tamue, panurgasi dohot peninjau so jolo dipangido jala dipaloas Uluan. Boi do Uluan mangido pingkiran tu tamue, panurgasi dohot peninjau taringot tu angka sihataan.
10. Lehonon ni Uluan do tingki tu ruas laho mandok hata hombar tu torop ni na mangido.
11. Nandang boi sada ruas mandok hata lobi sian dua hali taringot tu sada sihataan.
12. Tung so boi gangguon ni manang ise na mandok hata.
13. Nandang boi sada halak mandok hata paroaroahon donganna parrapot. Marhuaso do Uluan maminsang ibana ro di 2 (dua) hali, alai molo so ditangihon singotsingot parpudi i, marhuaso do Uluan pasohothon ibana manghatai. Molo so mangoloi ibana di si, marhuaso do Uluan paruarhon ibana sian parrapotan i.
14. Marhuaso do Uluan pasingothon sada halak di tingki manghatai molo manirpang sian isi ni sihataan. Molo so ditangihon singotsingot i marhuaso do Uluan pasohothon ibana manghatai.
15. Marhuaso do Uluan manontuhon tingki na tontu tu sada halak sidok hata. Molo ndang sidung dope sidohononna i, hape nunga suda tingki, marhuaso do Uluan pasohothon ibana mandok hata jala na naeng sihatahononna i pasahatonna ma i tu Uluan marhite surat.
16. Laho manjaga harentaon ni rapot, marhuaso do Uluan paradiahon rapot satongkin manang *manskors* leleng ni 15 (sampulu lima) minut, jala molo ringkot situtu sahat tu na pasohothon.
17. Andorang so dipungka manghatai sada sihataan jumolo ma dilehon Uluan panorangion turgas parjolo. Suang songon i do bahenon molo mardomu tu ulaon ni sada Komisi sihataan i, dung i pe asa dipasahat hata i tu ruas.
18. Nasa usul jumolo ma dipasahat tu Uluan asa dipamasuk tu agenda ni rapot na naeng ro.
19. Nasa usul na ro di tingki rapot, ingkon ditolopi $\frac{2}{3}$ (dua partolu) ruas ni rapot na ro, ipe asa boi dihatai.
20. Molo masa pamilliton, jumolo ma adonghonon sada Panurgasi (Panitia) na manguluhon pamilliton i, na umotikna tolu halak.
21. Holan ruas na gok do na boi mangalehon soara. Tamue, Panurgasi dohot Peninjau ndang parsidohot pasahathon soara.
22. Sah do pamilliton tu sada halak manang soara tu sada sitimbangan, molo rapot soara na gumodang, i ma $\frac{1}{2}$ (satonga) sian torop ni pamillit tamba sada ($\frac{1}{2} N + 1$). Nandang sietongon molo blanko (*abstain*).

23. Di tingki na mambuat soara ndang tama adong blanko (*abstain*), ai rap marpanahatan do ruas ni rapot i di sude na hinataan dohot angka na pinatupa.
24. Calon na boi ulahan pilliton, i ma angka na mandapot soara pardosdosan manang *kiesquosient*.
25. Di Rapot Resort, Distrik, dohot Sinode Godang, jumolo ma tangkasan ni na manguluhon rapot i angka surat haruason ni marsasahalak anggota.
26. Sipamasaon do Rapot ni Huria di bagas huria manang di inganan na suman tu parrapotan ni Huria na tinontuhon ni Uluan ni Rapot.
27. Khusus tu Sinode Godang
 - a. Sitangianghonon ni Huria do Sinode Godang di ganup Huria.
 - b. Pungkaon do Sinode Godang marhite na patupahon partangiangan jala paujungon dohot Ulaon na Badia.
 - c. Sai pungkaon dohot paujungon do ariari ni Sinode Godang marhite partangiangan.
 - d. Sipabangkiton ni Uluan HKBP do na patupahon notulen ni angka na hinataan, jala sitongoson do notulen i tu angka ruas ni Sinode Godang dohot tu sude Resort.
 - e. Paima haruar Notulen i sitongoson do daftar ni angka Haputusan ni Sinode Godang i tu sude Huria di bagasan tingki na hatop.
 - f. 3 (tolu) do rumang ni rapot na masa di Sinode Godang:
 1. Rapot Parpunguan Hatopan manang Pleno Terbuka, i ma: partangiangan, upacara-upacara, ceramah, Patanakhon Hata Ni Debata dohot angka ulaon na asing na tau pahehehon roha ni ruas dohot Huria.
 2. Rapot Hapunjungan ni angka Utusan manang Komisi Tertutup, i ma angka rapot na manaringoti angka pangalaho na mardomu tu administrasi dohot siulaon ni Huria i.
 3. Rapot Hadomuan ni angka Utusan manang Pleno Tertutup, i ma angka rapot hadomuan laho paujunghon angka na hinataan di Rapot Hapunjungan ni angka Utusan.
 - g. Andorang so dipungka Rapot, pabotohonon ni Uluan do rumang ni rapot i.
28. Laho mambuat Haputusan, unang ma marojahan tu torop ni soara, naeng ma sian dos ni roha. Alai molo ingkon buaton soara manang *voting*, tuk ma soara na gumodang na manontuhon.
29. Nasa sihataan na mardomu tu parmahanion, paminsangon dohot angka na mardomu tusi ingkon homi (*rahasia*) do i jala so boi paboaoon tu ruar.
30. Nasa sihataan di Sinode Godang jumolo diboan jala dihatai di Sinode Distrik dohot Rapot Majelis Pekerja Sinode.

PONGGOL PAUALUHON

Panutup dohot Paralihan

Bindu 24

PANUTUP

1. Nasa na so diatur dope di Aturan dohot Paraturan on, diatur ma i di Paraturan na tinotophon ni Rapat Majelis Pekerja Sinode.
2. Petunjuk Pelaksanaan Aturan dohot Paraturan on ditotophon Rapot Majelis Pekerja Sinode.
3. Petunjuk Tehnis Aturan dohot Paraturan on ditotophon Rapot Majelis Pekerja Sinode.

Bindu 25 PARALIHAN

1. Amandemen Aturan dohot Paraturan on ditotophon di Sinode Godang HKBP Tahun 2018 jala marlangku mamungka dung ditotophon.
2. Periode ni angka Pangurus di Huria, Resort, Distrik dohot Hatopan dimulai 01 Januari 2020.
3. Proses pamilliton ni Uluan ni HKBP dohot Praeses HKBP di Sinode Godang 2020, mardalan ma hombar tu Aturan dohot Paraturan na imbaru.
4. Mamungka sian 01 Januari 2020, Aturan dohot Paraturan mulak ma tu na paimbaruhon sahali 10 (sampulu) taon.
5. Sinode Godang Tahun 2018 mangalehon tugas tu Komisi Aturan dohot Paraturan laho patomupatomu Petunjuk Pelaksanaan Aturan dohot Paraturan on sitotophonon di Rapot Majelis Pekerja Sinode.

Aturan dohot Paraturan on ditotophon di Sinode Godang
Huria Kristen Batak Protestan
Di Seminarium Sipoholon
Tanggal 2018

Ephorus

Pdt. Dr. Darwin Lumbantobing

